



36244

Mag. St. Dr.

P

THEOLOGIA.

N. 1025



36244

I

X. 1. 02

Królikowski Naz

JUDAISMUS CONVICTUS

scilicet

DEMONSTRATIO EVIDENTISSIMA

Legem Veterem cessasse,
Promissum MESSIAM advenisse,

Eumque esse

JESUM CHRISTUM

invisibilibus argumentis à Vaticanis antiqui Testamenti

DEDUCTA,

brevi, ac dilucida Methodo

EXPLANTATA,

Atque occasione Manifestationis coram Officio

ILLUSTRISSIMI, EXCELLENTISSIMI,

Ac REVERENDISSIMI DOMINI

D. NICOLAI

à Debowa Gora

DEBOWSKI

EPISCOPI CAMENECENSIS,

Annò elapsò 1756. à Judæis facta

Publicæ Luci

DATA

Authore Fratre Casimiro Puteano S. Th. Lectore

Conventus Varsoviensis Provinciæ Poloniæ

Ordinis Prædicatorum Alumnus

Annò ab Adventu Veri MESSIÆ

JESU CHRISTI

1757.

VARSAVIÆ.

Typis S. R. M. & Reipublicæ in Collegio
Scholarum Piarum.

36, 244

T

JL

D

M



fab
zelo



JLLUSTRISSIMO EXCELLENTISSIMO

Ac REVERENDISSIMO DOMINO

D. N I C O L A O

à Dębowa Góra

D E B O W S K I

Episcopo Camenecensi

Mecænati Gratosissimo.



*Arvum istud contra Ju-
deos opus Magno TUO
Nomini nuncupare cogi-
tavi, quòd probè sciam,
summam erga omnes af-
fabilitatem, pari cum fidei propagande
zelo TUO certare in animo. JL-*

(2)

LU-

LUSTRISSIME, EXCELLEN-
TISSIME, & REVERENDISSI-
ME DOMINE PRÆSUL &
MECÆNAS FAVENTISSIME.

Non diffido meum huncce libellum Gra-
tiam TUIS in oculis reperturum, qui
amplam Mentem TUAM inter gra-
vissima licet Reipublicæ negotia jugi
Sacrarum litterarum lectione pascere,
& relevare assoles, earumq; indefessò
studio tam locupletem Sacræ Antiqui-
tatis notitiam comparasti, ut quæcunq;
hac in materia lucubrationes evul-
gande sunt, ad TE, ceu perspectum,
limatiq; ingenij Judicem meritò devol-
vi debeant. Et planè DEO ipso di-
ssponente factum est, quod fidei Christi-
anæ causa contra perfidiam Judaicam,
non alibi, quam TUUM ad Judici-
um devoluta sit, cum etenim DEUS
O. M. & zelo defendende fidei, &
veræ Theologiæ comprehensione TU-
UM

UM imbuerit animum, ad TE suam
hanc ad convincendos hebreos causam
referri destinavit. TUUM ea pro-
pter hic PRÆSUL SAPIENTIS-
SIME æquitatis Tribunal appello ;
conspice Poloniam tanta Judæorum
colluvie quaquaversus refertam, ut
nos numero si non superare, utiq; æ-
quare videantur. Compendiosâ me-
ditatione perpende, quot in dies ex
ijs animæ veluti conglomerato agmine
in averna descendant? & nemo est, qui
Fraterne Charitatis visceribus motus,
manum pereuntibus porrigat, cum in-
terea alij profanis historiis mentem
satiare primæ sibi gloriæ ducant ;
alij ficcis, inutilibus, vanisque
questionibus sua, aliorumq; ingenia
onerent, alij demùm unicus Geometriæ,
ac Mathematicæ experimentis supra
modum delectentur. Non, ut hujus-
modi artibus odium aliquod conciliem,
aut

aut eas meo calculo reprobem, hæc dico, cum & ad humane mentis eruditionem, & ad alendam inter homines societatem non parum conferant. Sed ijs disciplinis ita indulgendum esse censeo, ne Magistram omnium Theologiam reliquisse videamur. Ille delectabiles quidem sunt, hæc omnino necessaria. Hinc S. Augustinus lib: de util: cred: cap: II. Intelligere (inquit:) superflua nihil nocet, sed fortasse discere nocuit, quum tempus necessariorum occuparent.. Ante omnia, clamat Evangelium: quærendum est Regnum Dei, investiganda earum veritatum cognitio, quæ Nos, & alios ad verum DEI cultum, & amorem ducant, sicq; aptissimos ad regnandum cum DEO efficiant. Hic scopus, hic finis studiis Nostris ab ipso DEO, & natura præfixus est. Non eos quippè, qui de maris æstu, de planetarum cursu, de
Coper-

Copernicano, aut alio Siftemate pluri-
ma ad naufeam usq; ventilant, fepti-
usq; reflicant, fed qui ad Iuftitiam
erudunt multos, ftellarum fulgore emi-
caturus Scriptura promittit. Ignofce
PRÆSUL ILLUSTRISIME,
quòd Glorioso TUO Nomine ad ne-
ceffarie, verèq; fapientie ftudium ple-
rosq; coetaneos provocem, & adhorter;
etenim inter perfidiam Judeorum, &
pervicaciam hereticorum collotenus
verfamur; quorum uni Præceptore, &
Duce indigent, alij Catholicarum ve-
ritatum Defenforem ftrenuum ultro
exigunt. Primis fatisfactum iri arbi-
tror, dum Paftorali TUA follicitudine,
quâ emines, promovente per Diæce-
fes, & Parochias in manus tum Cle-
ri, cum etiam peritorum latine lingvæ
fecularium opusculum hoc pervenerit;
facili quippè negotio exiguum Opus ma-
nibus omnium teri, & portari, brevi
tempo.

temporis spatio perlegi, eoq; mens cu-
 juslibet imbui, dataq; occasione huic,
 vel illi Judeo dilucide exponi poterit;
 sicq; DEO interius operante futurum
 fore in Domino confido, ut una, &
 altera anima erroris sui conscia gre-
 gi, & ovili Christi aggregetur, An-
 gelis in Cælo gaudium obveniat, Ca-
 tholicus verò in soliditate suæ Fidei
 magis magisq; firmetur. Hoc in scri-
 bendi genere eximiam sibi laudem com-
 pararunt Reverendissimus ac Illustri-
 ssimus Daniel Huetius Episcopus Abrin-
 census in sua Demonstratione Evange-
 lica; Raymundus Martini Ordinis
 Prædicatorum in Pugione Fidei, &
 Ignatius Hyacinthus Graveson Ejus-
 dem Ordinis; Alijque Viri Doctissimi,
 è quorum Archivis ea, quæ nervosius,
 ac solidius hebræos convincere possunt,
 plurimis etiam, quæ Venetiis agens
 in studio Ordinis conscripseram, additis,
 in

in brevem methodum, facilemq; bono ordine redegi; quò cuilibet ingentia Opera ad manum habere minimè valenti consultum foret.

Hic præclarissimas animi TUI PRÆSUL ILLUSTRISSIMÆ doctes, & magna in Ecclesiam, ac Rempublicam tuam TUA, quum ILLUSTRISSIMI EPISCOPI CUIAVIENSIS Germani TUI, totq; DOMUS TUÆ ILLUSTRISSIMÆ HEROUM, PATRUM, ac DEFENSORUM PATRIÆ merita enarrarem; nisi tanta recte gestorum moles, exilem meam supprimeret facundiam, & ego solus ea merita condignis encomiis celebrare impar sim; que totus Polonus Orbis debito tantum veneratur cultu, sufficienti verò laude nequit assequi, extollere, celebrare. TUUS pro Christiana causa contra perfidiam Judaicam indefessus zelus,
inter



*inter innumeras Virtutes alias summi
TIBI semper Elogij futurus est.*

*Nunc tantum DEUM Bonorum o-
mnium largitorem precor, ut ILLU-
STRISSIMAM, ac EXCEL-
LENTISSIMAM DOMINATI-
ONEM TUAM in plurimos annos
incolumem Ecclesie Polonae, litteris,
& Reipublicae servet, supernaeq. benedi-
ctionis fluentis opimis repleat. TU autem
PRÆSUL ILLUSTRISSIME æ-
qui boniq. consulas istud quaecumq.
obsequij mei, & propensi animi monu-
mentum, quod TUOS sub pedes, TU-
AM sub Pastoralem protectionem hu-
militer colloco*

*Illustrissimæ, Excellentissimæ,
ac Reverendissimæ Dominationis
Tuæ.*

*infimus Servus
Fr. Casimirus Puteanus
Ordinis Prædicatorum.
mpp.*

FACULTAS ORDINIS.

Frater THOMAS KROLIKOWSKI S. Th. Mgr
Prior Provincialis Provinciae Poloniae S. O.
Prædicatorum.

HArum serie, Nostrig, Autoritate Officij Tibi
Rido P. Lri Fri Casimiro Putcan Datus, Con-
cedimusq, licentiam, Datamq, & Concessam esse
Decernimus, & Declaramus imprimenai libellum
cum titulo: Judaismus Convictus labore tuo ad
convertendos Judeos, & conversos confirmandos
conscripsum; dummodo eundem prius viderint ac le-
gerint A. R. P. Mgr Fr. Symbarianus Poninski, &
R. A. P. Prasentans sinag Nostræ Generalis Warsa-
vien: Regens Fr. Bruno Bogatko, illamq, publica uti-
litati aignum esse censuerint, ac iudicaverint. In
Nomine Patris, & Filij, & Spir tus S. Amen.
Quibuscunq, &c: In quorum fidem &c: Decimus in
Conventu Nostro Cracov: Die 26. Febr: 1756.



Confervus in Dño Fr. Thomas Kro-
likowski Mgr Provincialis.

mpp.

Rga. Pga. 467.

Fr. Thomas Uzdowski Lr Prior
Elbingen: & Socius. mpp.


CENSURA THEOLOGORUM.

EX commissione A. R. P. S. Th: Magistri Thomæ Krolikowski Provincialis Provinciae Nostrae Poloniae perlegi libellum à R. P. Lre Casimiro Puteano compilatum, cui titulus: *Judaismus Convictus, in quo, cum nihil fidei Catholicae adversum, verum bene ordinatam, & efficacem convincendi Judaismi Methodum invenerim; dictum libellum, uti animarum lucra servitutum luce publica dignum fore judico.* Datum in Conventu Varšavien: Die 1. Decembris. 1756.

Fr. Symphorianus Poniniski S. T. Doctor Vicarius Conventus Varš: S. Hyacinthi O. Præd:
mpp.

Libellum, cui titulus: *Judaismus Convictus à R. P. L. Casimiro Puteano conscriptum, præhabita licentiâ A. R. P. Magistri Provincialis Thomæ Krolikowski legendum, tractandumq; suscepi, in quo nihil prorsus reperi, quod Fidei Dogmatibus dissonum sit, sed potius, quod Fideos de sua perfidia mirifice convincere, eosq; ad agnitionem Veri Meliæ JESU Christi adducere potest; adeoq; præfatum libellum ob suam utilitatem typis mandandum esse censeo.* Datum in Conventu Varšav: Die 1. Decembris. 1756.

Fr. Bruno Bogatko S. T. Præsentatus Regens Studij Generalis Varšaviensis Ord: Præd:
ad S. Hyacinthum.
mpp.




LICENTIA LOCI ORDINARII.

Imprimatur.

CAROLUS FRIDERICUS KRENI
U. J. D. Canonicus Cathedralis Plo-
centis, & Varsaviensis, ac Judex Sur-
rogatus.

mpp.





BENEVOLE LECTOR.

Humanitèr Te rogo, quo meis acquiescas consiliis, nempe: si optatum ex lectione libelli hujus fructum capere desideras non unum, aut aliud caput; non unum, aut alium titulum perfunctorie legas: sed à capite libelli incipiendo consequenter unam post aliam tractationem patienter, & serio perpendere digneris, posteriorum enim intelligentia à priorum notitia pendet, & quasi catenatim se se sequuntur. Duos etiam capitales, qui typo irrepsérunt errores hic detectos advertas: *Imus* habetur pag: 17. vers: 22. ubi pro verbis illis: *sed quomodo poterat David, aut Abraham dicere alicui: Tu es Sacerdos &c:* pro verbis illis (inquam:) lege: *Sed quomodo Dominus, seu Deus dicere poterat Davidi, aut Abrahamo: Tu es Sacerdos &c:* *2dus* habetur pag: 24. vers: 21. ubi post hæc verba: *Terra, quam tu detestaris:* pro verbis: *non eadem verba repetit:* Lege: *nam eadem verba repetit.* Cæteros errores minores correctos invenies in fine Operis. Vale.

PROLO-



P R O L O G U S

In quo nomen & character Messiae exponitur; undequè vera ejus notitia desumenda sit, & quâ Methodo investiganda? ostenditur.

Messias vox hebraica, idem prorsus sonat quod græca vox Christus, at Christus latinè redditur: Unctus. Cum autem Reges nonnisi & Sacerdotes ungi moris sit, ac fuerit, quos etiam simul Prophetas esse nihil prohibet; uti Davidem Regem simul & Prophetam; Samuelem Sacerdotem simul, & Prophetam; hinc nomine Messiae Judæi cum intelligi & significari volunt; qui simul Rex, Sacerdos, & Propheta, inter omnes Electus, magno in terris muneri obeundo à Deo destinatus sit tanquam liberator, Salvator, & summa totius mundi expectatio. Cui proinde Judæi

A

omnem

omnem promptamque cum obedientiam, tum fidem uti
vero Dei nuncio & Electo pollicentur.

Perpetuam inter Judaeos de hoc venturo Messia
traditionem viguisse manifesta omnium tam antiquo-
rum, quam modernorum hebraeorum confessione cer-
tissimum est. Unde hanc, quæso, adeo communem
unoque omnium ore vulgatam de venturo Messia
Traditionem didicere Judæi? nisi ab illis generis
sui Viris, qui Divino afflati spiritu crebra, & illu-
stria de Messia adventu suderunt oracula? Neminem
autem Divino imbutum, aut inspiratione Flamine, to-
ta eorum retro antiquitas memorat, aut reminisci-
tur, præter Patriarchas, & Prophetas aliosque Sa-
cros Authores, quorum singula alicuius momenti tum
gesta cum dicta, & fusæ vaticinia in Canonicos Ve-
teris Testamenti libros ad amussim congesta, & fi-
deliter relata sunt à viris itidem Dei Spiritu dire-
ctis & suffultis. Non aliunde igitur, quam ex ijs
ipsis Canonicis hebraeorum voluminibus veram, cer-
tamque notitiam, & quandam quasi effigiem, ac ima-
ginem venturi Messiae haurire, & derivare ulli aut
licet, aut suppetit. In hoc totam Judæorum gentem
mihi assentiri facile crediderim.

Quocirca Judæum quemlibet etiam atque etiam
rogo, velit mecum abjecta omni sinistra mentis præ-
occupatione suos, suorumque Canonicos libros à ca-
pite ad calcem usque lustrare, ac perscrutari, ut
veram venturi Messiae notitiam, atque ideam tam
ego, quam ipse consequi valeamus. Si etenim per
integrum vetus Testamentum obvias omnes & per-
spicuas de Messiae predicationes lustraverimus, nec

ego Iudæo, nec Iudæus mihi obtrudere, fucumquæ
facere poterit, alia superesse vaticinia, qua Messiam
venturum aliter depingant, vel prænuncient.

Ut autem æquo jure procedamus in signandis, &
explicandis de Messia Scriptura Sacra locis, textum
textui conferemus, locumquæ unum, altero simili me-
tiemur, & illustrabimus; insuper veterum ac docto-
rum Rabbiorum, hebraicorumquæ monumentorum
super ea re judicium consulimus; quo facilius etiam
antiquam assequi possimus Traditionem, quibus nempe
Scriptura locis venturum Messiam prædici & indi-
cari, apud antiquos Hebræos in confesso erat.

Divinâ prælucente grâtiâ à primo Canonico libro,
nempe à Genesi rem oraïemur per ordinem ceteros
omnes lustrari. Opusculum nostrum in duas Partes
dividemus. In prima Parte. Totius Veteris Te-
stamenti vaticinia, qua de Messia prolata sunt, in-
vestigabimus, ac perpendemus. In secunda Parte
autem cōfendemus, in quo omnia hæc vaticinia com-
pleta sunt, quique proinde verus Messias esse debet.



PARS PRIMA O P E R I S.

Per Titulos & Nomina tùm Librorum,
cùm Prophetarum, quàm etiam per
numeros.

DISPOSITA.

*In qua Vaticinia totius Veteris Te-
stamenti de venturo Messia per or-
dinem referuntur, singula eorum
aliis consimilibus illustrantur,
veterumquè Rabbinorum
Traditione roborantur.*

Num. I. **P**riusquam Scripturæ Sacræ
Textus in medium profera-
mus Lectorem admonitum ef-
se velim, Sacros Veteris Te-
stamenti Authores quandoquè in propria per-
sonâ loqui, sæpissimè etiam in aliena; quod ex
eo dignosci facile potest, dum sensus verborum
in Personam dicentis competere nequit: exem-
pli gratiâ: Psalmo 2do David ait: *Dominus dixit*
ad

ad me, *Filius meus es tu, ego hodie genui te, postula à me, & dabo tibi gentes hereditatem tuam, & possessionem tuam terminos terra,* cùm ea verba in Personam dicentis Davidis nullo modo quadrent, signum est, Davidem hic in Persona aliena sermonem facere, nempe in Persona *Messia*.

Contingit etiam sæpius Sacros Authores, dum vel de se, vel de aliquo alio in certa causâ fantur, interea interlocutionem de *Messia* miscere, uti in Psalmo 71. David Deum pro se, & Filio suo obsecrat. *Deus judicium tuum Regi da, & justitiam tuam Filio Regis, & statim vaticinium de Messia* miscet dicendo: *Descendet sicut pluvia in vellus, & sicut stillicidia stillantia super terram &c.* Ratio hujus interlocutionis est, quia repente Dei Spiritu mens dicentis interius agitur & impellitur; ut suo sermoni repentinos Dei instinctus & prædictiones miscat, & pandat. Hic hoc est signum veri Prophetæ, qui non humana Methodo & communi ordine rem prosequitur, quia ut ait Scriptura. *irruit in eum Spiritus Sanctus*, plurima hujusmodi exempla in Prophetarum libris extant.

Hoc prænotato ad Scripturam Sacram accedamus, Promissionem Venturi *Messie* recto ordine indagaturi, jure merito ab Abrahamo credentium Patre intentum auspicabimur.

GENESIS.

Hic Messias promittitur ex semine Abrahami,

❧❧❧X 3 X❧❧❧

*brahami, Isaaci, & Jacobi oriun-
dus, futurusq; benedictio, & ex-
pectatio gentium.*

Num: II. **Q**Uamvis statim post lapsū in peccatū, Adamo & Evæ Salvator & liberator, promissus fuerit, qui nempe ex muliere oriundus antiqui serpentis authoris peccati *caput contereret*. Gen: cap: 3. atq; hæc de venturo *Messia* seu liberatore Traditio animis veterum Patrum altè inhæserit; Abrahamus tamen primus fuit & cujus lumbis eum liberatorem seu *Messiam* prodicendum Deus aperte declaravit. Gen: cap: 22. *benedicentur in semine tuo omnes gentes*. Isaac Filio Abrahami eandem promissionem Deus renovavit. Gen: cap: 26. *benedicentur in semine tuo omnes gentes terræ*, quod ibidem confirmavi, Jacobo Filio Isaaci dicens Gen: cap: 28. *benedicentur in te, & in semine tuo omnes tribus terræ*, qui textus cum non possint intelligi de progenie universali Abrahami, Isaaci, & Jacob, nempe: de gente Judaica, utpote à qua gentes nullam benedictionem expertæ, sed in antiqua lege continuis insidiis, modo autem quotidianis maledictionibus afficiuntur: igitur aliquis unus de semine & progenie Abrahami, Isaac, & Jacobi oriturus est, in quo Dei benedictionem consequaturæ sunt omnes gentes terræ, id est: totus mundus. Quis quæso hujusmodi esse poterit nisi solus *Messias*? consentiunt in eo antiqui Judæi, ut apparet *ex libro Chasidim R. Samuëlis*,
ubi

ubi promissio hæc implenda dicitur, cùm Messia temporibus boni erunt Abrahami posterii. Eandem pollicitationem iisdem verbis repetiit Deus apud Davidem Pl: 71. *benedicentur in ipso omnes tribus terre*, quem Psalmum ad Messiam pertinere constans est Judæorum consensus, prout videbimus dum ad eum Psalmum explanandum pervenimus. Hæc etiam erat, atque adhuc est, certissima Judæorum spes, fore nempe, ut sui generis ac sanguinis *Messias* sit, non aliis sane quam mox adductis ex Genesi subnixa testimoniis. Roborat hanc veritatem relati Patriarchæ Jacobi aliud vaticinium Gen: cap: 49. ubi benedicens Judæ Filio suo ait: *Non auferetur scriptum de Juda, & Dux de femore ejus, donec veniat, qui mittendus est, & ipse erit expectatio gentium*, Nota bene: *Expectatio gentium*, hoc vaticinium vetustiores Judæi, Chaldæi, Paraphrastes, & Thalmudistæ, R. Selemoh, & R. David Kimchi, sine hæsitacione ad *Messiam* refferunt: sicut & aliud vaticinium simile, nempe: Aggæi cap: 2. *Veniet desideratus cunctis gentibus*, in quo, rogo nunc Judæos, benedicendæ sunt omnes gentes? nisi in illo eodem, qui erit *expectatio gentium*, & *desideratus cunctis gentibus*? qui cum *Messias* sit juxta mox citatos antiquos hebræos, igitur nisi cæcus non videat factam esse Abrahamo, Isaac, & Jacobo appromissionem de venturo Messia ex eorum semine orituro in relatis textibus, nempe in quibus dicebatur: *benedicentur in semine tuo omnes gentes*. Ex semine igitur

tur Abrahami, Isaaci, & Jacobi proditurus est
Messias, & ipse non Judæorum tantum, sed vel
maximè Gentium benedictio erit.

DEUTERONOMIUM.

*In hoc libro Messias promittitur futu-
rus ita Magnus Propheta, sicut
Moyſes qui fuit Legislator.*

Num: III. **P**ost Genesim non legitur obvia ali-
qua de Messia prædictio usq; in Deu-
teronomio, ubi cap: 18. Moſes vaticinatur: *Pro-
phetam de gente tua, & de fratribus tuis sicut me
jūſcitabit tibi Dominus Deus tuus ipsum audies. Nb.
sicut me Moyſem, quod vaticinium licet quidam
hebræorum de Josué, vel aliis interpretentur,
cū tamen ex ultimo cap: Deut: constet, &
non surrexit ultra Propheta in Israel sicut Moyſes,*
nempe similis ei, uti Legislatori, & mirandorum
patratori, sicut etiam fatetur doctissimus R. Mai-
monides in lib: de fundam: legis: idcirco ne-
cesse est hic prædictum esse *Messiam* qui solus si-
milis Propheta, & Legislator, ac mirandorum
patrator futurus est, sicut fuit Moyſes.

JOB. imus, & 2dus REGUM.

*Messias dicitur Deus assumpturus car-
nem, & Rex ex Stirpe Davidis,
ejusque regnum fore sempiternum.*

IV. **I**N libro Job, qui fuit Mosis coætaneus, hæc de Messia habentur. Scio quod Redemptor meus vivit, & in novissimo die de terra surrecturus sum & in carne mea videbo Deum Salvatorem meum, quem visurus sum ego ipse, & oculi mei conspiciunt, & non alius, ex his Messiam carnem assumpturum, & mortuos suscitaturum esse aperte docetur in Thargum, & in interpretatione Syriaca, & Arabica. Sic etiam intellexit R. Haccadolch in revelante arcana, ita etiam sumitur in Bereshith Ketana, ex quo patet in prædicto textu hæc verba in carne non referenda esse ad videbo seu videntem Jobum, sed ad verba Deum meum; ut sensus sit Deum in carne nostra appariturum, & in ea carne cum existentem visum iri oculis corporeis à Jobo.

In libris successorum Mosis nempe: Josué, Judicum, Ruth, & Regum non invenitur expressum de Messia vaticinium præter illud 1mi Regum cap: 2. Dominus judicabit fines terræ, & dabit imperium Regi suo, & sublimabit cornu Christi sui, & 2di Regum cap: 7. ubi Deus promittit quædam Davidi, quædam filio ejus Salomoni, quædam vero Messie, Messie promittit, quod nec Davidi, nec Salomoni competere potest, nempe: Stabiliam thronum regni ejus in sempiternum, ego ero ei in Patrem, & ipse erit mihi in Filium, his similia Messie promissa in decursu operis plenius videbimus.

LIBER PSALMORUM.

V. **P**ost libros Regum nihil memorabile de *Messia* legitur usque ad Psalterium Davidis.

PSALMUS II.

Principes dicuntur consurrecturi adversus Messiam, seu Christum Domini, qui predicatur Dei Filius à Deo genitus, & possessurus terminos terræ.

Dominus dixit ad me : Filius meus es tu ego hodie genui te, postula à me, & dabo tibi gentes hereditatem tuam, & possessionem tuam terminos terræ, versu 2. & principes convenerunt in unum adversus Dominum, & adversus Christum ejus, quæ ultima verba apprimè cohærent cum verbis Psalmi 21. ubi *Messias* de se ait: Circumdederunt me canes multi, consilium malignantium obsedit me. Ecce quomodo principes populi adversus *Messiam* insurrecturi sunt, & consilium inituri, utique ad perdendum eum; nam contra eum. Verba vero. *Filius meus es tu ego hodie genui te.* Eadem videntur cum illis 2. Reg: 7. Ego ero ei in Patrem & ipse erit mihi in Filium. Ei Domino, seu Filio Dei convenienter assignatur hereditas maxima. Dabo tibi gentes hereditatem tuam, & possessionem tuam terminos terræ, quam nec David, nec Salomon unquam habuit, quocirca veteres Rabbini

Rabbini ex antiqua traditione Psalmum hunc de Messia intellexerunt sic. R. Jonathan in Bereſich Rabba. R. Aben Ezra. R. David Kimchi. Saadiah Gaon in Danielelem. R. Simeon in Jalcut & in Midraſch Thehillim, idem tradit R. Selemoh ipsa veritate coactus: *Majores nostri ad Regem Messiam psalmum hunc totum referebant, oportet tamen eum referre ad Davidem propter haereticos, (sic nominat Christianos:) Verba vero illa, in quibus Deus Messiae dicit: ego hodie genui te, concordant mirifice cum illis Ps. 109. ex utero ante Luciferum genui te, & cum ijs Haiz cap: 53. Generationem ejus quis enarrabit, & cum illis Michea 5. cap: egressus ejus ab initio a diebus aeternitatis, in quibus omnibus locis videbimus. Messiam fuisse praedictum: quocirca concludendum est Messiam Dei Filium ex Deo ab aeterno genitum esse. Verba vero haec: Dabo tibi gentes hereditatem tuam, & possessionem tuam terminos terra, optime coherent cum ijs Psalmi 71. Dominabitur a mari usque ad mare, & a flumine usque ad terminos orbis terrarum, quem Psalmum idcirco statim placeat examinare.*

PSALMUS LXXI.

Eadem promittuntur Messie quae in Psalmo 2do.

VI. **V**erba ejus sunt. Permanebit cum sole, & ante Lunam in generatione & generationem. Descendet sicut pluvia in vellus, & sicut stilla-

*stillicidia stillantia super terram. Orietur i n diebus
ejus justitia , & abundantia pacis. Dominabitur à
mari usque ad mare, & à flumine usque ad ter-
minos orbis terrarum. Reges Tharsis , & Insulae
munera offerent , reges Arabum & Saba dona ad-
ducent, adorabunt eum omnes reges terræ. Ante so-
lem permanet nomen ejus. Tam potentem , toti-
quæ orbi dominantem adusque terminos terræ
Principem, nulla prorsus historia memorat, sed
nequæ memorare potest: quocirca soli Messia
qui possessionem suam terminos terræ, habitus Psal-
mo 2. dicebatur, convenire possunt promissa
Psalmo hoc 71. Et sanè, de Deo etenim ipso
in se accepto hic Davidem locutum fuissè mini-
mè dici potest, cum de eo, qui tantus Rex fu-
turus est præmittatur: Orietur in diebus ejus ju-
stitia & abundantia pacis, ergo ejus dies prædi-
cuntur futuri, Deus autem ab æterno semper
est. Prædicatur etiam in futuro, dominabitur à
mari usque ad mare. Deus autem semper mari,
& terræ dominatur, & dominatus est: idcirco
eum psalmum de Messia dictum esse omnes ij-
dem Veteres Rabbini consentunt quos ad expo-
sitionem Psalmi 2di citavimus, verba hæc: per-
manebit cum sole, & ante lunam, ante solem per-
manet nomen ejus denotant Messiam ante solem,
& Lunam fuisse, certe non alibi, quam apud
Deum Patrem: quocirca ei Pater dicit Ps. 109.
ex utero ante Luciferum genui te, & hoc indicant
verba illa descendet sicut pluvia super terrā. Unde?
nisi de Cælo à Patre descendet: igitur ex hoc
Psalmo*

Psalmo eadem prorsus de Messia prædicta habemus, quæ in Psalmo 2. nempe: quod Filius Dei ex Deo genitus, & toti terrarum orbi dominaturus sit.

Quoniam hic Psalmus 71. cum Psalmo 2. magnam connexionem habet eum interrupto ordine hic retulimus, sed ad ordinem redeamus. Post Psalmum 2. inter alios nihil peculiare de Messia invenitur usque ad Psalmum 130m.

PSALMUS XV.

VII. **P**ROvidebam Dominum in conspectu meo semper, quoniam à dextris est mihi, ne commovear, caro mea requiescet in spe, quoniam non derelinques animam meam in inferno, nec dabis Sanctum tuum videre corruptionem. Notas mihi fecisti vias vitæ, adimplebis me latitia cum vultu tuo delectationes in dextera tua usque in finem, hæc Davidem non in propria, sed in Messia persona dixisse ex eo constare debet, quod ejus, de quo hic sermo habetur, caro seu corpus requiescet in spe: & additur in quali spe? nec dabis Sanctum tuum videre corruptionem, id est: caro, seu corpus quod requiescit in spe incorruptionis, non corrumpetur; Davidis autem corpus more cætorum corruptum fuit. Deinde quemnam David dicere poterat Sanctum tuum, seu Sanctum Dei? nisi qui à Daniele Sanctus Sanctorum appellatur; & cuinam Delectationes ad dexteram Dei appromittere poterat? quam cui Deus dixit. Ps. 109. Sede à dextris meis, quocirca etiam Judæi

dai in Midrasch Thehillim *Messiam* hic præfiguratum fatentur, quibus assentitur Author *Nepheci*: *abbachma* seu *anima sapientis*, Nb. *Messia* corpus non corruptum iri, adeoque antequam ejus corpus corrumpatur, *Messiam* resurrecturum.

PSALMUS XXI.

In hoc Psalmo Messias pauper, & dolens describitur, manus, & pedes ejus perforande, & simul additur psalmus 68. ubi dicitur felle potandus.

VIII. *Circumdede- runt me canes multi, consilium malignantium obsedit me, sicut Ps. 2. principes convenerunt in unum adversus Dominum & adversus Christum ejus, quem Psalmum vidimus de Messia dictum: quo circa hic eadem de eodem dicuntur. Uterius Foderunt manus meas, & pedes meos, dinumeraverunt omnia ossa mea, ipsi vero consideraverunt, & inspexerunt me, dividerunt sibi vestimenta mea, & super vestem meam miserunt sortem, hæc Davidem non locutum esse in Persona totius Israelis, (ut quidam astuti hebræi asserunt) patet ex verbis, quæ sequuntur ab eodem translatò dicta. Narrabo nomen tuum fratribus meis, in medio Ecclesia laudabo te universum semen Jacob glorificate eum, igitur unus aliquis in medio Ecclesiæ, & Israël, narrat nomen Dei fratribus; nempe: Israël, igitur non totus Israël,*

el, sed unus aliquis de se loquens inducitur: sed non David in propria persona, quia ei nunquam *fossa sunt manus, aut pedes*: igitur in aliena persona, sed non in persona quæ non sit magni alicujus momenti, cum Deus per ora Prophetarum de minoris momenti persona locutus esse, minimè dicendus sit: sed nulli magni momenti Personæ per totam retro historiam hæc contigere, ergo de *Messia* seu in Persona *Messia* David loquitur. Quocirca hunc psalmum ad *Messiam* pertinere docetur: in Midrasch Thehilim, & in libro Thalmudico Sanhedrin, ubi capite ultimo id tanquam certum sumitur; & sanè, nonne hic is idem ait: *Foderunt manus meas, & pedes meos*, de quo *Isaias* dicit cap: 53. *Ipsè vulneratus est propter iniquitates nostras, attritus est propter scelera nostra, & nonne hæc. Foderunt manus meas & pedes meos ipsi vero consideraverunt & inspexerunt me*, ei aperte competunt, de quo dicitur *Zachariæ* cap: 12. *& aspicient ad me quem confixerunt, & cap: 13. quid sunt plaga ista in medio manuum tuarum*. Sed quid mirum hæc *Messia* eventura esse, cum *Danielis* 9. apertissimè dicatur: *post hebdomadas sexaginta duas occidetur Christus, seu Messias*, si occidetur cur non vulnerabitur, & plurima patietur? his mirificè concordant ea psalmi 68. *& dederunt in escam meam fel, & in siti mea potaverunt me aceto super dolorem vulnerum meorum addiderunt ego sum pauper & dolens, & Psalmo 69. ego vero egenus, & pauper sum*. Plura his similia de *Messia* prædicta videbimus.

ANNOTATIO ima.

IX. **H**ic Judæus mecum Scripturam lustrans mirari, stupere, & vix non animum despondere incipit; eò quod *Messiam*, quem in anterioribus Scripturæ locis tantum Regem, toti Orbi, usquè ad terminos terræ dominaturum conspexit, hocce in psalmo, aliisque concitatis, & collatis textibus pauperem, affligendum, vulnerandum, atquè etiam occidendum fore evidentè videat. Verùm utiquè æquitatis jura servavimus ipsam pressè Scripturam scrutamur, sensum sensui conferimus, sensum sensu explanamus, idem enim Spiritus Dei omnes dictans, idem suum intentum sæpius repetit, & quandoquè clariùs explicat. Insuper hebraicorum monumentorum, & Rabbiorum judicium consulimus, qui utiq; à majoribus suis, isti ab aliis, usquè tandem à Patribus ipsis & Prophetis sensum verum vaticiniorum didicisse existimandi omninò sunt. Sed meus hebræus quadantenùs titubare incipit, videturquè posthabitâ majorum suorum traditione inauditum, & vasserinum astutorum & simul pervicacium quorundam Judæorum commentum amplecti velle; duos nimirum *Messias* futuros fore, unum divitem, alterum pauperem, & affligendum, atq; occidendum. Sed nugatoria illa inventio: mi Judæe frustra, & fraudulentè ne quidem mentem tuam occupet, qui serio Scripturam ipsam mecum perscrutari aggressus es. Ubinam duos distin-

Etos *Messias* Scriptura venturos, vel minimo signo innuit? si unus ille Dives *Messias* Dei electus, & omnium Salvator, omniumquè summa expectatio futurus est? atquid illum pauperem alium, & occidendum Deus ordinavit? Sed interea patientiâ utere, evidentissimè etenim in secuturis Scripturæ locis, (fatentibus ipsis senioribus fratribus tuis Judæis) comperies, unum, & eundem *Messiam* & divitem totius Orbis Dominatorem, & tamen pauperem vulnerandum, & occidendum fore, ubi de vaticiniis Isaiæ, Danielis, & Zachariæ, acturi sumus. Arrepto semel justo & bono ordine rem nostram prosequamur.

PSALMUS XLIV.

X. *Speciosus formâ præ filiis hominum quæ Chaldaus Paraphrastes interpretatur: Pulchritudo tua Rex Messia superat filios hominum* & R. Aben Ezra de toto Psalmo ait: iste psalmus dicitur de Davide, vel *Messia*, de Davide dici nequit, quia is speciosus, de quo uno & solo continuatè psalmus loquitur, dicitur Deus: *Sedes tua Deus in sæculum*, uti ex antiqua traditione sentiunt Aquila Judæus, & Chaldaus Thargumista, & alter hebræus apud Origenem lib. I. contra Celsum: quocirca dum ulterius in hocce psalmo dicitur. *Propterea unxit te Deus, Deus tuus oleo latitiae*, prima vox *Deus* in vocativo casu accipienda est, nempe: *Te o Deus Messia.* Deus Pater unxit, id est: in *Messiam* consecravit

oleo letitiae, id est: virtute Spiritus Sancti, sicut in Persona Messie ait Iſaias cap: 61. *Spiritus Domini super me, eo quod unxerit Dominus me, & sanè de solo Messia hunc psalmum dictum ex reliquis ejus verbis constat: cui enim hæc competere possunt. Pro Patribus tuis nati sunt tibi Filij, constitues eos principes super omnem terram: nisi eidem, qui dominabitur usque ad terminos terra. Igitur ex hoc etiam psalmo constat Messiam fore Deum, sed non Deum in seipso acceptum, quia speciosus forma præ filiis hominum, ergo Dei Filium in forma humana, cui Deus Pater dixit 2. Reg. Ego ero ei in Patrem, & psalmo 107. Ex utero ante Luciferum genui Te, Nb. etiam psalmo 44. Messiam prædictam esse Deum.*

PSALMUS LXXXVIII.

In hoc psalmo pariter Messias promittitur fore Deus, & Regnum Davidis in ipso sempiternum.

XI. *Post Psalmum 44. nihil particulare de Messia invenitur usque ad Psalmum 88. cujus verba sunt. Ponam in mari manum ejus. Sicut de Messia dictum fuit Ps: 71. dominabitur à mari usque ad mare. Illa verò: Ipse invocabit me, Pater meus es tu, ego primogenitum ponam illum apprimè coherent cum illis pariter de Messia dictis. Psal: 2. Filius meus es tu, ego hodie genui Te. Sequentia etiam: ponam illum excelsum præ Regibus terra.*

Messias

Messias de domo & semine David oriturus promittatur, ex pluribus Scripturæ locis constat, uti Plal: 131. *Juravit Dominus David veritatem de fructu ventris tui ponam super sedem tuam.* Ilaiæ II. *Egredietur virga de radice Jesse.* Jesse fuit Pater Davidis, hæc loca de *Messia* dicta esse demonstrabimus sicut & illum Jeremiæ 23. *ecce dies veniunt, & suscitabo David germen justum, & regnabit Rex,* & alia in decursu operis, in quibus *Messias* dicitur de familia Davidis oriturus.

PSALMUS CIX.

Messias prædicitur ex Deo ab æterno genitus, Sacerdos, in æternum duraturo Sacerdotio, diverso ab Aaronico, & Levitico, & hostes prostraturus.

XII. **A** Liqui perveracium Judæorum hunc psalmum dicunt compositum non à Davide, sed à Cantore Davidis applaudente Davidi. Vel à Procuratore Abrahami in ejus obtentæ victoriæ laudem dedicatum. Sed quomodo poterat. David, aut Abraham dicere alicui: *Tu es Sacerdos in æternum,* & vel maxime ista: *Ex utero ante Luciferum genui Te?* Suis igitur chymericis tergiversationibus facessent mendaces illi Judæi, atque potius antiquæ traditioni adhærentibus suis fratribus consentiant, qui prædictum psal-

num non tantum à Davide dictum, sed etiam ad *Messiam* referendum esse sentiunt, Thargumista, R. Moyses Hadaršan in genesim. R. Saad'as Gaon in Daniele. R. Isaac ben Aramah, & in Midrašch Thehillim & in ipsis Pandectis Judaicis in Sucach 5. cap: in Gemara. Et sanè hic psalmus eodem Spiritu Dei dictatus apparet, quò psalmus secundus de *Messia* dictus, cum ei ad amissim correfpondeat; imo aliis Scripturæ Sacræ locis apprimè concordat, quæ de *Messia* quoquè dicta esse constat. David in præfato psalmo 109. ait: *Dixit Dominus Domino meo sede à dextris meis*, quis Davidis Dominus esse poterat nisi *Messias* prævissus? Rex enim existens David, Dominum terrenum minimè agnoscebat. Domino Davidis nempe: *Messia*; Dominus primus nempe: Deus Pater ait: *Sede à dextris meis*, quod non competit nisi Filio Dei. Quocirca Pat. Divinus statim subdit: *ex utero ante Luciferum genui te*; nempe: Filium ejusdem mecum natæ, sicut dixerat eidem *Messia* Ps. 2. *Filius meus es tu, ego hodie genui Te*; hodie indefinitus terminus, nil aliud quàm æternitatem designat, hinc Isaias 53. exclamat: *generationem ejus quis enarrabit*, & Michæas cap: 5. *egressus ejus ab initio à debus æternitatis*. Ps. 88. *Ipse invocabit me Pater meus es tu*, *Primogenitum ponam illum Excelsum Aelion præ regibus terræ*, hinc *Messias* absolute Deus dicitur apud Isaiam, & Baruch: *Vorabitur Admirabilis Deus fortis, Pater futuri sæculi. Ecce Deus noster post hæc in terris visus est*, quis igitur

igitur nisi cæcus, & obduratissimus non videat
Messiam Dei Filium ejusdem cum Patre naturæ,
ex Deo Patre ab æterno genitum fore.

Regiam Dignitatem Messia declarant illa ver-
ba: *Virgam virtutis tue emittet Dominus ex Sion,*
quæ cohærent cum ijs Pl: 44. *Virga directionis,*
virga Regni tui, undè verò regnum, & potesta-
tem ejus emittet Dominus? *ex Sion,* quæ cohæ-
rent cum ijs Isaïa 2. *quia de Sion exhibit Lex,*
Ex Sion igitur Messia Lex, & potestas. Uterius
Deus Pater Domino secundo, nempe: *Messia*
Dominus Domino meo promittit. *Tu es Sacerdos*
in æternum secundum ordinem Melchisedech, hic
vox choen non pro rege, sed pro Sacerdote ac-
cipitur, quia ipse Aben Ezra & in Thalmudico
libro Nedarim docent Judæi non legendum es-
se *Melchi zedeq* id est: *regem meum justum,* sed
Melchisedech illum Sacerdotem, nempe: *tu es Sa-*
cerdos secundum ordinem Melchisedechi Sacerdotis:
Igitur Messias Sacerdos erit, sed non secundum
ordinem Aaronicum, seu Leviticum, quod Sa-
cerdotium legi veteri essentialitèr annexum erat,
sed secundum ordinem Melchisedechi, qui panem, &
vinum offerre solebat Gen: 14. igitur Sacerdoti-
um aliud ab Aaronico instituet Messias, conse-
quenter & aliam legem quia *de Sion unde emit-*
tetur virtus Messia exhibit Lex. Messia autem Sa-
cerdotium vigebit *in æternum.* Reliqua verba
triumphos Messia pollicentur: *Dominare in me-*
dio inimicorum tuorum &c. Dominus à dextris tuis
confregit in die ira sua reges, conquassabit capita in
terra

terra multorum. Hæc inferius commodius examinabimus, ubi de Messia bellatore spirituali agemus. Davidi recto ordine sacris in literis succedunt Prophetæ cum in Proverbiis, Ecclesiastico, & Ecclesiaste, & canticis nihil obvium de Messia reperiatur.

Prophetæ Majores quatuor, minores autem duodecim numerantur, quos singulos perpendemus. Primum locum obtinet.

ISAIAS PROPHETA MAJOR.

Capite secundo Messiam prædicit instituturum novam legem.

XIII. **C**apite secundo suæ Prophetiæ: Et erit in novissimis diebus preparatus mens Domini Domini in vertice montium, & fluent ad eum omnes gentes, & ibunt populi multi & dicent: venite ascendamus ad montem Domini. & domum Dei Jacob, & docebit nos vias suas, & ambulabimus in semitis ejus, quia de Sion exiit Lex, & verbum Domini de Jerusalem, & judicabit gentes, & arguet populos multos. Messiam hic prædici cum R. Kimchi uno ore fatentur hebræi, & præcipue R. Aben Ezra in Michæam. Isaias ait in monte Sion à Messia docendas esse gentes vias Domini, seu legem Domini, quæ de Sion exitura est, utique non lex Domini vetus, quia hæc de Sinai, non de Sion exiit: unde statim subdit per legem Domini ex Sion exituram tempore Messiae, judicandas esse gentes, & arguendos popu-

los multos. Verus autem lex ad solos Judæos judicandos instituta fuerat, & solis Judæis data. Igitur Lex Dei per Messiam danda, alia & nova erit, quæ etiam ad gentes judicandas pertinebit, & eas obligabit, seu arguet.

Caput secundum Isaie connectitur cum capite primo, ubi de pace adducenda per Messiam agitur.

XIV. **C**apite secundo versu 4. ait Isaïas: *Et conflabunt gladios suos in vomeres, Et lanceas suas in falces, non levabit gens contra gentem gladium, nec exercebuntur ultra ad prælium.* Per quæ verba denotantur, præterita, & gesta hucusquæ bella tempore adventus Messie finienda, atquæ altam, & universalem pacem futuram, nam ejdem supra citati hebræi, hic, & in sequentibus textibus Messiam designari fatentur cum R. Kimchi, & Aben Ezra, quam universalem pacem etiam significavit Isaïas hanc allegoriâ cap: II. *habitabit lupus cum agno, Et pardus cum hædo acubabit nempe: excitatæ ferocium bellatorum inimicitia restinguentur.* Et quia universalis pax in adventu Messie futura est; Eum vocat cap: 9. Principem pacis. *Vocabitur Nomen ejus Princeps pacis.* Sicut & Ps: 71. de eo dictum fuit. *Orietur in diebus ejus justitia, Et abundantia pacis.* Abundans & universalis pax. Cum igitur Messias Princeps sit pacis, & pacem afferet; verba sequentia capitis secundi non præse, & nudè, sed
in

in sensu mystico accipienda sunt, nempe: Et in curvabitur sublimitas hominum, & humiliabitur altitudo virorum, & elevabitur Dominus solus in die illa, & idola penitus conterentur, & introibunt in speluncas petrarum, & in voragine terra à facie formidinis Domini, & à gloria Majestatis ejus cum surrexerit percutere terram, quomodo autem percussurus sit terram? cap: imo explicat, & percutiet terram virga oris sui, & Spiritu labiorum suorum interficiet impium, & erit justitia cingulum lumborum ejus, & fides cinctorium renum ejus. Ita ut sentus sit: in adventu Messia sublimitatem, & superbiam hominum in Dei adorationem, & cultum inclinandam esse; idola penitus auferenda, ita ut videantur in speluncis petrarum & voraginibus terra recondita manere, quia virga oris sui & spiritu labiorum, nempe: virtute Divina Messias terram percutiet, seu mundabit ab idololatria & eodem spiritu, seu virtute interficiet, seu annihilabit, & cessare faciet impios idololatrias & impietatem idololatriæ, ita ut amplius non reperiantur in terra, quia veram justitiam, & veram fidem ac religionem adducet: quocirca additur: & erit justitia cingulum lumborum ejus, & fides cinctorium renum ejus. His enim nonnisi spiritualibus armis pacifico Messia Principi pacis bellare, & pugnare compeit, & ideo cap: 16. Isaia de eo dicitur: *emitte agnum Domine Dominatorem terra. Dominatorem maris & terræ vidimus esse Messiam, qui Agni figurā nihilominus delineatur, quia Pacificus, & mansuetus*

vetus non bellorum, & armorum strepitu, sed fide, lege sua, & iustitia ubique dominabitur. Hinc est quod Judæos imperitos, qui verba illa: *virga oris sui percutiet terram*, & ista: *habitabit lupus cum agno* &c. Nude accipiebant, refellit doctissimus hebræus Maimonides in Jad. Chaz, & R. David Kimchi parte 4. lib: de Reg: cap: 12. ubi hæc in sensu mystico nobiscum explicant.

Reliqua capitis undecimi verba sunt, quibus *Messias* ex domo & familia Davidis proditurus dicitur: *Et egreditur virga de radice Jesse, & flos de radice ejus ascendet: in die illa radix Jesse qui fiat in signum populorum, ipsum gentes deprecabuntur, & erit sepulchrum ejus gloriosum*, ex quibus communis Judæorum opinio ortum duxit *Messiam* de domo David futurum esse. Nam Jesse erat Pater Davidis, dicuntur *Messiam* omnes gentes deprecaturæ, sicut Pl: 71. *Omnes gentes servient ei; in signum vero post mortem ejus quod fuerit verus Messias, erit sepulchrum ejus gloriosum*. Caput hoc ipsum totum, & secundum concira um ad *Messiam* pertinere assleverant Jonathan, & Thalmudistæ, & in Midraſch Thehillim, & in Beresith Ketana & R. Salomon Jarchi, & R. Maimonides, & alij.

CAPUT 7mum ISAIÆ.
In quo Messias ex intacta virgine nasciturus promittitur.

XV. **L** Egimus cap:7. Isaïæ, quod cū à Razin Rege Syriæ, & Phacee Rege Iisrahel obsessa esset civitas Jerusalem, & impius Achaz Rex Iuda signum liberationis nollet à Deo per Isaïam petere, Isaïas se averterit ab eo, & ad Domum David sermonem suum converterit ex Circumstantia liberandæ urbis Spiritu Dei promittens, domum David non interituram, sed in *Messia* perennaturam, atquè signum insolitum hujus domui David assignare volens, virginem intactam parituram Filium promisit; cujus nomen esset *Emmanuel*, id est *Deus nobiscum*, utpote quia à Deo missus *Messias* Dei Filius nobiscum esset, sic enim ait Isaïas: *Audite ergo domus David propter hoc dabit Dominus ipse vobis signum: ecce virgo concipiet, & pariet filium, & vocabitur nomen ejus Emmanuel butyrum & mel comedet, ut sciat reprobare malum & eligere bonum.* Et subdit, de alio jam puero loquens: *quia antequam sciat puer reprobare malum, & eligere bonum, derelinquetur terra, quam tu detestaris.* Non eadē verba repetit capite sequenti, ubi loquitur de puero filio nati virginis, sed prophetissæ Uxoris suæ: *Antequam sciat puer vocare Patrem, & Matrem auferetur fortitudo Damasci.* Igitur non debent confundi duo illi pueri, unus enim appromittitur Domui David tanquam *Messias*, alter verò appromittitur in signum everisionis regnorum Syriæ Damasci, & Samaritæ: primus dicitur ex virgine nasciturus, nempe: *Messias*; secundus dicitur ex maritata Prophetissa gignendus esse. P-imo nempe:

nempe: *Messia* datur nomen *Emmanuel* Deus nobiscum. Secundo datur nomen non *Emmanuel*, sed *accelera spolia detrahere*. Igitur apertissime constat distinctos hic attingi pueros. Et primus quidem nempe: *Messias Emmanuel* vocatur quod est proprium nomen *Messia*. Nam apud Malo-
retas in Sepher Aeman cap: 2. idem significat *Emmanuel*, ac *Jescuabba*, seu Salvator, in magna etiam expolitione numerorum hæc verba: *Vocabitur Nomen ejus Emmanuel*, de Mellia dicta esse asseverant Judæi, & sanè quis *Emmanuel* esse valet seu Deus nobiscum, nili *Messias*, quem vidimus Dei Filium fore, adeoque verè Deum nobiscum.

Dicunt quidem duo ex Apostatis recidivi Judæi; Aquila, & Theodotion vocem: *ecce virgo*, in textu hebræo juvenulam significare, quæ e iam corrupta esse potest, & hoc probari putant cap: 19. proverb: *4. tum penitus ignoro, viam viri in virgine*, quæ hic supponitur corrupta, sed præterquam quod in versione 70. interpretum, & in vulgata legatur. *Viam viri in adolescentia* non vero in *alma* seu virgine. Jidem 70. interpretes hebraicæ lingvæ peritissimi, & R. Onkelos & R. Jonathan, versio etiam Syriaca, & Arabica textum hunc *ecce virgo* interpretantur de virgine quæ virginitatem adhibitâ custodiâ servat, & in textu ipso hebræo pro: *ecce virgo* habetur *ecce alma concipiet*: voce autem *alma* semper in Scripturis significatur Virgo adhibita custodia virginitatem servans, veluti Gen:

cap:

cap:
goqu
legit
Moy
idip
hoc
conf
ex ju
veni
terre
Dei

In a
E

XVI

Filiu
per k
rabil
li, P
paci
regnu
ret i
piter
rent
um,
us no
Pl: 8

cap: 24. ubi Rebecca puella pulchra nimis virgoque incognita viro dicitur, in textu hebræo legitur *Alma*; & Exodi capite 2. Mariæ Sorori Moylis, quæ itidem virgo adhuc intacta fuerat, idiptum nomen *Alma* tribuitur. Messiam igitur hoc loci ex Virgine intacta nasciturum prædici constat. Et sanè cum Pater æternus Messiam ex suo Utero ante Luciferum genuisse se dicat, convenientissimum est, ut ille Messias alium Patrem terrenum non agnoscat, sed ex intacta Virgine Dei operâ nascatur.

CAPUT nonum ISAIÆ.

*In quo Messias prædicitur fore Deus,
& Regnum Davidis in ipso sem-
piternum.*

XVI. DE Parvulo filio illo Virginis ait Isaias cap: 9. Parvulus enim natus est nobis, & Filius datus est nobis, & factus est Principatus super humerum ejus, & vocabitur nomen ejus admirabilis, Consiliarius, Deus fortis, Pater futuri sæculi, Princeps pacis, multiplicabitur ejus imperium, & pacis non erit finis, super solium David, & super regnum ejus sedebit, ut confirmet illud, & corroboret in judicio, & justitia, à modo & usque in sempiternum Verba illa: parvulus natus est nobis coherent cum iis: ecce virgo concipiet & pariet Filium, & qui dicebatur cap: 7. Emmanuel Deus nobiscum, hic dicitur Deus fortis, & de quo Pl: 88. dicebatur: Thronus ejus sicut sol & sicut luna

luna perfecta in aeternum, & 2. Reg: Stabiliam thronum regni ejus in sempiternum, hic dicitur: Super solum David, & super regnum ejus sedebit, ut confirmet illud usque in sempiternum, qui cum Messias sit (uti ostendimus) de domo David oriundus, prout Jeremæ 23. Suscitabo David germen justum, & regnabit Rex, hinc in illo Messia de Domo David oriundo confirmabitur regnum Davidis in sempiternum, quomodo in sempiternum? quia nempe Messias Dei Filius est coæternus Patri, ex utero ante Luciferum genitus, & idcirco hoc 9. capite Isaias eum vocat Admirabilem quod nomen soli Deo competit, ut constat ex capite 13. Judicium. Cur quæris nomen meum quod est mirabile. Hinc etiam clarius Messiam Deum fore declarat dando illi nomen Deus fortis, quod nomen sibi competere ipse Deus testatur Gen: cap: 49. ego sum Dominus, Deus fortis. Igitur jam dubium ultra esse non potest Messiam Deum nempe Dei Filiū fore, & ideo ex Virgine sine humano Patre nasciturum. Unde hæc omnia nomina Admirabilis, Consiliarius, Deus Fortis, Princeps pacis. Pater futuri sæculi ad Messiam pertinere docent Chaldaeus Paraphrastes, & Maimonides in epistola ad Affric. Item hunc locum de Messia dictum esse disertis verbis reperitur apud Thargumistam, & in Beresich Rabba & in Seder Debarim Rabba, & in Echa Rabbathi sive expositione magna Threnorum.

CAPUT 35^{um} ISAIAE.

*In quo Messias prædicitur Deus fore,
& magna Miracula patraturus.*

XVII. **D**eus ipse veniet, & salvabit vos, tunc
aperientur oculi cæcorum, & aures Sur-
dorum patebunt, tunc saliet, sicut cervus claudus,
& aperta erit lingua mutorum & redempti à Do-
mino convertentur, & venient cum laude, & lati-
tia sempiterna super caput eorum. Hæc Judæi u-
niversim adscribunt Messia, nam ex his verbis
commenti sunt in suam gratiam à Messia eden-
da miracula, cum reditum ipsis in Judæam pa-
rabit. Et ex postremo commate R. Moïses Aa-
dariam in Beresich Rabba probat Melliam libe-
raturum damnatos è pœnis inferni. Cum igi-
tur Judæi ipsi consentiant hic Messiam prædici;
Nos inde ipsam veritatem colligimus: Messiam
utpote Deum è cælis venturum Salvatorem, &
miracula magna patraturum, cæcos illuminando,
surdorum aures aperiendo, claudis gressum
dando, & à se redemptos sempiterna lætitia im-
pleturum. Concordant his, quæ Ezechiel in
Persona Messia ait cap: 34. Quod confractum fu-
erat alligabo, & quod infirmum fuerat consolidabo.

CAPUT 42. cum aliis concitatis.

*Promittit Messiam Salvatorem, & le-
ge nova illuminaturum gentes.*

XVIII.

XVIII. *Ecce Servus meus complacuit sibi in illo anima mea, dedi Spiritum meum super eum, iudicium gentibus proferet de quo nempe dixerat cap: 2. de Sion exhibet lex & iudicabit gentes, & de quo Isaia 9. Flos de radice Jesse requiescet super eum Spiritus Domini, huic ulterius cap: 42. Deus ait: ego Dominus vocavi te in iustitia, & dedi te in fœdus populi in lucem gentium, in quale fœdus, & qualem lucem? statim explicat; Legem ejus insula expectabunt, ergo lege sua illuminabit gentes, & illa erit fœdus populorum, non antiquum fœdus, aut antiqua Lex, quæ solis Judæis da a fuit, sed hæc lex, & fœdus hoc Messia novum erit, quia illud insula expectabunt, unde 49. capite dicitur, ecce dedi te in lucem gentium, non Judæorum tantum, ut sis salus mea usque ad extremum terræ. Clarius id insinuat cap: 51. Attendite ad me populus meus, & tribus mea me audite, quia Lex à me exiit, & iudicium meum in lucem populorum requiescet: prope est iustus meus egressus est Salvator meus. Ecce clarissimè appromissam tempore Messia novam legem gentibus, & populis dandam. Nomine autem iusti & Salvatoris nemo intelligi potest nisi Messias. Nam hunc locum capituli 62. Donec egrediatur ut splendor Iustus ejus, & Salvator ejus ut lampas accendatur. Moses Hadarsan, & Judæi in Beresith Rabba ad Messiam referri docent. Cæteros etiam citatos textus Messia adjudicant Jonathan ben Uziel. R David Kimchi & R. Maimonides & in Midrasch Thehillim, & ratio ipsa*
svadet

svad
præ

Hic
astu
rum
Dia
um
Nan
tis
dem
&

XIX.

prædi
super
cem,
centis
dicta
Schir,
illis a
attuli
rum sa
eodem
fines

svader, cūm omnes illi textus unum & idem
prædicent.

CAPUT 52. cum CAPITE 53.

*Hic benè animadvertendum est contra
astutos illos Judeos, qui duos excogita-
runt Messias unum Magnificum &
Divitem, alterum pauperem, inglori-
um, & despectum, & occidendum.
Nam ex combinatione utriusque capi-
tis 52. & 53. ostendemus unum, & eun-
dem esse Messiam illum Magnificum,
& pauperem, inglorium, & occi-
dendum.*

XIX. **I**Mprimis Isaias Messiam Principem pacis,
& Salvatorem, & lucem gentium asserit
prædicaturum pacem, & salutem, quam pulchri
super montes pedes annunciantis, & prædicantis pa-
cem, annunciantis bonum, prædicantis salutem, di-
centis Sion: regnabit Rex tuus, quæ de Messia
dicta esse etiam consentiunt Judæi in Midraſch,
Schir, Haſchirim, concordant, etenim cum
illis apprimè, quæ capite immediatè præterito
attulimus, ubi Messias dicitur: In lucem populo-
rum ſalus mea Salvator, & alibi princeps pacis, de
eodem ulterius hoc cap: 52. ait: Videbunt omnes
fines terra ſalutare Dei noſtri. Deinde Messiam

vocans servum suum (ut sapientius Deus solet) exempli gratia cap: 42. *Ecce servus meus complacuit sibi in illo anima mea.* Quem locum de Messia dictum fatentur Judæi citati in immediate præterito capite. Deus inquam etiam hocce capite 52. vocans eundem Messiam servum suum, in versu 13. de ipso ait: *Ecce servus meus intelliget, exaltabitur, & elevabitur, & sublimis erit valde:* nempe qui tot vaticiniis excelsus præ regibus terre toti orbi dominaturus dicebatur, quocirca hunc locum capitis 52. ad Messiam pertinere ultra fatentur Judæi in Thargum Jonathanis Uzzielæ, & in expositionibus R. Selomoh Jarchi & R. Isaac Abrabanielis, & R. Mosi Alshechi qui se à Magistris suis id accepisse ajunt; item in Beresith Rabba & Midrasch Thehillim & in Tanchuma. Sed nunc adjuncta huic loco perpendamus, quid de elevato, & exaltato, & sublimi valde Messia dicat Propheta seu Deus per Prophetam? immediatissime nullo interposito ait: *Sicut obstupuerunt super te multi, sic inglorius erit inter viros aspectus ejus.* Ecce Judæi sicut Messiam excelsum, exaltatum, sublimem valde Regem admirati estis, ita ejusdem aspectus inter viros inglorius, seu despectus erit, & forma ejus inter filios hominum. Subditur de eodem continuo: *Iste asperget gentes multas, super ipsam continebunt reges os suum.* Super ipsum inglorium licet, continebunt reges os suum, quem Ps: 71 adorabunt omnes reges terre, hinc post hæc verba incipiens statim capit 53. Isaias exclamat: *Quis credidit auditui nostro?*

stro? quasi dicere vellet: quis nobis credet, dum eum Messiam qui tantus Magnus rex ali- bi dicitur, nos inglorium aspectum ejus, & formam dixerimus. Verum nihilominus nullo interposito idem repetit: *Non est species ei, neque decor, & vidimus eum, & non erat aspectus, & desideravimus eum: despectum & notissimum viro- rum, virum dolorum, & scientem infirmitatem, & quasi absconditus vultus ejus, & despectus, unde nec reputavimus eum.* Ecce ergo Judæi de uno & eodem magno, exaltato, & sublimi valde Rege Melia dictum esse eundem inglorium despectum aspectum, & formam ejus, ut nec species, nec decor ei sit. Sic etenim ipsa verba in capite 52. habentur continuatim. *Ecce intelliget, servus me- us exaltabitur, & elevabitur, & sublimis erit val- de, sicut obstupuerunt super te multi, sic inglorius erit inter viros aspectus ejus, & forma ejus inter fi- lios hominum. Iste asperget genes multas, super ipsum continebunt reges os suum, quia quibus non est narratum de eo, viderunt, & qui non audiverunt contemplati sunt.* Et statim nullo interposito inci- pit suum caput 53. *Isaias. Quis creavit auditui nostro? & brachium Domini cui revelatum est, & ascendet sicut virgultum coram eo, & sicut radix de terra sitienti, non est species ei, neque decor. & vidimus eum, & non erat aspectus, & desideravi- mus eum: despectum & notissimum virorum &c.* Quis hic nisi omnino cæcus, & obduratissimus non videat eundem exaltatum, & sublimem val- de, inglorium aspectum, & formam ejus, & in-

per eundem inglorium reges os suum continere, & eundem super quem reges os suum continebunt, seu quem reges adorabunt, & eidem non futuram speciem, nequè decorem, & inglorium aspectum ejus, & despectum, & novissimum virorum habendum esse, etiam virum dolorum fore. Sed in hoc sibi suffragantem Isaïas habet Prophetam Zachariam qui cap: 9. pariter eundem magnum Regem Messiam pauperem, seu despectum fore ait: *Ecce Rex tuus veniet tibi iustus, & Salvator ipse pauper, & ascendens super asinam, & super pullum filium asinae.* Rex, & pauper.

Concesserunt (ut vidimus) citati Judæi textum illum: *Servus meus exaltatus, elevatus erit, & sublimis valde de Messia dictum esse;* concedere itaquè necessario debent *Messiam* inglorium, despectum & pauperem, virum dolorum futurum fore, cum ostenderimus de eadem persona continuatè dicta esse utraqùè & gloriola, & in gloria, ac despecta.

Sed continuationem de glorioso simul, & inglorio, ac despecto *Messia* apud Isaïam eodem cap: 53. legamus. *Non est ei species, nequè decor, & vidimus eum, & non erat aspectus; & desideravimus eum, despectum, & novissimum virorum, virum dolorum & scientem infirmitatem, & quasi absconditus vultus ejus, & despectus; unde nec reputavimus eum. Verè langviores nostros ipse tulit, & dolores nostros ipse portavit, ipse vulneratus est propter iniquitates nostras, attritus est propter scelera nostra*

nostra & livore ejus sanati sumus & posuit in eo Dominus iniquitates omnium nostrum. Oblatus est quia ipse voluit, & non aperuit os suum, sicut orvis ad occisionem ducetur generationem ejus quis enarrabit? propter scelus populi mei percussus cum, & dabit impios pro sepultura, & divitem pro morte sua, eo quod iniquitatem non fecerit, neque dolus fuerit in ore ejus justificabit ipse justus servus meus multos, & iniquitates eorum ipse portabit & cum sceleratis reputatus est & pro transgressoribus rogavit. Hæc de Messia dicta esse ingenuè fatentur Jonathan, & alij in Jemara cap: ultimo libri Sanhedrin, in Siphre libro veteri qui Thalmude antiquior habetur, & in Beresith Rabba. Sic etiam R. Selomoh. R. Moses Hadartan & alij. Et sanè quisnam est, cujus generationem difficillimum sit enarrare nisi *Messias*? quis iniquitates omnium nostrum portare potest, ita ut ab iis sanemur, ejus livore, & ejus morte justificemur, nisi unus *Messias*? qui tot in locis Salvator; & salus nostra dicitur. Jam igitur difficultatem nullam amplius Judæi patientur, ut ad eundem *Messiam* referant illa psalmi 21. Foderunt manus meas & pedes meos dinumeraverunt omnia ossa mea, ipsi verò consideraverunt & inspexerunt me, diviserunt sibi vestimenta mea, & super vestem meam miserunt sortem, & ista Ps. 68. Es dederunt in escam meam fel, & in siti mea potaverunt me aceto ego sum pauper, & dolens, super dolorem vulnerum meorum addiderunt.

ANNO.

ANNOTATIO 2da.

Cum ex Prophetis Iſaia & Zacharia ingenué, & veraciter perpenſis. inviſe conſtet. unum & eundem Meſſiam, & Magnificum Regem, & nihilominus pauperem, deſpectum, vulnerandum, atque etiam occidendum fore; non alia via reſtat hæc ad primum intuitum quaſi contraria, vera explicatione combinandi, quam quod *Meſſias* non Rex terrenus, ſed Rex Regum: Dei nempe Filius (ut ex tot, & tantis Scripturæ locis vidimus;) in natura humana, & forma aſſumpta pauper, & inglorius appariturus ſit. Et quod ejus Regnum non terrenum ſed ſpirituale ſit, non in apparatu Regibus terrenis ſimili; ſed in congregatâ ſub una ſua lege ex omnibus totius mundi gentibus Eccleſiâ conſiſtat. Et ſic ſecundum Divinam ſuam naturam, & ſecundum omnes ſuæ legi ſubjectos populos vere dici poſſit totius mundi Rex, & Dominator: ſecundum vero ingloriam, & pauperem formam, qua in natura humana aſſumpta apparebit, pauper, inglorius, vulnerandus, & etiam occidendus ſit. Non me hac in explicatione paradoxum quoddam in medium attuliſſe; verum ipſam veritatem, ex ſecuturis etiam Scripturæ Sacræ locis magis compertum, & meridiana luce clariuſ fiet. Quocirca arrepto ordine procedamus quo poſt Iſaiam ſequitur.

JERE.

J E R E M I A S.

Capite 3. afferit novam doctrinam seu legem dandam sublata Arca Veteris testamenti seu lege vetere.

XX. *D*abo vobis Pastores juxta cor meum, & pascunt vos scientia & doctrina non dicent ultra: Arca testamenti Domini, neque ascendet super cor, neque recordabuntur illius, nec visitabitur, nec fiet ultra. In tempore illo vocabunt Jerusalem solium Domini, & congregabuntur ad eam omnes gentes in nomine Domini in Jerusalem. Si non recordabuntur amplius Arcae Domini, neque Arca Domini super cor amplius ascendet, ergo & Lex antiqua obliterabitur & evanescet; quia Jerusalem vocabitur solium Domini & congregabuntur ad eam omnes gentes pascendae utique scientia & doctrina alterius Legis ab antiqua, novae scilicet quae Isaiae 2. De Sion exiit, & de Jerusalem, & fluent ad eum omnes gentes (ut vidimus num: 13.) Nam si Arca testamenti non ascendet super cor, nec testamentum ipsum antiquum memorabitur, aut servabitur, adeoque doctrina, quam tunc pascuntur, non testamenti antiqui sed novi, erit. Sed & Jerusalem nomen immutabit suum, & vocabitur solium Domini; quia (ut Isaías ait cap: 65. Deus faciet omnia nova:) ne memineritis priorum, & antiqua ne intuemini, ecce ego facio nova, non re memoranda igitur erit antiqua Hierusalem; novam enim fundaturus est Hierusalem,

lem, Ecclesiam nempe Messiae, quam nomine Hierusalem significabit; sicut Isaia 65. dicitur *quia ego Creo calos novos, & terram novam, & non erunt in memoria priora, & non ascendent super cor quia ecce ego Creo Ierusalem, exultationem, & populum ejus, gaudium, ecce aliam novam Ierusalem creabit, utiq; Ecclesiam Messiae, quae verè dici poterit Exultatio, & populum alium, qui vocetur gaudium fideles nempe Messiae. Hinc est, quod nomine Israëlitis, Electi, seu fideles vocabuntur, uti ad Israëlitas Deus loquitur per Isaiam cap: 65. & dimittetis nomen vestrum in iuramentum electis meis. Igitur nomine Israëlitis significabuntur electi, & fideles Dei, & Messiae. Nam hoc cap: 65. Deus inter Israëlitem, & gentes distinguit, gentes convertendas ad Dominum vocando *Servos*: Israëlitem vero vocando *dereliquentes Dominum*: & ait: *vos qui dereliquistis Dominum, qui obliti estis sanctum montem meum*: ergo antea eum cognoverunt. Ergo Israëlita *Vos confundemini, & servi mei latibuntur, ecce servi mei laudabunt pra exultatione cordis*: hi erunt illa exultatio Ierusalem novae. Vos autem clamabitis pra dolore cordis, & dimittetis nomen vestrum in iuramentum Electis meis. Ergo Deus aperte innuit nomine Israëlitis quondam electi nominandas esse gentes convertendas ad Dominum, & gentes conversas seu fideles Dei, & Messiae vocandas esse novus Israel. Hinc Deus apud Oseam iisdem gentibus antea idololatriae deditis, postea vero tempore Messiae ad Deum conversis ait cap:*

2. *Et dicam non populo meo, populus meus es tu,* novus nempe electus Israel. Hinc in Scripturis sæpissimè fideles, & electi Messia, nomine Israelis, Juda, Domus David; & Ecclesia Messia, nomine Jerusalem, olim electæ, designantur.

*De vocatione Gentium & Judæorum
ad legem & Ecclesiam Messia.*

XXI. *V*idimus immediatè citato, & explicato cap: 3. Jeremiae, arcam testamenti antiqui oblivioni tradendam, atque idcirco ipsum etiam testamentum antiquum obliterandum, & novam doctrinam, & legem de Jerusalem exituram esse, ad quam congregabuntur gentes omnes. Quod de verbo ad verbū antea conspeximus Cap: 2. Isaia. Num: 15. Vidimus pariter hanc novam legem, & nova doctrina gentes illuminaturum esse Messiam num: 18. Nunc videamus Judæos, & gentes ab omnibus terræ partibus vocandos esse in unam illam Messia legem, & Ecclesiam, quæ secundum Isaiam, & Jeremiam de Jerusalem egressura dicitur; & quia illa lex de Jerusalem egressura est, ad illam in Jerusalem invitari dicuntur tam Judæi, quam omnes gentes ex omnibus terræ partibus *Dedi te nempe Messiam, in fœdus populi, ut suscitares terram Et possideres hereditates dissipatas, ecce isti de longe venient, Et ecce illi ab aquilone, Et mari, Et isti de terra Australi; leva in circuitu tuo oculos, Et vide, omnes isti congregati sunt venerunt tibi cōsonant apprimē*
his

his pf: 2. dabo tibi possessionem tuam terminos terræ,
& etiam in M drach Thehillim Mellæ adscri-
buntur. Similia habentur cap: 66. Isaïæ, ego autem
opera eorum, & cogitationes eorum venio ut con-
gregem cum omnibus gentibus, & linguis, & veni-
ent, & videbunt gloriam meam, & ponam in eis
signum, & mittam ex eis, qui salvati fuerint ad
gentes, in mare, in Africam, & I ydnam tendentes
sapientiam in Italiam, & Græciam, ad insulas longe,
ad eos, qui non audierunt de me, & annuntiabunt
gloriam meam gentibus, & adducent, (ad Judæos
nunc loquitur) omnes fratres vestros de cunctis
gentibus ad montem Sanctum meum Jerusalem veniet
omnis caro, ut adoret coram facie mea: nonne o-
ptimè cohærent cum illis cap: 2. Isaïæ, erit in
novissimis preparatus mons Dominus Domini, & flu-
ent ad eum omnes gentes, quia de Sion exibat Lex,
& verbum Domini de Jerusalem, ubi utiq; vidi-
mus Melliam designari, cujus nova lex de Jeru-
salem exibat. Sed ecce quomodo ex universis
terræ partibus dicuntur tam gentes, quam Isra-
ëlitarum ad hanc Melliam Legem in Jerusalem vocan-
di esse. Utiq; Jerusalem omnes gentes, & omnes
lingvas, & omnes ex universis terris adducen-
dos fratres vestros, nempe Judæos, imo & omnem
carnem minimè capere poterit. Hoc enim im-
possibile est. Igitur non ad nude sumptam Jeru-
salem, sed ad amplectendam legem, & doctri-
nam Mellæ, quæ de Jerusalem exibat, adducen-
di illi omnes dicuntur. Sed quomodo? per eos
qui salvati sunt, nempe quos eliget Mellias, &
mittet

mittet in *Affricam*, & *Lydiam*, in *Italiam*, & *Graciam*, & ad *insulas* longe ipsi enim annunciant gloriam meam gentibus: & consequenter Judæis inter eas manentibus. Et in hoc sensu omnes illi dicuntur adducendi in *Jerusalem*, nempe in legem & Ecclesiam Messiae, quæ in *Jerusalem* ortum habebit, & inde exibat.

Quocirca in eodem sensu accipienda sunt, quæ habentur *Jeremias* 23. Et ego cōgregabo reliquias gregis mei de omnibus terris, ad quas ejecero eos illuc, & convertam eos ad rura sua, & crescent, & multiplicabuntur, & suscitabo super eos pastores & pascunt eos. Sicut dixit cap: 3. Dabo vobis pastores juxta cor meum, & pascunt vos scientia, & doctrinā non dicent ultra arca testamenti congregabuntur igitur reliquiae gregis antiqui nempe Judæici, ut pascantur scientia, & doctrina, nempe: Lege Messiae, relicta arca, seu vetere lege. Subdit enim statim *Jeremias*, id futurum per Messiam: ecce dies veniant alicui Dominus, & suscitatio *David* germen justum, & regnabit Rex, & sapiens erit, & faciet judicium & justitiam in terra. Germen *David* utiq; illud est, quod *Virgam de radice Jesse* ab *Isaia* cap: 11 dictum ostendimus. Quare hæc *Jeremias* testimonia de Messia prolata esse sentiunt *Jonathan*, & *Thargumista*, & *Judæi* alij in *Beresith Rabba*, & in *Echa Rabathi*, & in *Tanchuma*, inde enim & communis illa *Judæorum* traditio orta est, Messiam de familia *Davidis* oriundum fore, de quo etiam dictum vidimus num: 18. Ecce dedi te in lucem

gentium, ut sis salus mea usq; ad extremum terræ.

Dicit quidem Jeremias citato cap: 23. reliquias gregis Judaici ad rura propria convertenda esse tempore Messiae, sicut Isaiam vidimus asserere, non solum Judæorum reliquias, sed omnes omnino populos, & gentes in Jerusalem adducendas esse simul cum Judæis, quos omnes cum Jerusalem nullo modo capere possit, intelligendum esse diximus, quod simul Judæi, & gentes ad legem, & Ecclesiam Messiae, quæ de Jerusalem exhibit adducendi sunt. Nam Propheta allusit quidem ad dispersionem Judaicæ gentis, quæ suo tempore dispersa erat, in Babylonicam, & Egyptiacam servitutem. sed spiritualem ipsis assignavit Jerusalem, & spiritualia rura terræ suæ, ad quæ tempore Messiae convertendi essent; nempe legem, & Ecclesiam Messiae, quæ de Jerusalem, & ruribus illis exhibit, ortumq; ducet. Cum enim non illi soli (ut vidimus) tempore Messiae ad Jerusalem, & rura illa adducendi sint, sed omnes gentes, & lingvæ, imo omnis caro, signum omnino evidens est, hic Jerusalem, & rura Israel in sensu mystico accipi, nempe pro lege, & Ecclesia Messiae, quæ de Jerusalem, & terra illa exhibit, & ad quam omnes gentes, & reliquiae Judæorum aggregandæ sunt. Uti etiam vidimus num: 20. in Scriptura sæpe Jerusalem designare Ecclesiam Messiae & Israel designare fideles ejusdem.

Quod autem ita hic Jerusalem, & rura Israël pro lege, & Ecclesia Messiae accipienda sint, in viſto hoc argumento probo. Tunc

Tunc pro Jerusalem ad quam adducendi sunt
Judæi, & gentes, debet intelligi Ecclesia Messiaë,
si impossibile sit tempore Messiaë Judæos, & gen-
tes adducendos esse ad litteraliter, & materialiter
acceptam Jerusalem & terram Israel. Sed
impossibile est; quod probo. Impossibile est Ju-
dæos adducendos esse ad Jerusalem, & terram
Israel tempore Messiaë, si Jerusalem in sempiter-
num non instaurabitur, & populus Judaicus in
sempiternum in suum statum non restituetur.
Sed ita est ex Isaia cap: 25. *posuisti Civitatem,
nempe Jerusalem in cumulum, & urbem fortem in
ruinam, domum alienorum, ut non sit Civitas, &
in sempiternum non edificetur.* Jeremiaë cap: 19.
*Hæc dicit Dominus exercituum: sic conteram popu-
lum istum, & civitatem istam, sicut conteritur vas
figuli, quod non potest ultra instaurari.* Ergo nunquam
Civitas & status Judæorum instaurabitur, ergo
nunquam ad Jerusalem, & terram Israel mate-
rialiter, & litteraliter acceptam reducendus est
populus Judaicus. Ut quid enim? si nec statum
ullum, nec Civitatem habiturus est. Confirmat
hæc Amos cap: 5. *Domus Israel cecidit, & non
adjiciet, ut resurgat, Virgo Israel projecta est in ter-
ram, & non est qui suscitet eam.* Nudis igitur
vanæ spei chymæris obæcati se pascant Judæi.

Qui ergo ad cor redire, & non in meridie cæ-
cutire volunt, nobiscum sentiant ad Spiritualem
Jerusalem, ad Ecclesiam nempe Messiaë, & ad le-
gem ejus, quæ de Jerusalem exhibit, congregan-
das esse omnes gentes, & reliquias gregis Judai-
ci.

ci. Vidistis utiq; ex Iſaia tempore Meſſiæ de Sion legem exituram, & ad eam omnes gentes conflururas, vidistis Meſſiam in Affricam, & Lydiam, & inſulas longe miſſurum ſuos electos qui gentibus, & Judæis Legem novam, & gloriam Dei annuncient, juxta illud Iſaiæ 42. *Legem ejus inſula expectabunt, & ipſe Meſſias per legem ſuam illuminaturus eſt omnes populos, Iſaia 51. Quia lex à me exiet & judicium meum in lucem populoꝝum requieſcet, prope eſt juſtus meus egreſſus eſt Salvator meus.* Ipſe uſq; ad extremum terræ omnes gentes lege, ſua illuminabit, ecce deſcendit te in lucem gentium, ut ſis ſalus mea uſq; ad extremum terre. Cum igitur ad legem ejus omnes illæ gentes, & populi congregabuntur, & illa lege Meſſiæ illuminabuntur, illi omnes ex univerſis terræ partibus ad unam Meſſiæ legem coadunati populi efficiunt Eccleſiam Meſſiæ, & iſta ejus erit per univerſum orbem Eccleſia, & ejus per univerſam terram regnum. Quod ipſe ſolus reget, quos omnes ipſe unus Paſtor Meſſias paſcet, juxta illud Ezechielis 37. *Rex unus erit omnibus imperans, & non erunt ultra dua gentes, nec dividuntur amplius in duo regna, & ſervus meus David.* Meſſias nempe de Domo David oriundus. *Rex ſuper eos, & Paſtor unus erit omnium eorum.*

REGNUM MESSIÆ.

XXII **H**ic jam invictè probandum venit Meſſiæ Regnum non poſſe aliud eſſe, quam Eccle-

Ecclesiam ejus ex populis universæ terræ in ejus legem aggregatis; Vidimus sc̃i, superq; Messiam lucem futuram gentium, insularumq; populorumq; omnium; vidimus eum non aliter illos illuminare posse, nisi doctrinâ, & sua lege, ad quam quoq; sc̃i superq; vidimus, & confluxuras & aggregandas undiq; esse gentes, adeoq; Messiam suæ legi omnes universæ terræ populos subicientem meritò eorū omnium Regem, ipsos vero omnes sub una ejus lege congregatos, merito ejus Ecclesiam, ejusq; regnum esse. Sed in tot, ac tantis Scripturæ locis regnum Messiae non tantum ita amplum vidimus, ut ad extremum terræ, ad terminos terræ, *à mari usque ad mare, à flumine usque ad terminos orbis terrarum*, se extensurum sit, verum etiam ejus regnum futurum sempiternum. *Stabiliam thronum regni ejus in sempiternum.* 2. Reg. *Thronus ejus sicut luna perfecta in æternum.* Pl: 88. *Et super regnū ejus sedebit, ut confirmet illud in sempiternum.* Isaïæ 9. *Et regnum ejus non corrumpetur.* Dan: 7. Quomodo imprimis regnum Messiae poterit esse ita amplum, ut omnes Reges, omnia Regna, omnes terræ, subiciantur, & contineantur sub imperio, & regno Messiae? cū Messias, ut evidentissimè vidimus, num: 19. erit pauper, despectus, & inglorius? igitur istud regnum Messiae amplissimum, ejus est Ecclesia ex omnibus terræ populis sub una Messiae lege congregata. Deinde quomodo Messiae regnum sempiternum, esse poterit cum omnia regna, omnes status, omnes populi, finem habebunt, & interibunt? igitur Regnum Messiae est

ejus Ecclesia ex populis universæ terræ in unam legem ejus adunatis & postea salvatis; quæ Ecclesia unicè, cum Messia suo in perpetuas æternitates in Cælis perennatura est. Quocirca de Messia dicitur Ezechielis 37. *Et David Servus meus princeps eorum in perpetuum* Messias enim sæpè dicitur David, vel filius Davidis, quia de domo David.

Notandum quod eodem 37, Ezech: loco, hebræis promittit Deus terram Israël possidendam, & idem etiam in aliis locis, & ait eos possessuros illam terram in perpetuum, sed eo ipso patet de terra spirituali Israël, Deum loqui, nam terra Israël nudè accepta non erit in perpetuum, ut constat, verùm terra Israel, per quam num: 20. diximus fideles Messia, & Ecclesiam Messia denotari; illa sola in perpetuum mansura est; unde ubicunque Israëlitis terra antiqua, in qua Hierusalem erat, promittitur; semper intelligendum est de Israëlè novo, nempe de fidelibus Messia, & de Hierusalem nova, & terra nova Israelis, nempe de Ecclesia Messia, quia ut vidimus num: 20. per *Jerusalem* Deus Ecclesiam sæpè significat, & per *Israel* fideles Messia. Insuper Hierusalem antiquam, & populum Judaicum nunquam in statum suum restaurandū esse declamantes vidimus Prophetas, Isaïam, Hieremiam, & Amos, ut de hoc dubium amplius nullum esse possit.

Quoniam vero hoc loci de Regno Messia præcipuè agimus, quod demonstravimus non esse aliud,

aliud, quam Ecclesiam Messiae ex omnibus totius orbis, ac universae terrae populis congregatam, hinc est quod ad hoc Regnum, nempe Ecclesiam amplissimam Messiae referendi sunt omnes de Regno Messiae praedictiones Ps: 2. *Dabo tibi gentes hereditatem tuam, & possessionem tuam terminos terrae.* Ps: 71. *Dominabitur a mari usque ad mare, & à flumine, usque ad terminos orbis terrarum.* Gen: 22. *Benedicentur in semine tuo omnes gentes,* Ps: 71. *Adorabunt eum omnes Reges terrae, omnes gentes servient ei,* & his similia alia Scripturae loca. Omnes quippe gentes, & reliquiae Judaeorum in Messiae legem, & doctrinam coadunati efficient hoc ejus regnum, seu Ecclesiam per totum orbem sparsam, & ad fines terrae diffusam. Quocirca etiam legi Messiae subiecti, tam reges, quam populi, dicuntur eum adoraturi & ei servituri.

Huc etiam spectant vaticinia illa, quae praedicunt Messiam bellatorem fore de inimicis suis triumphaturum, qualia sunt Ps: 109. *Confregit in die ira suae reges, dominare in medio inimicorum tuorum,* Ps: 44. *Accingere gladio super femur tuum potentissime, sagittae tuae acutae populi sub te cadent.* Num: 24. illud Balaami: *Orietur Stella ex Jacob, & consurget virga de Israel, & percutiet Duces Moab, vastabitque omnes filios Sese.* Isaia 11. *Percutiet terram virga oris sui, & spiritu labiorum suorum interficiet impium & his similia.* Quoniam autem subditur ad ultimum locum. *& erit iustitia cingulum lumborum ejus, & fides*

cinctorium renum ejus, arma nostri bellatoris probe intelligimus, nempe Justitiam, & fidem; nempe legem, & fidem novam justitiæ, & doctrinam, qua idololatriam expugnabit, omnemque errorem, & reges atque regna, quæ idololatriæ dedita erant devincet in suam legem, in verum Dei cultum. His spiritualibus armis fide, & justitia bellator noster spiritualis, Messias nempe pugnabit, & omnes suæ legi subjiciet. Nam in sexcentis Scripturæ locis *Princeps pacis*, pacem prædicans, & pacem allaturns, & *agnus* dicitur: imò tempore ejus universalem in terris pacem futuram Scriptura (ut vidimus num: 14.) appromittit. Unum observandum nobis restat, non simul & uno tempore ad adventum Messiæ omnes statim gentes, & populos in legem ejus concessuros, nam rudes nimium videremur, si id credere vellemus. Sed pedetentim magno tamen numero ad legem ejus, & Ecclesiam populos diversorum Regnorum, modo hos, postea alios aggregandos esse, usque tandem omnes adducantur, & unum ovile, unumque regnum omnium sit, *Rexq; super eos, & pastor unus omnium eorum* Messias.

Hæc omnia confirmare placet evidenti testimonio Jeremiæ cap: 31. ubi sole clarius, Cicero-
ne facundius, prædicit antiquum fædus, & legem Mosaicam cessaturam, & novum fædus, novamque legem à Messia instituendam. *Ecce dies veniunt dicit Dominus, & feriam Domui Israel & Domui Juda fædus novum, non secundum pactum*
quod

quod pepigi cum patribus eorum, ut educerem eos de terra Aegypti. Sed hoc erit pactum, quod feriam cum domo Israel post dies illos, dicit Dominus: Dabo Legem meam in visceribus eorum, & in corde eorum scribam illam non jam antiquum fœdus, quia dicit, novum, non antiquum firmitus imprimet in cordibus Israël (ut quidam Judæi respondent) quia dabit novum fœdus non jecundum pactum quod pepigit cum Patribus eorum in egressu ex Aegypto; ergo non legem antiquam Moisaicam, quam acceperunt in egressu de Aegypto, ergo novum omnino fœdus, & novam legem dabit, nempe: legem gratiæ, quam scribet in cordibus fidelium, per inhabitantem spiritum suum in cordibus, fidelium qui hic nomine Israel, & Juda denotantur: nam constat non Israeli soli dandam hanc legem, sed etiam gentibus, undè etiam hinc constat Scripturam sapè nomine Israelis Fideles designare.

Cui autem tempori congruere potest tam grande opus, nempe: abolitio antiquæ legis, & institutio novæ, nisi tempore Messia? de quo vidimus sexcentis in locis dici; Dedi te in fœdus populi in lucem gentium. Isaïæ 42. Quia à me exiet lex, & judicium meum in lucem populorum requiescet, prope est justus meus egressus est Salvator meus & plurima his similia Prophetarum oracula, quibus prædicitur Messias, ut vidimus novam instituturus legem.

Post Prophetam Jeremiam sequitur ejus Ammanuensis, seu scriba nempe Propheta.

BARUCH.

XXIII. *Capite secundo sua Prophetia prædicit Deum fore Messiam in natura humana cum hominibus conversaturum.*

Præterquam quod plurimis in Scripturæ locis Messiam viderimus magnum prædici & prædicari Regem toti mundo dominaturum, eo titulo, eaq; ratione, quod in ejus legem, doctrinam, & Ecclesiam, ex omnibus terræ partibus Judæi, Gentes, & populi concedent & adducuntur. Alio insuper titulo, aliaq; ratione eum tantum, ac potentissimum mari, terraq; jura impositurum Regem indicant, & declamant Scripturæ Sacræ, nempe: quia Dei Filius Deus verus Patri consubstantialis, & cœternus, Messias ille prædictus, futurus est. Vidimus etenim superius num: 4to 5. 6. 10. 11. 12. 16. 17. Messiam a Deo Patre vocari filium suum ita, ut dicat eum ex suo utero ante Luciferum genitum, ante solem, & lunam fuisse, non alibi nisi in Patre. Ps: 2. *Filius meus es tu, ego hodie genui te* vocem hodie interpretes vertunt pro æternitate. Ps: 71. *Permanebit cum sole, & ante lunam, ante solem permanet nomen ejus*, ille de Cælo à Patre descendet sicut pluvia in vellus super terram. Ps: 88. *Ipse invocabit me Pater meus es tu, ego primogenitum ponam illum excelsū præ Regibus terra.* In textu Hebræo habetur *Aelion* pro voce *excelsū*, quod *Aelion* est nomen proprium Dei ut num: 11. probavimus, sed quia *primogenitus* dicitur: Dei Fili-

us indicatur. Ps: 109. Deus Pater Messiae ait: *ex utero ante Luciferum genui te.* Et similia alia testimonia de Messiae Divinitate. Quæ omnia de Messia dicta esse suo calculo Judæi locis citatis adducti comprobarunt.

His omnibus succinit clarissimo suo vaticinio Propheta Baruch cap: 2. Dei Filium mox adductis Scripturæ testimoniis comprobatum Messiam è Cælis descendurum, cum hominibus conversaturum, adeoq; nostram humanam naturam assumpturum. *Hic est Deus noster,* inquit *Et non astimabitur alius adversus eum, hic adinvenit omnem viam discipline Et tradidit eam Jacob puero suo, Et Israel dilecto suo, post hæc in terris visus est, Et cum hominibus conversatus est.* Nonne pulchrè hæc concordant cum Ps: 71. *Descendet sicut pluvia in vellus, Et sicut stillicidia stillantia super terram, & cum istis Isaiæ 35. Deus ipse veniet, Et salvabit vos, quomodo veniet vidimus apud Isaiam cap: 7. Ecce virgo concipiet, Et pariet filium, Et vocabitur nomen ejus Emmanuel,* nempe: *Deus nobiscum* per incarnationem etenim erit verè Deus nobiscum, utpotè nostram naturam assumens. Sequitur post Baruch *Ammanuensẽm Jeremiam, recto Scripturæ ordine propheta.*

E Z E C H I E L.

Predicit Messiam una sua lege, Et doctrina pasturum omnes gentes, Et illam legem allaturum esse justificationem.

XXIV. **A**t tentillimè notandum est, cujus etiam
 alibi mentionem fecimus, nempe:
 Prophetas Spiritu Dei agitados sapidimè suis in
 narrationibus in aliqua materia propositis immi-
 scere prædictiones crebras de Messia, & ejus Ec-
 clesia. Sicut dum loquuntur de captivitatibus
 Babylonica, & Ægyptiaca, in quas ipsorum tem-
 pore abducebantur Judæi. Prædicunt quidem
 suo ordine liberationem Judæorum futuram ex
 illis captivitatibus, & Judæos revocandos esse
 ex gentibus illis ad nativum suum solum, ibiq;
 victuros in fertilitate, & pace: quod etiam post
 captivitates illas contigit. Sed his eisdem nar-
 rationibus sibi propositis immiscet continuo Dei
 Spiritu agitati crebras prædictiones de captivi-
 tate spirituali animarum in peccatis, & potesta-
 te Dæmonis, alludendo statim ad liberationem
 futuram *per Messiam* atquè ad fertilitatem bo-
 norum operum, & salutis æternæ animarum præ-
 dicentes spirituales Hierusalem, & terram Isra-
 el nempe Ecclesiam *Messie*, & spirituales my-
 sticumquè Israel, nempe: Fideles futuros *Messie*;
 & hoc præcipuè, dum de David imperaturo in
 perpetuum Israeli loquuntur: qui jam mortuus
 erat, per quem proinde *Messiam* de progenie
 David oriundum intelligere volebant; & etiam,
 dum Israël perpetuò terram Israël possessurum,
 vel felicitatem aliquam, aut regnum in æternum
 duratura appromittunt, & his similia, quæ nul-
 latenus Israël literaliter accepto convenire pos-
 sunt. Nam Israël ex captivitate Assyriaca nun-
 quam

quam reductus fuit, sed nec reducendus est, ut Oseas ait: cap: 1. Deum non additurum ultra misereri domus Israël, si verò de Domo Juda loquamur. Tunc enim quædam de antiquo Israelitarum statu, plurima tamen de prædicto *Messia* regno intelligi omnino debent, id est: de *Messia Ecclesia*, cui hæc apprimè convenire constat. Quamvis enim aliquam fertilitatem, & aliqualem pacem Judæi post capivitates illas habuerint, non tamen tam uberem, & vel maxime perpetuam. Undè vix non omnia talia Prophetarum dicta omnino de novo, & mystico, Israele, nempe: de Fidelibus *Messie*, & de terra mystica fertilissima bonorum salutarium, nempe: de Ecclesia *Messia* accipienda omnino sunt, eo quod nequè de futuro Judæorum statu, ut sibi adulantur, & inaniter promittunt Judæi, accipi possint, cum (ut vidimus) status eorum nunquam instaurandus sit.

Exemplum horum clarissimum habemus inter plurima Scripturæ Sacræ loca capite 37. Ezechielis, ubi Deus ait: *Ecce ego aperiam tumulos vestros & educam vos de sepulchris vestris populus meus, & inducam vos in terram Israel.* Nunquid Deus mortuis Judæis, & resuscitatis daturus est terram Israel, & faciet eos gentem unam in montibus Israel? ut subdit; utiquè nemo dicet sic accipiendam Scripturam. Igitur resuscitabit novum, & mysticum Israël, qui super mysticam terram Jacob, super Ecclesiam *Messia* servantem Dei mandata sicut Jacob servaverat, habitabit in
sempiternam

sempiternum, sicut subditur, terra enim Jacob materialis non manebit in sempiternum, & idcirco huic mystico Israeli Messiam dabit Pastorem. *Et servus meus David rex super eos, & pastor unus erit omnium eorum.* Aben Ezra etenim, Kimchi, & Thalmud, docent nomine Davidis *Messiam* semper significari, & quia Israel iste, novus & mysticus est, nempe: Ecclesia *Messia*; non antiquum Israelis commemorabit, illi fœdus, sed dabit, & percutiet aliud utique pactum. *Et percutiam illis fœdus pacis, pactum sempiternum erit eis.* Si pactum pacis, & sempiternum, ergo pactum illud *prædicantis pacem* qui *Messias* est. *& fundabo eos, & multiplicabo eos.* Ecclesiam ex iis collectam, *& dabo eis sanctificationem meam in medio eorum in perpetuum.* Ecce quomodo lex, seu fœdus *Messia* sanctificationem, seu justificationem ex se afferet, quam ex se dare lex vetus nequaquam poterat. *Et sanctuarium meum in medio eorum in perpetuum.* Sanctuarium antiqui fœderis per Romanos excisum nunquam juxta Prophetas instaurabitur, igitur hic novum Sanctuarium Spirituale, nempe: Ecclesia, & spiritualis Israel atque novus, nempe: Fideles *Messia* intelliguntur, in quorum unitis lege *Messia* cordibus *perpetuum sanctuarium* Deus sibi parabit, & conservabit. *Post Ezechielem sequitur quartus Majorum Prophetarum.*

DANIEL.

*Facundissime prædicit Regnum Messie
non temporale futurum sed spirituale,
& sempiternum nempe Ecclesiam
ejus.*

XXV. **C**apite 7. sic habet: *Aspicebam in visione noctis, & ecce cum nubibus cali quasi Filius hominis veniebat, & usque ad antiquum dierum pervenit, & in conspectu ejus obtulerunt eum, & dedit ei potestatem, & honorem, & regnum, & omnes populi tribus, & lingua ipsi servient, potestas ejus, potestas æterna, qua non auferetur, & regnum ejus, quod non corrumpetur.* De Messie regno hæc dicta esse fatentur Judæi in lib. Sanhedrin capite ultimo: in Beresch Rabba, & in Midrasch Thehillim, item Raben Ezra, R. Selomoh Jarchi, Saadiah Gaon, & alij, & sanè, nam ad amulim cohærent cum iis Maia locis, in quibus Messias ex Aquilone, ex Australi plaga, ex Lydia, Africa, Italia, Græcia, ex omnibus populis, & linguis regnum, seu Ecclesiam sub unam suam legem congregaturus dicitur, ut vidimus numero 21. concordant etiam cum iis, ubi regnum Messie crebro dicitur fore sempiternum. Sed forsitan protervi quidam hebræi dicent Regnum Messie sempiternum dici, quia ad finem mundi duraturum est. Verum evidenter falluntur, non advertentes modum loquendi Prophetæ, qui æternitatem regni Messie mensurat ex potestate æterna

æterna ejusdem *Meliæ*, quæ cum æterna æternitate propriè dictâ sit, utpotè *Messie* qui est *Deus*; prout evidenti. limè vidimus, igitur & regnum ejus propriè dictâ æternitate æternum ab eodem Propheta dicitur, & consequenter etiam ab aliis Prophetis, dum regnum *Messie* sempiternum fore asserunt. Cum verò terrenum nullum regnum ita æternum esse possit, ut nunquam finem habiturum sit; omnia enim cum mundo interibunt, igitur nomine Regni *Messie* semper ejus Ecclesia omnino intelligenda est, utpotè quæ sola cum suo *Mellia* in æternum in cælis perennatura est. Idem omninò capite 2. dixerat: *In diebus autem regnorum illorum sificitabit Deus cæli regnum, quod in æternum non dissipabitur, & regnum ejus alteri populo non traletur, comminuet autem, & consummet universa regna hæc, & ipsum stabit in æternum.* Quis hic non videt post omnia regna hujus mundi in æternum permanens regnum *Messie*, quod nullatenus aliud esse potest, quam ejus Ecclesia cum ipso in Cælis in æternum mansura & triumphatura.

Capite nono determinatum hebdomadarum annualium numerum ponit, post quas Messias seu Christus occidendus sit per eum peccatum delendū, justitia seu justificatio adducenda, post occisum vera
Messiam

Messiam perpetuam Judaici status desolationem futuram esse.

XXVI. Sic enim ait capite 9no. Septuaginta hebdomades abbreviate sunt super populum tuum, & super Urbem Sanctam tuam, ut consummetur pravaricatio, & finem accipiat peccatum, & deleatur iniquitas, & adducatur justitia sempiterna, & impleatur visio, & Prophetia, & ungatur Sanctus Sanctorum. Scito ergo & animadvertite, ab exitu sermonis, ut iterum edificetur Jerusalem, usque ad Christum Ducem hebdomades septem, & hebdomades sexaginta duae erunt, & rursus aedificabitur platea, & muri in angustia temporum, & post hebdomades sexaginta duas occidetur Christus, & non erit ejus populus qui eum negaturus est. Et civitatem & sanctuarium dissipabit populus cum Duce venturo, & finis ejus vastitas, & post finem belli statuta desolatio. Confirmabit autem pactum multis hebdomada una, & in dimidio hebdomadis deficiet hostia, & Sacrificium, & erit in templo abominatio desolationis, & usque ad consummationem, & finem perseverabit desolatio. Primores Rabbiorum ipsa veritate coacti confessi sunt hoc vaticinium ad Messiam pertinere. R. Barachias in Beresith Rabba, R. Moses ben Nachman, R. Samuël, & alij. Sed quamvis ex protervia id negare vellent ex ipsis verbis constat illud de nullo quam Messia intelligi posse. Quisnam esse potest Sanctus Sanctorum id est omnium sanctissimus, nisi solus Messias? quis peccata hominum delere

delere potest, nisi qui apud Ilaïam vulneratus, & occisus est propter iniquitates nostras & ejus livore sanati sumus? & quis justitiam sempiternam adducere potest, nisi qui tot in locis dicitur Justus & Salvator eo veniente implebuntur & cōplebuntur visiones, & Prophetiæ, quia ipse est de quo factæ sunt omnes visiones, & Prophetiæ, nempe Messias, & eo veniente confirmabitur pactum, seu obligabitur pactum seu fœdus antiquum quia ipse nempe Messias adimplebit, & complebit illud & novum fœdus, seu novam legem instituet, ut in supradictis vidimus.

Verum exactum hujus vaticinij examen suscipiemus in secunda parte, ubi ex illo ostendemus quis verus Messias sit? qui post hebdomades septuaginta occisus sit? ut ait Daniel. Quocirca nunc ad perlustrandos Prophetas minores accedamus. Primus recto Scripturæ ordine occurrit.

OSEAS.

Pariter desolationem totius status Judaici & Sacrificiorum vaticinatur.

XXVII. **C**apite 3tio ait Oseas: Dies multos sedebunt filij Israel sine Rege, & sine Principe, & sine sacrificio, & sine altari, & sine Ephod, & sine Theraphim, post hac revertentur filij Israel, & quarent Dominum Deum suum, & David Regem suum, & pavebunt ad Dominum, & ad bonum ejus in novissimo dierum. Daniel dixit: deficiet hostia, & sacrificium, & usque ad consumptionem

mationem perseverabit desolatio. Unde dum Oseas dicit: *dies multos sedebunt sine sacrificio, sine altari*, illi multi dies debent intelligi usque ad consummationem sæculi, & hoc ex ipso Osea constat, quoniam subdit, quod non citius *querent Dominum Deum suum & David Regem suum* nempe: Messiam qui nomine Davidis intelligitur *nisi in novissimo dierum* quod sine dubio de ultimis mundi diebus intelligi semper solet. Nam licet modo aliqui eorum ad Messiam legem convertantur, tunc verò universaliter omnes in Ecclesiam Messiam concedent. Interea verò verificatur, quod sine Rege, sine Principe, sine sacrificio, sine altari, certè non sine culpa gravissimi alicujus peccati extorres inter gentes manere debeant, usque tandem in novissimo dierum universaliter in unam Ecclesiam Messiam nobiscum aggregabuntur. Cap: 13. Oseæ dicitur: *ero mors tua o mors, morsus tuus ero inferne*: non aliter quam quia infernum spoliabit potestate, quâ genus humanum detinuit peccato perditum. Unde cap: 14. ait: *Sanabo contritiones eorum*: nempe: ut Thargumista docet: remissio peccatorum fiet per Messiam, sicut Daniel ait: *ut deleatur iniquitas*. Oseæ succedit.

J O E L.

XXVIII. **C**apite 2. ait: *Filij Sion exultate, & latamini in Domino Deo vestro, qui dedit vobis Doctorem justitiæ*. Eum nempe quo juxta Danielem adducetur justitia sempiterna.
Eodem

Eodem 2. cap: Joelis, *Et erit post hæc, effundam spiritum meum super omnem carnem Et prophetabunt Filij vestri, Et filia vestra hæc tempore Messiae eventura esse docet R. Saadiah Gaon, & R. Machir, Addit Joel: In monte Sion, Et in Ierusalem erit salvatio, nempe: dum per mortem Messiae delebitur iniquitas, ut ait Daniel. Spiritus Sanctus autem effundetur non super solos Prophetas, uti in antiquo testamento, sed universaliter super fideles Messiae. Sequitur.*

A M O S.

XXIX. **H**ic Propheta imitatur Ezechielem loquendo nempe: de spiritali tabernaculo & spiritali Israël, & spiritali fertilitate terræ Mysticæ.

Capite 9. *In die illa suscitabo Tabernaculum David, quod cecidit Et reedificabo illud sicut in diebus antiquis, ut possideant reliquias Idumææ Et omnes nationes eo quod invocatum sit nomen meum super eos. Certè non reedificabit Deus Tabernaculum, seu templum literaliter acceptum, cum ut vidimus ex Prophetis in æternum non ædificanda sint Sanctuarium, & civitas: igitur spirituale habitaculum tempore Messiae in cordibus fidelium, qui nomine Israël sæpè significantur, sibi Deus ædificabit, dicitur Israël possessurus Idumæam, & nationes, eo quod ex Israele primum lex Messiae exhibit, ad quam Judumæi, & omnes gentes congregabuntur, ut vidimus. Nam materialis Israël nunquam in statum suum ut pariter*

pariter vidimus instaurabitur, & idcirco fertilitas illa omnis quæ Israeli promittitur spiritualis & bonorum salutarium est, conformiter ad famem quam idem Amos futuram dicit cap: 8. *Ecce dies veniunt dicit Dominus, & mittam famem in terram, non famem panis, neque sitim aquæ, sed audiendi verbum Dei.* Igitur Judæi ex similibus Prophetarum locutionibus minimè sibi blandiantur antiquam terram Israel se denuò possessuros, nam præterquam quod Prophetæ de terra spirituali, & spirituali Israele, & fertilitate spiritali loquantur, ex ipso Amoso constat Israellem literaliter sumptum nunquam terram suam, & pristinum statum adepturum esse, cap: 5. *Domus Israël cecidit, & non adjiciet, ut resurgat Virgo Israël projecta est in terram, & non est qui suscitet eam.*

A B D I A S.

XXX. **I**N eodem pariter sensu loquitur de mystica possessione dum ait: *Et in monte Sion erit salvatio, & erit Sanctus & possidebit domus Jacob eos, qui se possederant nempe: In monte Sion ipse Salvator erit, & salutifera ejus lex de Sion, & Jerusalem exhibet, ad quam confluent omnes gentes, & sic per legem Messiae, quæ primum ex Israel exhibet dicitur Israël pasturus eos, nempe: populos & gentes, quæ se possederant; Isaias enim ait: erit preparatus mons Domus Domini, & fluent ad eum omnes gentes, quia de Sion exhibet Lex.*

M I C H A E A S.

Patriam Messie determinat, & ejus generationem ab eterno.

XXXI. **C**apite 5. Et tu Bethleem Ephrata parvulus es in millibus Juda, ex te enim mihi egredietur, qui sit Dominator in Israel, & egressus ejus ab initio à diebus eternitatis. Hunc locum Michææ ad Messiam pertinere docent Paraphrastes Chaldaeus, Jonathan, Thalmud in lib: Sanhedrin ult: cap: & in lib: de Paschate cap: 10. & in Midrasch Thehillim, & R. Selomoh, & R. David Kimchi; & sanè quis sit ille Dominator nisi quem terræ, & mari dominaturum tot oracula prædixerunt? & cujus egressus esse potest ab initio à diebus æternitatis, nisi qui ante Luciferum genitus, ante solem & Lunam fuisse, imò Deus, & primogenitus Dei dicitur, quem Messiam esse vidimus. Igitur ex Michæa evidentissimum est Messiam illum in Bethleem Juda nasciturum esse.

H A B A C U C.

Messiam infallibiliter venturum promittit, eumquè Salvatorem hominum fore.

XXXII. **C**apite 2do sic ait: Adhuc visus procul, & apparebit in finem, & non mentietur si moram fecerit expecta illum, quia veniens veniet,

niet, & non tardabit, hic Messiam promitti docetur in Sanhedrin cap: ult: & à R. Selomoh. In oratione sua Habacuc ait: Messiam in salutem hominum egressum esse, quia Prophetæ in visionibus suis res futuras quasi factas, aut præsentibus recitare solent. *Egressus, inquit, es in salutem populi tui, in salutem cum Christo tuo, seu Messia tuo.* Messias etenim ut vidimus Salvator, & salus hominum dicitur Isaia 51. *prope est justus meus, egressus est Salvator meus,* & cap: 49. *Ecce dedi te in lucem gentium, ut sis salus mea usque ad extremum terræ.* Duplex itaque modus est, quo Messias salvaturus dicitur homines; primo per hoc, quod homines illuminabit lege & doctrina sua in viam salutis, 2do autem & principalius morte, & sanguine suo Isaia 53: *Vulneratus est propter iniquitates nostras livore ejus sanati sumus, posuit in eo Dominus iniquitates omnium nostrum. Oblatus est quia ipse voluit justificabit ipse justus servus meus multos.* Ecce quomodo Messie sanguine, morte, & passione sanabimur, justificabimur, & salvabimur, quod Daniel confirmaverat dicens: Messiam occisum iri atque idcirco per eum delenda peccata, auferendam iniquitatem, & adducendam justitiam sempiternam. Hoc grande salutis humanæ opus, causa, & ratio erat cur tam crebris vaticiniis Prophetæ Messiam Salvatorem prænunciarint. Illud nostrum Salvatorem Habacuc vocat *Jesum* quod idem est, ac Salvator ego autem in Domino gaudebo, & exultabo in

Deo Jesu meo. Deum simul cum fore indicans,
hoc testimonium Melliae adjudicat R. Jonathan.

NAHUM.

CApite imo: confirmat, quæ Isaias de Messia
prædicante pacem, & auferente idololatriam
cap: 52. dixerat: *Quam pulchri pedes super montes
annunciantis pacem*, & cap: 9. *In die illa idola pe-
nitius conterentur.* Sic etiam Nahum cap: imo.
*De Domo Dei tui interficiam sculptile, & conflatile
ecce super montes pedes evangelizantis, & annuncii-
antis pacem.*

SOPHONIAS.

Succinit aliis Prophetis, qui (ut vidimus) præ-
dixerant omnes populos in unam Melliae le-
gem congregandos esse, cap: 3. *Reddam populis la-
bium electum, ut invocent omnes in nomine Domi-
ni, & serviant ei humero uno ultra flumina Aethi-
opia inde supplices mei filij dispersorum meorum defe-
rent munus mihi.* Sicut Isaiæ 49. *Ecce isti de lon-
ge venient.* Num: 21.

AGGÆUS.

*Ex hoc Propheta, & Malachia, invi-
dissimo argumento deducitur Messiam
stante adhuc Templo 2do Hierosolymi-
tano venisse, adeoque protervos Judeos
frustra*

*frustra expectare venturum Messiam,
qui eos reducat ad rura propria, ad ter-
ram antiquam Israel, & idcirco benè,
& rectè diximus loca Sacre Scripturæ,
quæ videntur Judæis promittere tempo-
re Messie reditum in terram Israel,
esse accipienda de mystica terra Israel
nempe de Ecclesia, & mysticum intel-
legendum quandoquæ Israelem.*

XXXIII. **A**ggæus Propheta capite 2do: Messi-
am, quem antecessores Prophetæ à
longè quasi venturum prædicebant, ipse jam
propinquum suis temporibus annunciat. Vixit
tempore Zorobabelis, a quo extructum fuit Tem-
plum 2dum; quia vero Templum hoc 2dum non
erat illius magnificentiæ, cujus fuerat Templum
primum à Salomone ædificatum, à Nabucho-
donozore autem dirutum, populus aliquali me-
moriam adhuc retinens magnificentiam Templi
Salomonici, ad conspectum Templi secundi, non
jam ita magnifici ingemiscebat, & plorabat: po-
pulum hunc Deus volens consolari per Prophe-
tam Aggæum; proximè venturum Messiam de-
nunciavit, & ex ejus præsentia Templum illud
secundum majorem affecuturum gloriam, ac
habuerat primum Salmonicum. Sic enim ait:
Hæc dicit Dominus exercituum, *adhuc unum mo-
dicum*

dicum est, *Et ego commovebo calum, Et terram, Et mare, Et aridam, Et movebo omnes gentes, Et veniet desideratus cunctis gentibus, Et implebo Domum istam gloria, magna erit gloria domus istius novissimæ, plusquam primæ.* Populi lachrymæ testimonium sunt secundum templum ex se, & in se non habuisse gloriam tantam, imo potius minorem longè quàm habuerit Salomonicum. Deindè Josephus lib: 1. de bello Judaico cap: 16. scribit quidem, Herodem reparasse, & restaurasse Templum secundum, sed Regiam Herodis auctam duobus ædificiis magnificentiorem fuisse Templo secundo, nullatenus vero memora Templum secundum Salomonico augustius fuisse. Igitur Templum secundum mansit inferioris magnificentiæ, ac fuerat Primum, quod Salomon Regum Sapientissimus, & ditissimus omni possibili cura augustissimum reddere conabatur. Nec etiam secundum Templum majorem gloriam ex præsentia aut Alexandri, aut Herodis, aut alicujus alterius habere poterat, quam primum habuerat ex præsentia Solomonis. Igitur cum Propheta Aggæus dicat Templum secundum majorem habiturum gloriam, ac habuit Salomonicum, ex unica & sola præsentia venturi *Messia* illam gloriam habere potuit, quod & apertè denotant verba illa continuatè posita: *veniet desideratus cunctis gentibus Et implebo domum istam gloria.* Ergo ista major gloria domus istius novissimæ, plusquam primæ petenda est ex præsentia *desiderati cunctis gentibus*, ecquis est *deside-*

desideratus cunctis gentibus? nisi qui in vaticinio Jacobi expectatio gentium, & cui seruiunt omnes gentes & ad quem fluent omnes gentes, & in quo benedicentur omnes gentes, quæ de Messia tot in locis dicta esse vidimus. Si ergo Messias secundo illi Templo à Zorobabele ædificato, & ab Herode restaurato gloriam sua præsentia afferre debebat; ergo illo templo adhuc stante venire debebat.

Hoc confirmat clarius Prophe'ta Malachias, qui eundem populum super pauca magnificentia Templi secundi lachrymantem consolari volens vaticinatus est *Messiam* prope esse, ut in templum istud veniat, & illud glorificet sic cap: 3. *Ecce ego mitto Angelum meum, & præparabit viam ante faciem meam, & statim veniet ad templum suum Dominator, quem vos queritis, & Angelus testamenti quem vos vultis.* Malachias ait: *Messi* statim, seu non diu expectando ad Templum suum venturum; non possunt autem hæc sumi de templo spiritali, quia Prophe'ta voluit Judæos consolari circa templum secundum quod aspiciendo fiebant, sicut ante relata verba præmittitur. Cap: 2. versu 13. *Operiebatis lachrymis altare Domini fletu, & mugitu, ergo ad Templum suo adhuc tempore existens: illud autem erat à Zorobabele ædificatum Templum, nempe secundum. Dominator autem ad id templum venturus, quem Judæi volebant, & expectabant, utique non est alius, nisi ille Dominator agnus apud Isaiam, & Dominator in Israhel apud*

apud Michæam, & *dominaturus usque ad fines terre*, ab omnibus Prophetis Prædictus, & à Judæis, ac gentibus expectatus: quem *Messiam* esse evidenter vidimus. Quocirca evidentiâ convicti Maimonides in Elechod Melachim, & R. David Kimchi, & Saadiah Gaon in lib: fidei hoc loci *Messiam* prædictum esse nobiscum fatentur, & agnoscunt.

Sed templum illud ad quod venire debebat Dominator *Messias*, & cui gloriam suâ præsentia afferre debebat desideratus cunctis gentibus *Messias*, illud inquam Templum secundum à Zorobabele ædificatum, à Tito Vespasiano, & Romano exercitu ante 1700. annos ita dirutum, & destructum est, ut lapis super lapidem non remanserit, igitur jam advenit *Messias* ante 1700. annos, & fuit in templo illo eiquæ sua præsentia gloriam attulit, si Prophetæ Spiritu Sancto afflati vaticinantes mentiri nequeunt. Hic Judæis protervis omnino aqua hæret, nec tergiversandi via ulla suppetit. Sed placet hoc idem invictè Judæis adhuc remonstrare hoc argumento. Juxta Malachiam omnino ad Templum venturus est *Messias*, hoc nemo negare potest.

Sed si *Messias* non venisset ad Templum tempore Malachiæ existens, ad nullum unquam Templum venire potuit, aut poterit; quod sic probo: Templum nullum in æternum ædificabitur post destructum Templum tempore Malachiæ existens, nam Isaïas cap: 25. ait: *posuisti Civitatem* & consequenter Templum in ea existens

stens in cumulum ut non sit civitas, & in sempiternum non edificetur, & Daniel cap: 9. & Civitatem, & Sanctuarium dissipabit populus cum Duce venturo, & finis ejus vastitas, & post finem belli statuta desolatio & usque ad finem, & consummationem perseverabit desolatio. Ergo si Messias non venisset ad templum tempore Malachiæ existens, ad nullum unquam templum veniret, quod cum contra Malachiæ expressam Prophetiam dici non possit; necesse est Messiam venisse ad templum tempore Malachiæ adhuc existens, cum debuerit ad templum venire.

Hic vere convictus est protervus Judaismus.

Igitur venit jam Melias, & quidem ante 1700. annos, nempe: stante adhuc Templo secundo ædificato à Zorobabele, & destructo à Tito Vespasiano. Quæ igitur cæcitas summa Judæorum, ut contra suorum Propheiarum Vaticinia sibi venturum adhuc fingant Messiam, qui eos ad propria rura reducat. Cum jam advenerit, ut vidimus evidenter, necesse omnino est, ea Scripturæ Sacræ loca, quæ innuere videntur tempore Messie reducendum esse Israël ad propria rura, & antiquam terram Israël, necesse, inquam est illa Scripturæ loca de terra mystica, nempe: de Ecclesia Messie accipienda esse, ad quam adducendi sunt Judæi, simul cum gentibus.

ZACHARIAS.

Unum, & eundem Messiam Regem, &
pauper-

*pauperem, affligendum, vendendum,
atque vulnerandum fore prædicit.*

XXXIV. **C**apite 9. hæc ait: *Subila Filia Jeru-
salem, ecce Rex tuus veniet tibi justus,
& Salvator ipse pauper, & ascendens super asinam,
& super pullum filium Alinæ & loquetur pacem gen-
tibus, & potestas ejus à mari usque ad mare, &
à fluminibus usque ad fines terræ. Nonne is idem
Rex Messias quem pariter ab aliis Prophetis præ-
dictum vidimus à mari usque ad mare, & usque
ad fines terræ dominaturum? & tamen is idem
simul, & Rex magnus terræ, & mari dominatu-
rus, & pauper & more pauperum super asinam
vestus incedere dicitur. Igitur paucis verbis
dicendo: Judæis distinctionem præcludit Zacha-
rias, quia alium Divitem magnificum de Domo
David oriundum Messiam, alium verò pauperem,
& affligendum de Domo Josèph fabulantur. Si-
cut eandem distinctionem eis præcluserat Isaia-
num: 19. ubi eundem Messiam quem exaltatum,
& sublimem valde nominavit, continuatim inglo-
rium, despectum, novissimum virorum appellat. Hinc
est quod evidentiâ convicti Judæi in Beresith
Rabba doceant de eodem Messia qui Magnifi-
cus Filius Davidis creditur dictum esse aqud Za-
chariam, eum futurum pauperem. Unde &
Saadias Gaon eundem Messiam apud Zachariam
indicari asserit, cui Daniel capite 7mo potentiam,
opes, & regnum æternum sponder. Etiam in
libro Thalmudico Sanhedrin illa verba psalmi 71.*

Et

Et benedicentur in ipso omnes tribus terra, omnes gentes servient ei, ad eundem Messiam referri dicuntur, de quo dixit Isaïas: verè langvores nostros ipse tulit, attritus est propter scelera nostra. Imò in eodem libro Sanhedrin docetur: Messiam illum Davidicum potentem à Deo pœnis affectum iri, ergo ipsis facientibus Judæis sincerioribus contra versipelles alios, & protervos idem ipse est Messias ille Magnus, & pauper affligendus, & etiam occidendus. Sed ad quid Judæorum consensum petimus, dum duos præclarissimi nos Prophetas Isaïam, & Zachariam rem sat superquæ clarè definientes habemus.

Zacharias cap: 13. Messiam non solum pauperem, sed cum Isaïa ita despectum fore dicit apud Judæos, ut illum triginta argenteis vendituri sint. Et appenderunt mercedem meam triginta argenteos, & dixit Dominus: projice illud ad statuarium decorum pretium, quo appretiatum sum ab eis, & tuli triginta argenteos, & projeci eos in Domum Domini ad statuarium. Josephum Patriarcham fratres vendiderunt viginti argenteis, hic autem Dominus se ipsum appretiatum ait: triginta argenteis, quis potest melius personam Domini præferre, quam Messias: de quo etiam David ait: super vestem meam miserunt sortem. Verùm capite 12. non solum venditum, sed & confixum iri Messiam prædicit Zacharias. Et aspicient ad me, quem confixerunt. Sicut psalmo 21. Foderunt manus meas, & pedes meos, ipsi verò consideraverunt, & inspexerunt me. Quocirca cap: 3. etiam
Zacha-

Zacharias eadem psalmi confirmat. *Et dicitur ei, quid sunt plage istae in medio manuum tuarum, & dicit: his plagatus sum in domo eorum, qui diligebant me.* Quam pulchra Prophetarum in Messiam concordantia. Eum non solum pauperem, despectum, sed etiam gravissimè vulnerandum, & configendum, adeoque & occidendum esse. Quocirca & ipsi Judaei ea verba Zachariae, Messiae adjudicant nempe: R. Moses Hadarsan in Beresith Rabba, & R. Aben Ezra. Et quidem iusta ratione, cum ea Zachariae, & Davidis optimè cohæreant cum iis, quæ vidimus de Messia ab Isaia dici num: 19.

M A L A C H I A S.

Ultimus Prophetarum.

Predicit Sacrificia veteris legis abolenda esse novumquè Deo per Messiam Sacrificium instituendum.

XXXV. **Q**Uoniam ex Malachia jam adduximus testimonium ad probandum: Messiam jam venisse stante adhuc templo à Zorobabele ædificato, num: 33. ideo hic nonnisi celebre ejusdem Malachiae Vaticinium allaturi sumus, quo significantur Sacrificia veteris legis abroganda esse. Cap: 1. ita Deum alloquentem Judæos inducit: *Non est mihi voluntas in vobis dicit Dominus exercituum, & munus non suscipiam de manu vestra, ab ortu enim solis usquè ad occasum magnum*

magnum est nomen meum in gentibus , in omni loco sacrificatur, & offertur nomini meo oblatio munda, quia magnum est nomen meum in gentibus. Ecce quomodo amplius non est Deo voluntas in populo Judaico & in cultu eorum, ecce quomodo amplius eorum munera , seu sacrificia non suscipiet, sed repudiabit; ideo autem antiquæ legis sacrificia repudiabit , quia novum sacrificium, novam oblationem mundam instituet. Sacrificia Veteris legis nullo modo licuit alibi peragere, & offerre, quàm in uno Templo Hierosolymitano, igitur Deus aliud novum sibi sacrificium, aliud à sacrificio veteris legis instituet, quia tale sacrificium, & talem mundam oblationem, sibi elegit quæ in omni loco ei offeretur, & non tantum Jerosolymis; Sacrificium igitur Hierosolymitanum antiquæ legis cassabit, & consequenter ipsum Aaronicum Sacerdotium; quia vacuum prorsus & inutile est Sacerdotium sine sacrificio, hinc est quod Deus Messie dixerit Psalmo 109. Tu es Sacerdos in æternum non secundum ordinem Aaron, sed secundum ordinem Melchisedech, sublato etenim Sacrificio antiquæ legis, Messias quoquæ antiquum Aaronicum tollet Sacerdotium; novumq; & æternum instituet secundum ordinem Melchisedech. Isaias verò cap: 1. idem sic confirmat Ne offeratis ultra Sacrificium frustra, incensum abominatio est mihi, Neomeniam, & Sabbatum, & festivitates alias non feram. Si igitur Deus & Sacrificia cum Sacerdotio, & festivitates, aliasquæ Ceremonias veteris legis

legis tollet, igitur & legem ipsam veterem cassabit, quæ maxima sui parte in sacrificiis, festivitatis, & ceremoniis consistebat.

Hinc est, quod Isaias, Jeremias, & Ezechiel à Messia novam legem, abrogatâ veteri condendam esse crebris oraculis testati sint, (ut vidimus) Ezechielis cap: 37. *Et percutiam cum illis fœdus pacis pactum sempiternum erit.* Isaiæ 2. *de Sion exibit Lex.* Non sicut antiqua de Sinai.

Clarius autem Jeremiæ 31. *Feriam domui Israël, Et domui Jacob fœdus novum, non secundum pactum quod pepigi cum Patribus eorum in die, qua apprehendi manum eorum, ut educerem eos de terra Ægypti.*

Ecce abrogandum esse antiquum fœdus, seu legem Mosaicam, quam Israëlitis Deus dedit, cum eos educeret de terra Ægypti, & novum aliud per Messiam instituendum fœdus, seu legem novam; sed jam cæcus, & obstinatissimus sit, qui ista non videat, & fateatur.

Vanæ prorsus & nugaces sunt protervorum tergiversationes circa eludenda adducta testimonia; quocirca, ut indignis superledeco.

Tantum ad id quod afferunt ex Exodi 30. ad ostendendam æternitatem legis Mosaicæ nempe: *Erit vobis hoc legitimum sempiternum.* Respondeo voces illas hhhad, hhholim, lehholim, id est perpetuum, non semper æternitatem, in scriptura significare, sed diuturnitatem aliquando, sicut Gen: cap: 13. promisit Deus Abraham: *Omniem terram quam conspicias, dabo tibi, Et semini*

quo usque in sempiternum, cum tamen hic vox sempiternum non significet æternitatem, sed diurnitatem, quoniam longissimo jam tempore Israëlita eam terram non possideant. Sic etiam de lege Mosaica dictum esse constat, utpote quam vidimus per tot Prophetas prædictam esse abrogandam fore.

Sed Judæi ex suis ipsismet Magistris convincuntur Legem Mosaicam non fore sempiternam sed bis tantum mille annis duraturam esse. In Thalmude Tractatu Aboda Zara, seu de idololatris: sic legitur: *Sectatores Elie ita tradiderunt: mundus subsistit ad sex annorum millia, duobus millibus fuit inanitas, seu sine lege, duobus millibus lex, duobus millibus dies Messia.* Idem legitur in Gemara ad tractatum Sanhedrin, igitur non sempiterna futura est Lex Mosaica, quia duo ejus millia annorum jam diu effluxerunt. Et in Midrasch Coeleth legitur: *Legem quam homo discit in hoc saeculo vanitatem esse præ lege Messia.* Ergo Lex Messia futura est post Mosaicam. Ergo Mosaica non est sempiterna. Etiam R. Simeon in Jalcut fatetur Deum per Messiam novam conditurum Legem.

Jam igitur cum Malachia ultimo Prophetarum Primam operis partem concludamus, unde fit.



❧❧❧ (75) ❧❧❧
EPILOGUS.
PRIMÆ PARTIS
OPERIS.

PROMISSIS steterimus, Dei adjuvante gratiâ, libros omnes Canonicos Judaicæ gentis, seu Veteris Testamenti à Capite ad calcem lustravimus, Variciniâ de venturo Messia ad amussim universiâ perscrutati sumus, singula eorum aliis similibus contulimus, roboravimus, & explanavimus; justam hanc Scripturæ sensum percipiendi normam ubiquè servavimus, insuper hebraicorum monumentorum, doctorumquè Rabinorum super quolibet varicinio judicium concors, & haustam ab antiquis traditionem attulimus, ita ut æquus rerum censor nihil desiderare possit eorum, quæ ad rectè investigandam ex Sacris Veteris Pæcti libris veram venturi Messiae notitiam, & effigiem conferre possunt.

Cum autem non abundè debeat vera notitia, & imago venturi Messiae imò nec possit derivari, quam ex Sacris Veteris Testamenti libris justâ Methodo, & universim perpensis, secumquè invicem collatis; Nosquè hanc Methodum ad amussim servaverimus (ut per totam hanc primam operis partem liquido constat) hinc merito sperare, ac confidenter asserere valemus, excerptam à nobis ex totius antiqui fœderis libris venturi Messiae Imaginem, quibuscunquè aliis veriore, ac sinceriore, commodioremque fore, quàm proinde commodo legentium in brevi compendio proponimus.

VERA

VERA IMAGO VENTURI MESSIÆ

In hac prima Parte Operis

Ex Vaticiniis Veteris Testamenti

DELINEATA.

M*essias* ex Semine Abrahamæ, Isaaci, & Jacobi oriundus num: 2. de domo, & Familia Davidis num: 11. 14. 16. 20. 24. dicitur. De pura, & intacta virgine nascetur 15. In Bethleem Juda locus est Nativitatis ejus num: 31. Magnus Rex toti orbi dominatur dicitur num: 5. 6. quia Deus verus, Dei nempe Filius futurus est. Num: 5. 6. 10. 11. 12. 16. 17. & idcirco de cælis à Patre descensurus, & humanam naturam assumpturus dicitur: num: 4. 6. 15. 17. & 23. Regnum ejus Spirituale & Mysticum erit nempe: Ecclesia ex omnibus populis universæ terræ in ejus Legem congregatis composita. Annot: 2. num: 21. 22. 24. 25. Legem antiquam abrogabit, & novam instituet, ad quam omnes populos adducet. Num: 13. 18. 20. 22. 24: 35. Sacrificia etiam antiqua, & Aaronicum Sacerdotium cællabit, novum instituendo num: 12. & 35.

Messias

Messias Spirituale Regnum habiturus nempe Ecclesiam toto orbe diffusam, spiritualis Rex futurus est pacificus, & suo adventu pacem adducens num: 14. 16. & 19. bellator spiritualibus armis idola, & idololatriam prosternens & de terra auferens num: 22, & titulo *Nabum*.

Regnum *Messie* non terreni apparatus erit, quia *Messias* futurus est pauper in forma humana, & despectus, more pauperum super asinam incedens, vendetur 30. argenteis, vulnerabitur, & confodetur, & occidetur num: 8. 19. 34.

Sua morte, & Sangvine Salvator omnium peccata delens & justitiam sempiternam adducens num: 19. 32. 34. Et lege sua omnes gentes in viam salutis ducens 18. 30. atque idcirco benedictio, & expectatio gentium dictus. Num: 2.

In adventu ejus sceptrum à Judæis aufertur num: 2. Miracula magna patrabit num: 17.

Post mortem ejus Jerusalem, & Sanctuarium diruetur, & perpetua desolatio ejusdem, & status Judaici futura est, num: 26. 27. 33. & 21.

Sepulchrum ejus gloriosum erit 14. ipse resurget à mortuis num: 7.

Messias sic delineatus jam advenit stante Templo à Zorobabele ædificato num: 33.

Hæc omnia in *Messiam* vi Vaticiniorum totius Veteris Testamenti convenire debere, & talem omnino *Messiam* futurum esse evidentissimè ostendimus, quæ proinde, si in uno aliquo ad amissim completa esse demonstraverimus; Eum utique unice verum omnium Prophetarum vaticiniis

ciniis prædictum *Messiam* esse nemo nisi effrons negare poterit. Si totam retro antiquitatem consulamus, neminem profecto reperimus in quo producta omnia *de Messia* vaticinia impleta esse videamus, nisi in *Jesus Christo Nazareno*, si igitur omnia & singula prædicta *de Messia* oracula ostenderimus in uno *Jesus Christo Nazareno* ad amissim impleta esse; eum *Jesus Christum Nazarenum* tenebuntur Judæi nobiscum tanquam verum *Messiam* venerari, tanquam Deum verum, Dei Filium incarnatum, & totius generis Salvatorem adorare, ejusquæ legem amplecti, & doctrinam salutarem. Deus æterna veritas lumen gratiæ suæ impertiri dignetur, ut hanc veritatem animis omnium manifestam reddamus, ac in 2da operis nostri parte dilucide proponamus.

FINIS

Prima Partis Operis.



F

SECUN-



SECUNDA PARS OPERIS.

In qua dilucide, & invictè, demonstratur: omnia in Veteri Testamento contenta de Messia vaticinia, in uno Jesu Christo Nazareno impleta esse; ideoq; Jesum Christum Nazarenum verum esse à Deo promissum, & à Prophetis prædictum Messiam.

PRÆLOCUTIO.



Um hac in parte operis ostensuri sumus, in Jesu Christo impleta esse omnia Veteris Testamenti vaticinia, omnino necesse est, ut Jesu Christi ortum, vitam, & gesta in medium afferamus; cumq; illis prædicta vaticinia conferamus. Ne vero Judæi adducenda à nobis Jesu Christi gesta, vitam, & ortum, conficta esse causentur, ipsis firma ratione demonstrandum est, concin-
natam ab Evangelistis de Jesu Christi ortu, vi-
ta,

ta, & gestis, historiam omnibus hisq; evidentissimis veritatis notis prædictam esse, ut nisi vecors, & insulsus eam falsitatis arguere possit. Hoc in sequenti Cápite plurimis argumentis ostendendum suscipimus. Quocirca sic.

CAPUT PRIMUM.

In quo ostenditur Evangelistas in Evangelica Historia vite, & gestorum JESU Christi nihil omnino falsi scripsisse, imò nec scribere potuisse.

JESUM, qui vocabatur, & vocatur Christus, temporibus Augusti Imperatoris natum, temporibus Tiberij seu Pontii Pilato Procuratore, & Herode Rege passum, vere exisse, non in, & noverunt optimè hucusq; Judæi ex tam amp'la Christianorū Religione, quæ non aliunde nomen auspicabatur, & auspiciatur quam ab illo JESU Christo Nazareno. Præterquam quod Eum exstitisse, & passum fuisse temporibus Tiberij & Josephus Judæus Scriptor lib: 18. antiquitatum Cap: 4. testetur, & Evangelistis in hoc narrando succinant, & consentiant scriptores Gentiles Sætonius in vita Claudij, & Cornelius Tacitus qui lib: 15. hist: ait: Actor nominis ejus (nempe Christianæ Religionis) Christus, qui Tiberio imperante per Procuratorem Pontium Pilatum supplicio affectus est.

Evangelistæ narrant Jesum Christum natum esse

esse in Bethleem. Id verum esse fatetur *Celsus Gentilis scriptor* infensus Christianorum hostis. Idem constat ex *Tabulis censitationis Romanorum*, ad quas Fidei nostræ hostes provocant *Justinus apologia una num: 4.* & *Tertullianus in lioris contra Marionem*, quod etiam confirmatur ex censu illo quem nascente Jesu Christo indixit Imperator Augustus. Scribunt Evangelistæ stellam in Ortu Jesu Christi micantem apparuisse, quâ Duce Magi ex oriente ad Eum adorandum in Judæam venerunt, Herodem regnantem in Judæa, ut Jesu Christo recens nato necem inferret, maximam infantium stragem edidisse, id ipsum Scriptores Gentiles fatentur confirmando Evangelistarum historiam. *Julianus* siquidem *Apostata* gentilismo addictissimus & Judæismo, fatetur, nato Jesu Christo sidus novum fulgens Magos ex oriente in Judæam adduxisse. *Chalcidius Platonius* & *Gentilis Scriptor* in *Comment: ad Timæum* ait: *est quoque sanctior, ac venerabilior historia, quæ perhibet ortu stelle cujusdam denunciatum descensum Dei venerabilis, ad humana conversationis gratiam, quam stellam cum nocturno itinere inspexissent Chaldeorum sapientes, quesivisse dicuntur ortum Dei.* Crudelem vero infantium cædem tempore Nativitatis Jesu Christi ab Herode factam his verbis *Macrobius Gentilis Scriptor* cap: 4. lib: 2. *Saturnalium* describit: *Cum audisset Augustus Imperator, inter pueros quos in Syria Herodes Rex Judæorum intra biennium occidi jussit, filium quoque ejus occisum, ait: Melius est Herodis por-*
cum

cum esse, quam Filium. Evangelistæ produnt
mira ula, quæ Jesus Christus potenti virtute
patravit. Id ipsum testantur gentiles: Julianus
Apostata apud Cyrillum lib. 6. Ipernit quidem,
sed facta non negat à Christo miracula dicens:
*nisi quis existimet inter maxima esse opera claudos
& cecos integritate restituere, & demonio correptos
adjuvare in cæcis bethsaida, aut Bethana, Celsus
itidem scriptor gentilis teste origine lib. 2. con-
tra eundem ait: Credidistis eum (nempe Jesum Chri-
stum) esse Filium Dei, quod claudos, & cecos sã-
navit.* Porphirius libro contra Religionem Chri-
stianam apud Eusebium lib. 5. de præpar. Evang:
Cap: 1. confitetur: *ex quo Jesus coli captus est, ne-
minem sensitse publicam Deorum opem.* Et ipse Ma-
homeres niacula à Christo Jesu edina confite-
tur in Alcorano, ubi etiam ait: Jesum Christum
esse verum Messiam Prophetarum vaticiniis præ-
dictum, eumq; nuncupat: *Verbum Dei, Spiritum
Dei, natum ex Maria Virgine absque Viri semine
Prophetam eximium.* Phlegon scriptor ethni-
cus relatum ab Evangelistis in morte Jesu Chri-
sti defectionem s. l. & terræ concussione con-
firmat lib. 13. Olympicorum Chronicorum sic:
quarto anno Olympiads 202. maxima, & excellens
inter omnes, qua antea acciderant defeccio Solis sa-
cta: dies hora sexta ita in tenebrosam noctem versis, ut
Stellæ in calo visæ sint, terræq; motus in Bithinia
Urbe multas aedes subverterit. Ecce quemodo
Ethnici, & Gentiles scriptores, imò & insen-
sissimi Christianorum hostes ipsa veritate convi-
cti

Eti maximam partem historiae Evangelicae nempe: de ortu, de passione, de miraculis. & miris gestis Jesu Christi suo calculo, ut veram, & ab omni fallitatis suspitione alienam esse confirmant. Quod utique minime fecissent, utpote Christi, & Christianae Religionis hostes acerrimi, nisi omnino vera haec omnia fore, & evidentia comperissent. Illis omnibus & aliis, qui facile adduci possent, unum addo omni exceptione majorem celeberrimum historicum hebraeum, Josephum nempe, qui praeclarum de veritate historiae Evangelicae, & gestorum Jesu Christi testimonium perhibet lib: 18. antiquitatum cap: 4. *Es tempore fuit Jesus vir Sapiens, si tamen verum eum appellare sit est, fuit enim mirabilium operum Effector, Magister hominum, qui verum cum voluit de accipiunt, multosq; Judeos, multos item Gentiles ad se pertraxit, hic erat Cyprius, quem cum Pilatus ab hominum nostrorum primis aelatum Concis suspensio adduxisset, eum tamen amare non deerunt, qui primum amaverant; apparuit enim eis tertia die redierunt, Dicunt ceteris qd haec, & mille alia de eo miranda effudit, usq; ab eo denominata Christianorum natio durat usq; ad hunc diem.* Ecce quomodo Josephus Judaeus manens in Iudaismo, & perseverans usque ad mortem, volens, (ut historicum decet) ipsam veritatem fateri, eadem omnino de vita, & gestis, & Passione Jesu Christi narrat, quae Evangelistarum historia de Jesu Christo luci tradidit: ecce concordiam Judaicorum, & Gentilium,

scri-

scriptorum cum Evangelistarum historia; quis igitur nisi vecors & insullus Evangelistarum de Jesu Christo historiam falsitatis arguere poterit?

Genuinum hoc esse Josephi Testimonium, & minimè à Christianis assutum evidenter constat. 1^{mo}. Quia omnes Josephi codices, sive calamo exarati, sive typis impressi, quamvis vetustissimi illud testimonium habent. 2^{do}. Cum Josephus memoriæ prodiderit, quæ apud Judæos digna memoriâ contigerunt, imo de Jacobo, & Joanne Baptista locutus fuerit, ut verax historicus de Jesu Christo, qui aliis celebrior erat, vera referre debeat. 3^{to}. Per hoc testimonium in operibus Josephi non est perturba a series orationis, imo apposito loco mentionem Jesu Christi facit, ubi ait de Pilato. 4^{to}. Idem Josephus lib: 20. cap: 8. Jacobum Apostolum elogio commendavit, & ut ejus nomen clari s redderet, scripsit eum esse Fratrem Jesu, qui Messias dictus est. 5^{to}. Consentiunt etiam dictionis color, & locutiones familiares Josepho. Abeant ergo, & facessant adversarij hoc testimonium eludere volentes nulla ratione nixi. Quamvis enim Josephus hebræus existens, præclara de Jesu scripserit, id tanquam historicus verax secundum vulgaram tunc opinionem scribere debebat. Et quid mirum Josephum talia, prout tunc fama ferebat de Jesu scripsisse, cum Titum Vespasianum tamen capitali hostem Judæorum scripsit, vel finxit se credere esse Messiam. Cum igitur ut vidimus, & de Jacobo Apostolo præ-
clara

clara scripsit, cur etiam non de Jesu Christo qui celebrior habebatur? & hoc de Jesu testimonium in omnibus Josephi operibus reperiatur? igitur cum inimici nostri gentiles, & Judæi concordent cum præcipuis capitibus historiæ Evangelicæ de vita, gestis mirandis, & Passione Jesu Christi, historiam Evangelicam ab omni falsitatis nævo immunem esse omnino constare debet.

Evangelistæ vixerunt cum Jesu Christo, & quæ ipsis videntibus Jesus Christus gessit, literis consignarunt, & ad nos per successionem tam Episcoporum in suis Cathedris continuatam, quam ab omnibus sibi succedentium Christianorum transmissæ sunt. Sicut opera Josephi hebræi, Platonis, Ciceronis, Varrois aliorumque continuatâ notitiâ ad posteros, & etiam ad nostra tempora pervenerunt; à qua antiqua sibi succedentium temporum, & hominum traditione sicut opera Josephi, Ciceronis, aliorumque novimus, eorum, & ab ipsis edita esse; ita eadem non interpolata succedentium Episcoporum, & Christianorum usque ad hæc tempora traditione, opera, & historiam Evangelistarum novimus, non aliorum quam ipsorum esse, etsi hanc fidem per noticiam successivam sibi meruerunt opera Josephi, Ciceronis, & aliorum, ut indubitatè credantur ipsorum esse, cùm eam fidem non mereantur etiam opera, & historia Evangelistarum per similem successivam noticiam: ut pariter indubitatè credantur ipsorum esse. Qui Evangelistæ cum vixerint,

vixerint, familiaresq; fuerint cum Jesu Christo, melius utique, & veracius omnibus vitam, & gesta Jesu Christi referre potuerunt; Quod autem veraciter retulerint, jam vidimus; quoniam cum ipsorum historia apprimè concordant Eulnici, & Judæi scriptores, quamvis Christiani nominis hostes accerrimi. Sed fidem, candorem, & sinceritatem Evangelistarum in scribendo vitam, & gesta Jesu Christi sequentia non parum roborant argumenta.

1mo. Quis concipiat Evangelistas impostores fuisse? cum eorum modus narrandi sit absque exaggeratione, elegantia, splendore orationis, artificio figurarum, quibus, qui imponere volunt, sua narrata commendare solent, imo Evangelistæ, ita candide, ita simpliciter ea describunt, quæ sibi in gloriam, sicut ea, quæ sibi in ignominiam cedere possunt; ut crucifixio magistri, & despecta tractatio ejus, suorum etiam defectuum Petri, & aliorum confessio ingenua, quod impostores facere minimè solent *2do.* Quò sine imposturâ uti debuissent? nisi ut magistri sui doctrinam sanctissimam omnibus insinuarent? Quod commodi sibi ex narratione gestorum Christi, & commendatione doctrinæ ejus polliceri poterant, nisi carceres, nisi exilia, nisi mortem ipsam? quomodo ergo possibile est, ut imposturam adhibere voluerint ad ea commendanda, pro quibus sciebant se affigendos, & occidendos fore. *3^{io.}* Quæ de Jesu Christi morte, resurrectione, miraculis, & aliis præclare gestis narra-

narrabant & scribebant; non in aliquo angulo, aut coram paucis testibus facta, sed coram tota **Jerosolyma**, coram **Judeis** omnibus, & gentilibus à Christo recenter patrata esse, indicatis personis, temporibus, & locis, quorum recens apud omnes memoria vigeat indigebant. Si falsa narrassent, utique istam à Judeis Christi, & operum ejus inimicis, falsitatis convicti, & tanquam publici impostores declarati fuissent. Quod tamen cū nunquam fecerint Judei ad fabricandam contra Apostolos calumniam, alioquin promptissimi, eorum hac in re altum silentium argumento est, eos nec miracula Jesu Christi, nec alia ab eo gesta, quæ in historia Evangelica describuntur, negare potuisse; quia de eorum veritate sibi conscij erant. *Demum* Evangelistæ scribebant diversis in locis, temporibus & lingvis, & tamen summam concordiam, ut omnium quatuor Evangelistarum unum Evangelium videatur: impostores autem, & falsitatis fabricatores, si non in eodem loco scribant, secum semper pugnare solent. Igitur Evangelistarum historia de ortu, vita, & gestis Jesu Christi, omnibus veræ, & candidæ historiæ notis prædita est, atq; idcirco securè ejus narratis fidem adhibere quilibet non tantum potest, verum etiam debet, nisi contra rectam rationem evidenter ire, & pugnare velit.

CAPUT SECUNDUM.

In quo incipimus ostendere vaticinia veteris

teris Testamenti de Messia prolata, in
Jesu Christo impleta esse, & imo qui-
dem, quod Messias ex Semine Abrahamæ,
& Davidis ortum ducere debebat, ex
quo semine ortus ostenditur JESUS
CHRISTUS, adeoque jam aliqua va-
ticia implens.

Vidimus in ima parte num: 2. Cap: 22. Gen:
Abrahamæ promissum fuisse ex ejus semine o-
riundum fore Messiam. his verbis, *benedicentur
in semine tuo omnes gentes.* Isaac Filio Abrahamæ
eamdem pollicitationem, sicut & Jacobo Fi-
lio Isaac factam etiam vidimus. Jacob autem in-
ter alios habuit filium Judam, ex semine Judæ
deducitur linea Davidis, cui iterum facta fuit
promissio, ex ejus semine proditurum fore Mes-
siam Jeremiæ Cap: 23. *Suscitabo David germen
justum, & regnabit rex* (uti vidimus num: 21. in
I. parte.)

Nunc ostendemus Jesum Christum ex semine
Abrahamæ, & Davidis, ex quo Messias oriri debe-
bat ortum esse. Sic Matthæus Cap: 1. suum au-
spicatur Evangelium *Liber generationis Jesu Chri-
sti Filij David, Filij Abraham;* porro si Christus
revera non fuisset ortus ex stirpe Abrahamæ, &
Davidis Regis, Matthæus à Judæis in quorum
oculis Evangelium scripsit, redargutus fuisset:
Judæi namq; integras genealogias tam privatis,
quàm

quàm publicè in Tabulariis Sacris, & in publicis Archivis maxima cura, ac religione àtuebant, eorum præsertim, qui ex tribu Levi, vel ex tribu Juda originem habebant; ex tribu quidem Levine Sacerdotium qui-quam ab ea tribu alienus invaderet, (ut videre est apud Josephum *lib: 1. contra Appionem:*) Ex tribu vero Juda ob *Messiam* ex ea nasciturum. Et quia promissio generalis de promissio Messia ex tribu Juda postea restricta fuit ad domū Davidis, hac de causā Judæi singulari diligentia custodiebant Tabulas genealogicas eorum, qui à Davide Rege suum genus ducebant: (sicut testatur Julius Africanus in *Epist: ad Arisidem*, apud *Euseb: lib: 1. hist: Eccl: cap: 7.*) Si ergo Evangelista Matthæus talis asseruisset Jesum Christum ex Abrahamo per Davidem propagatum fuisse, confestim reclamassent Judæi, ipsumq; mendacij arguissent; certum autem est Judæos nunquam reclamasse, nec ullam super hac re Matthæo litem movisse, quamvis Christum, & Evangelistas calumniandi cupiditate æstuant. Silentium itaque Judæorum in re tanti momenti liquido probat eos pro comperto habuisse Christum Dominum prodiisse ex prosapia Abrahamæ, & Davidis Regis. Habemus etiam ex eodem capite 1. Matthæi. *Joseph Virum Mariae, de qua natus est Jesus, qui vocatur Christus*, sed Maria Mater Christi orta est ex stirpe Davidis Regis: Ergo & *Jesus Christus*. Nam S. Lucas cap: 2. ait: *Josephum ascendisse à Galilæa*
de

de Civitate Nazareth in Judaam, in civitatem David, que vocatur Bethleem, eo quod esset de domo, & familia David, ut profiteretur cum Maria desponsata sibi uxore pregnante. Ex quibus verbis colligunt SS. Patres Ambrosius, Hieronymus, & Augustinus. Mariam ideo cum Josepho venisse in Bethleem Davidis gentilem Civitatem, ut juxta edictum Cæsaris nomen daret, quia ex tribu Juda, & de stirpe Davidis una cum castissimo suo sponso erat oriunda. Et merito: nam si Beata Virgo non fuisset orta de stirpe Davidis, necesse haud fuisset, ut Joseph Mariam jam tantam, imo in procinctu partus existentem tanto itinere fatigaret, eamque secum duceret in civitatem Bethleem, in qua hi solum, qui erant de Domo, & Familia Davidis profiteri debebant, juxta edictum Cæsaris: Igitur Joseph, & Maria Mater Christi, ambo erant ex eadem Domo, & Familia Davidis Regis. Joseph enim dicitur Vir justus, & Maria pariter justa esse debebat, in hoc vel maximè, ut ambo observarent præceptum legis veteris, quæ tunc adhuc vigebat. Præceptum autem legis est Numerorum Cap:36. *Omnes viri ducent uxores de Tribu, & cognatione sua, & cunctæ Feminae de eadem Tribu maritos accipient,* igitur Joseph, & Maria subiecti adhuc huic legi debebant hoc præceptum legis adimplere; adeoque Joseph, & Maria erant de eadem tribu. Vidimus ex Lucæ cap: 2. quod Joseph esset de Domo, & Familia David. ergo & Maria Mater Christi erat de Domo, & Familia David.

Scimus

Scimus Jesum Christum nullatenus esse Josephi
 Filium naturalem, sed tantum adoptivum, &
 Josephum nihil contulisse ad generationem Jesu
 Christi; sed Jesum Christum opera Spiritus San-
 cti in Santissimo utero Beatissimæ Virginis Ma-
 riæ conceptum esse, adeoq; solius Bmæ Virginis
 Mariæ Filium esse, & ex Ipsa sine virili semine
 prodiisse: ita enim docet Evangelista Matthæus
 cap. 1. *Cumq; et de ipsa Maria Jesu Maria Jo-
 seph, ante quam conciderent inventa est in utero ha-
 bens de Spiritu Sancto: Joseph Fili David noli time-
 re accipere Mariam Conjugem tuam; quod enim in
 ea natum est, de Spiritu Sancto est, pariet autem
 Filium, & vocabis nomen ejus Jesum, ipse enim
 salvum faciet populum suum a peccatis eorum. Hoc
 autem factum est, ut adimpleretur, quod dictum est à
 Dño per Prophetā dicentem: Ecce Virgo in utero ha-
 bebít, & pariet Filium, & vocabunt nomen ejus
 Emmanuel.* Igitur intacta Virgo Maria sine viri-
 li semine, & sine scitu Josephi operá Spiritus
 Sancti concepit Jesum Christum verum Messiam,
 nam sat superque omni argumentorum genere
 probavimus in prima parte num: 15. Messiam
 natum iri ex intacta, & pura Virgine juxta idem
 testimonium Isaïæ, quod hic adduxit Matthæus,
*ecce Virgo concipiet, & pariet Filium, & vocabi-
 tur nomen ejus Emmanuel.* Cum igitur nullum
 legamus unquam fuisse, qui ex intacta Virgine
 nasceretur, præter Jesum Christum; ipse utique
 debet esse *Messias Emmanuel* ab Isaïa prædictus.
 Non ausi fuissent Evangelistæ tam confidenter,

&
 pro
 jus
 viss
 rati
 fert
 lato
 Cho
 tace
 rano
 que
 igit
 Jelu
 ne
 gin
 S
 Vir
 seph
 su J
 San
 per
 A
 near
 ros;
 dæc
 logi
 virg
 Jole
 stus
 Ma
 Dav

& palam in medio inimicorum Jesu Christi tam prodigiosam, & extraordinariam proclamare ejus generationem, si non veritate comperta scivissent a Judæis nihil huic opponi posse, & hac ratione nullibi legimus Evangelistas in hoc asserito suo a Judæis falsi convictos, aut insinuilatos fuisse. Quocirca ipse Mahometes licet Christianæ Religionis juratus hostis hanc veritatem cæteris negatis minime negavit in Alcorano dicens: *Jesum natum ex Maria Virgine absque viri semine Prophetam eximium.* Habemus igitur duo vaticinia ad Messiam pertinentia in Jesu Christo impleta esse nempe: quod ex semine Abrahamæ, & Davidis; & quod ex intacta Virgine natus sit.

Sed cum sciamus Jesum Christum ex intacta Virgine Maria, manente etiam in castissimo Josephi Conjugio Virgine, natum esse sine concursu Josephi, sine virili semine, operâ Spiritus Sancti; cui Evangelista generationem ejus texit per lineam Josephi?

Responsæo. Cum moris apud Judæos fuerit genealogias texere non per feminas, sed per viros; hanc consuetudinem Judæorum inter Judæos sequi volens Matthæus Jesu Christi genealogiam texit per proavos Josephi Viri Mariæ virginis, probe sciens eosdem Proavos esse, & Josephi, & Virginis Mariæ de qua natus est Christus, (uti paulo ante ostendimus;) cum igitur Maria, & Joseph ex eadem Domo, & Familia Davidis orti essent, eosdem habuerunt Proavos;

unde

unde genealogia Joſeph, eſt genealogia & Mariæ, & ſic vera texta eſt a Matthæo genealogia Jeſu Chriſti: ut tamen Jeſum oſtenderet non à Joſeph procreatum eſſe, non dixit. Joſeph genuit Jeſum, ſicut dixerat: Jacob genuit Joſeph; ſed dixit Joſeph virum Mariæ, de qua Natus eſt Jeſus. Igitur cum Joſeph (ut vidimus) ſit de Domo, & familia David, & Abrahæ, & Maria Mater Jeſu de eadem Familia quoque ſit; ſequitur Jeſum Chriſtum eſſe ex Domo, & Familia Abrahæ, & David ſicut de Meſſia promiſſum à Deo per Prophetas vidimus.

Apparentem autem inter Matthæum, & Lucam analogiam in texenda genealogia Chriſti, remitto ad Viros doctiſſimos qui ſat, ſuperquæ eam enuclearunt, ac dilucidarunt, præſertim noſter Gravelſon in Traſtatu de annis, & myſteriis Chriſti.

CAPUT TERTIUM.

*In quo oſtenditur vaticinium Michæe
de loco Nativitatis Meſſiæ, eſſe im-
pletum in Jeſu Nazareno Nato
in Bethleem.*

UT bono ordine procedamus, dum de ortu Jeſu Chriſti, & Nativitate ejus ex intacta Virgine locuti ſumus, ſtatim de loco Nativitatis ejus ſermonem instituamus. Vidimus in parte ima num: 31. & probavimus Meſſiam nati-
turum

turum in terra Bethleem juxta Vaticinium Micheæ cap: 5. *Et tu Bethleem Epurata parvulus es in millibus Juda, ex te mihi egredietur, qui sit dominator in Israel,* atqui Christus natus est in Bethleem Judæ viculo, qui ab urbe Hierosolyma sexto milliario distat, id constat Matthæi Cap: 2. *Cum natus esset Jesus in Bethleem Juda in diebus Herodis Regis;* deinde ex Tabulis censualibus Romanorum, ad quas olim provocarunt Justinus in appologia 2. Tertulianus in libris adversus Marcionem. Origenes lib: 1. contra Celsum testatur ab ipsis Christianæ Religionis hostibus ostensam fuisse Bethleemi spelancam, in qua Jesum peperit Maria. *Quod autem in Bethleem sit genius Jesus si velit aliquis post Micheæ testimonium, & post Evangelij per Jesu Discipulos conscriptam Historiam, fieri alias certior, intelligat, & in Bethleem Bethlehemi esse, ut ille sit natus, quod utique & in locis per celebre est, vel apud eos, qui a fide sunt alieni, fando, & nomine circumfertur eadem & in Bethleem Jesu quem, quem adorant, & demerentur gentium esse.* Huc quoque Origenes loco citato. De iquæ ipsimet Judæi non negant Christum Bethleemi natum esse, sed id ultro agnoscit R. David Gantz in gemine Davidis apud Huetium prop: 9.

Nec valet si quis dicat Christum in Scriptura Sacra appellari Nazarenum, & Galilæum, nam ut optime ait S. Thomas 3. parte. quest: 35. a. 7. ad 2. Christus in Scriptura Nazareus appellatur, non ad significandum locum in quo natus est.

sed quem parentes ejus incolebant, & in quo ipse erat educatus, ex quo loco venerunt Bethleem ad satisfaciendum edicto Cæsaris, ubi prægnaus Virgo Maria genuit Christum, & iterum redierunt in Patriam suam Nazareth. Igitur constat Jesum Christum implevisse tertium vaticinium de Messia prolatum, nempe: quod nascetur in Bethleem Juda.

CAPUT QUARTUM.

De vaticiniis Psalmi 71. & Numerorū

14. ad adventum Magorum in Jesu Christo nato impletis.

Probavimus num: 6. in prima Parte Psalmum 71um de Messia dictum esse, in eo habetur hæc: *Reges Arabum, & Saba dona adducent dabitur ei de auro Arabie.* Matthæus vero cap: 2. ait: *Ecce magi ab oriente venerunt Jerosolymam dicentes, ubi est, qui natus est Rex Judeorum? vidimus stellam ejus in oriente; apertis thesauris suis obtulerunt ei munera aurum, thus, & mirram* quoniam thesauros secum deferebant, magnæ substantiæ in regionibus suis esse debebant, igitur debebant si non magni nominis, parvæ tamen ditionis Reges, & Domini esse. Non cum magno apparatu Regio advenerunt scientes Regem à se adorandum pauperem fore. Eum nempe Divinitus, & stella indicante agnoverunt ex illo vaticinio Ba'aami Num: 14. *Orietur stella ex Jacob.* Quod vaticinium notum fuerat in Arabia,

Arabia, ubi Balaam edidit hoc vaticinium, quando videlicet Balaam Princeps Moabitarum cum adduxit, ut Populo Israëlítico imprecaretur. Igitur ex Psalmō 71. & Evangelio constat Magos illos seu Reges fuisse ex Arabia Felice, quæ comparatè ad Judæam sita est ad orientem. Ma h: 2. *Magi ex oriente* Psal: 71. *Reges Arabum & Saba* in qua Regione optimum aurum, & Thuris plurimum gignitur (ut scribit Plinius lib: 12. *hyst: cap: 14.*) non etiam procul distat à Judæa. nam per camelos intra octiduum exinde Jerosolymam iter peragi potest, teste Jll: Petro de Marca *in opus: de adventu Magorum.* Igitur in Christo Jesu duo iterum impleta vidimus vaticinia nempe: Psal: 71. *Reges Arabum, & Saba dona adducent dabitur ei de auro Arabia,* & Vaticinium Balaami *orientis stella ex Jacob.*

CAPUT QUINTUM.

In quo ostenditur Vaticinia promittentia in adventu Messie universalem pacem futuram adimpleta esse in adventu Jesu Christi.

DEmonstravimus in prima Parte num: 14. Sequentia Vaticinia de Messia dicta esse nempe: Psal: 71. *Orietur in diebus ejus justitia, & abundantia pacis.* Isaïæ cap: 2. *Non letabit gens contra gentem gladium.* Isaïæ cap: 9. *Vocabitur Nomen ejus Princeps pacis.* Ex Luca autem Evangelista habemus cap: 2. dum B. Virgo in pro-

cinctu partus in Bethleem iret, eo tempore exiisse eadē a Cesare Augusto, ut dēfēderetur n-
 m. versis orbis. Hæc utique Æcumenica descrip-
 ptio orbis. fructus fuit universalis pacis, nec e-
 nim imperari, aut executioni mandari potuisset,
 nisi totus orbis in pace fuisset compositus. 2do.
 Idem Evangelista scribit, Angelos immediate post
 Nativitatem Christi pacem suis Cantibus per
 æra celebrasse his verbis. *Gloria in Excelsis Deo,
 & in terra pax hominibus &c.* Svetonius Histori-
 cus Romanus in vita Augusti cap: 22. hæc ha-
 beret. *Janum Quirinum semel, atq; iterum à condita
 urbe memoriam ante suam clauam, in multo brevi-
 ore temporis spatio terra, mariq; pace parta ter clau-
 sit.* Janum Quirinum, Templum erat Jani, quod
 claudebatur tempore pacis, tempore belli aper-
 tum manebat. A Svetonio Augustus ter dicitur,
 Clausisse Jani Templum, seu pacem conciliasse.
 Dio Cassius Scriptor itidem antiquus lib: 51. scri-
 bit, Augustum post victoriam Adriacā anno
 urbis conditæ 725. Jani templum clausisse, 2da
 vice idem fecisse post bellum Cantabricum, 3tio
 autem idem templum clausisse Augustum, neim-
 pè: pacem conciliasse Doctissimi Chronologici,
 & Critici, Norcius, & Pagius asserunt anno ur-
 bis conditæ 748: (eq; eo, & sequentibus annis
 pax universalis in orbe fuit: eo autem tempore
 advenit in mundum Jesus Christus Princeps pa-
 cis, nam anno urbis conditæ 749. Imperij Au-
 gusti anno 40. natus est, (ut consentiunt omnes
 Chronologi, nullo excepto,) is autem fuit an-
 nus

nus mundi conditi 434. Igitur Iesus Christus suo adventu universale pacē attulit, toti mundo, sicut de Messia in Prophetis promissum videmus.

Superest, ut dum de adventu, & Nativitate veri Messie Iesu Christi loquimur, statim agamus de Jacobi vaticinio in quo prædicitur in adventu Messie auferendum esse à Juda seu Judeis, sceptrum, seu Regiam potestatem. Quocirca sit.

CAPUT SEXTUM.

De celebri Vaticinio Jacobi Gen. 29.

In quo cum prædicatur in adventu Messie à Judeis auferendum esse sceptrum, ostenditur Iesum Christum verum esse Messiam.

Jacobus Patriarcha viribus iam destiutus vocavit ad se omnes duodecim filios suos, ut eis Paternam benedictionem impertiret, inter quos, sic benedixit Filio suo Judæ Gen. Cap. 29. *Juda, te laudabunt Fratres tui, manus tua in cervicibus inimicorum tuorum, adorabunt te Filius Patris tui, Catulus leonis Juda, ad prædam Filius m' ascendisti, requiescens accubisti ut leo, & quasi Leona quis suscitavit eum? non auferetur sceptrum, de Juda, & Dux de Famore ejus, donec veniat, qui mittendus est, & ipse erit expectatio Gentium.* In textu Hebraico ultimum comma sic legitur: *Non rececet Schevet de Juda, neq. Dux de inter pedes ejus, donec veniat Siloh, & ipsi obedientia populum.*

Hoc

Hoc vaticinium in prima Parte: num: 2, attigimus, sed hic examinandum suscipimus; Quid significet vox *Siloh*? Nemo melius, quam primores hebræorum nos docebunt. In Thalmud, eo codice Sa medrin Cap. 9. Quæritur, quod nam sit futurum nomen Messiae? & respondetur; *Uamilhars*. R. Sebela dixit, quod Nomen Messie futurum esset *Siloh*, juxta illud, quod dictum sit: donec veniat *Siloh*. Veteres Paraphrastæ, Chaldaei, Onkelos, Jonathan, & Hierosolymitanus; succinentibus plurimis Rabbis Messiam nomine *Siloh* significari aperte dicant. Sic Onkelos interpretatur verba Jacobi Patriarchæ: usq; ad illud tempus, quo Messias veniet. Jonathan autem sic: usq; ad illud tempus quo veniet Rex Messias. Idem fatetur Thargum Hierosolymitanum: his consentiunt. R. Raschi, R. Selomoh Jarchi, & R. David Kimchi. Igitur ex primoribus ipsis Judæorum certi sumus vocem: *Siloh* significare *Messiam*. Quocirca sensus hujus Vaticinii est: Non recesset sebetet de Juda, neq; dux de femore ejus, donec veniat Messias. Nunc indagare oportet significationem vocis *Sebetet*; hoc nomen in genere significat *Virgam*: singulariter tamen in Scriptura accipi solet pro *virga auctoritatis*, seu *spectro*, uti Ps: 44. *Virga directionis, Virga regni tui*; Sed impudentes moderni Judei, ne Christum agnoscant Messiam esse; illam vocem *Sebetet* interpretantur, de *Virga afflictionis*, dicentes: non recessuram à Judeis, afflictionem donec veniat Messias. Sed quam falsissimè id asserant, pluribus momentis ostendo.

Imo.

1mo. Quomodo possunt dicere Patriarcham Jacobum hoc Vaticinio voluisse indicare non recessuram à Juda, seu Judæis afflictionem, donec veniat Messias. Nunquid tempore Davidis, tempore Salomonis, qui tot annis regnarunt, fuerat in Juda, vel Judæis afflictio? regnum siquidem Salomonis fuit opibus abundans, ditio- ne augustum, pacis munere fortuna illum, & status Judaicus florentissimus. Ergo falsum est Patriarcham Jacobum benedicendo Filio suo Juda, & successoribus ejus in ipso; per vocem *Scheveth* indicare voluisse Spiritu Prophetico Virgam perpetuam afflictionis usq; ad *Messiam*. Ergo per vocem *Scheveth* non afflictionis, sed authoritatis virgam, seu sceptrum indicavit.

2do. In hoc vaticinio Jacobæo de eo *Scheveth*, seu de ea virga sermo est, quæ spectat ad Regiam, vel Ducalem dignitatem. Nam sic habetur: *No auferetur sceptrū de Juda. Et Dux &c.* Ergo relative ad Ducem accipiendum est *Scheveth*. Duci autem convenit *Scheveth*, seu virga directionis, dignitatis, & dominationis, non afflictionis. Igitur mentiuntur sua explicatione Judæi.

3tio. Illa prædictio de perpetua afflictione non potest ullo modo stare cum eo, quod eodem loci dicit Patriarcha, videlicet: *Manum Jude fore in cervicibus inimicorum suorum.* Ergo Judas non affligetur, sed affliget. Vox etiam *Dux* Hebraicè *Mechekek* significat Legislatorem, scribam, Dominium exercentem, (ut periti Rabbini fa-
tentur.)

4to. Psalmista, & alij Sacri Authores non semel vocem *Sche-veth* accipiunt pro virga auctoritatis, seu scepro, ut Psal: 2. *reges eos in virga ferrea*, & Pl: 44. *virga directionis, virga regni tui*, & 70. Interpretes electi ex qualibet Tribu peritissimi Lingvæ Hebraicæ vertentes Scripturam ex Hebraico in Græcum, sensui attendentes vocem *Sche-veth* redderunt, de summa auctoritate. Hos secuti sunt primores Judæorum: sic Onkelos vertit. *Non deficiet exerceens Dominum*. Jonathan in Paraphrasi: *non cessabunt Reges, & Principes*. Thargum. Hierosolymitanum: *non cessabunt Reges*. Sic etiam legendum docent celebriores Rabbini, R. Raschi. R. Raabba au. hor libri Beresith, & R. Maimonides. R. David. Kimchi. R. Selomoh Urbinas, & alij. Unde facessant protervi alij Hebræi in meridiè cacutientes: Nobis autem tot momentis, & testimoniis invictè certum jam esse potest, vocem *Sche-veth* significare in dicto Vaticinio *virgam auctoritatis, & Regni, seu Dominationis*, ut omnino non sit alius sensus vaticinij, quam iste. *Non auferetur sceptrum de Juda, & Dux de inter pedes ejus, donec veniat Messias*.

De inter pedes ejus. Debet explicari relativè, ad priora verba: *accubasti ut Leo, & quasi Leona*, nempe: sicut prædam Leo inter pedes suos, ita retinet, ut nullus audeat eam ei eripere, sic Judas inter pedes, seu in potestate, ita sceptrum, & regnum tamdiu sicut Leo tenebit, donec *Messias veniat*.

Vox verò *Juda*, non est ita accipienda, ut
 censeatur Jacob Patriarcha prædixisse sceptrum,
 seu authoritatem imperativam semper perman-
 suram usq; *ad Messian* in sola Tribu Juda. Nam
 ex Scriptura Sacra constat *Moyse*, & *Josue*, qui
 rexerunt populum, & summam potestatem exer-
 cuerunt, non fuisse ex tribu *Juda*: Sed *Moyse*
 fuit ex tribu *Levi*, & *Josue* ex tribu *Ephraim*.
 Inter judices postea, qui summam potestatem
 exercebant, duo tantum fuere ex tribu *Juda*,
 videlicet: *Othomel*, & *Aodan*. Et post captivi-
 tatem Babylonicam supremum Dominium, &
 Virga directionis fuit penes Pontifices, qui fu-
 erant ex tribu *Levi*. Igitur Patriarcha Jacob
 non ita *Juda* sceptrum, seu virgam directionis
 promisit, ut semper in sola ejus tribu maneret,
 sed quia nobilior semper inter alias fuit Tribus
 Juda, & quia Prophetico Spiritu Jacob prævidit
 ex *Juda* Filio suo denominandam fore totam
 Gentem Judaicam, sicut defuncto nominabatur,
 & nominatur, ideoq; in *Juda* Filio suo toti gen-
 ti Judaicæ prædixit hanc veritatem Propheti-
 cam, quod nempe à *Juda*, seu gente Judaica à
Juda denominata, non auferetur sceptrum, seu
 suprema potestas domini, ita, ut semper ex gen-
 te Judaica aliquis sit Dux, vel Imperium exer-
 cens, qui habeat virgam directionis in populo
 Judaico, donec veniat *Messias* & ipse erit expe-
 ctatio gentium.

Sed *Jesus Christus* Natus est eo tempore, quo
 sceptrum, seu virga directionis, & Regia, vel
 Duca-

Ducalis dignitas non solum a Tribu Juda, sed etiam a tota gente Judaica ablata est, transitq; ad alienigenam, ergo *Jesus Christus* debuit esse *Messias* a Jacobo predictus. Nam *Jesus Christus* natus est Herode regnante in Judæa, sicut legitur *Matth: 2* Et cuilibet notum est: Herodes autem fuit alienigena, & nullatenus ex gente Judaica oriundus: *Josephus enim lib: 14. antiq: & lib: 1. de bello Jud: Cap: 25. assertit Herodem Antipatri Filium genere Idumæum fuisse item libris. antiq: a c: Herodem, postquam occiso Antigono ultimo ex genere Judæorum Principe a Romanis Rex Judææ confirmatus fuit, Judæorum instituta peregrinis ritibus violasse, Davidis sepulchrum reclusisse, eos omnes interemisse, qui ex stirpe erant Regia oriundi, & omnes l ibros, qui de Judaicorum Regum genealogia conscripti erant, conquiri, & comburi jussisse; ne videlicet: genti Herodianæ, utpote quæ nec ex Davidis familia, nec ex Judaico Genere prodierat, aditus ad Regnum præcluderetur. Deinde quomodo potuit esse ex genere Judæorum, qui primores Judæorum idcirco concludit, & Sotori suæ Salomæ jussit, ut post suam mortem occiderentur. Ex his itaq; momentis, & publica Judæorum fama constat Herodem alienigenam Idumæum fuisse, sed illo Regnante Christus *Jesus* natus est, (ut cuilibet constat,) ergo dum sceptrum, seu potestas regia, aut Ducalis non solum à Juda, sed à tota gente Judaica ablata est, & ad alienigenam transit, natus est *Jesus Christus**

Christus Messias prædictus a Jacobo. Scio quosdam esse Theologos, qui putant illud Jacobi oraculum. *Non auferetur Sceptum de Juda, & Dux ac semper eius, donec veniat Messias.* Non fuisse re apte completum regnante Herode, sed eo dumtaxat tempore, quo omnis Magistratus civilis, & Hierarchicus apud Judæos abolitus est, quod quidem contigit anno nati Christi 70. quando videlicet: capta per Titum Imperatorem Jerosolyma, & solo aquata, Templum quoque funditus dirutum est. Verum & si ipse non inficias eam, Judæos non desitisse efficere populum distinctum a reliquis gentibus, eosque leges, & mores suos servasse, donec à Tito vastati, per totum orbem dispersi sunt: Contendo attamen, Sceptum, seu Regiam, & supremam potestatem a tota Judaica gente fuisse sublatam tempore Herodis, qui alienigena Regnum Judææ Romanorum autoritate invasit, tunc enim Judæi Regem non jam Judæum, sed Idumæum Herodem habuerunt, completumque est oraculum Jacobarum: *Non auferetur Sceptum de Juda, & Dux ac semper ejus, donec veniat Messias*, quo oraculo prænuntiare voluit Jacob: Sublato semel a gente Judaica Sceptro, & ad alienigenam translato, venturum Messiam.

Hoc argumentum Judæorum jugulum petit. Inficiari siquidem non possunt, Regiam potestatem, ex tota gente Judaica regnante Herode fuisse ad alienigenam translata, seq; omnes post Cladem Jerosolymitanam fuisse quo quo verum diffi-

dissipatos, alienis parere coactos legibus, nihil eorum proflus habentes, quibus constat Regia, aut Ducans potestas, puta; jas reos morte ple-
dendi, belli denuntiandi, ac gerendi, monetam cudendi, leges ferendi: Imo inviti licet, nunc experiuntur se tanquā vilissimos contempti, & ludibrio haberi, sine Rege, sine Duce, sine sacri-
ficio exules in summa rerum omnium penuria vivere. Igitur tempore Herodis, quando sce-
ptrum, & regia, atq; suprema omnis potestas ablata est à Judaico genere, & transit ad ali-
nigenam, & dissipatio status Judaici cepit, tunc juxta oraculum Jacobi nati debuit *Messias*; sed quis ille *Messias* inter omnes, qui tunc nasceban-
tur, & creverant, esse poterat? nisi *Jesus Chri-
stus*? inquem vidimus jam, & alia vaticinia ada-
mullim concurrere, uti: quod juxta *Micheam*
in Bethleem natus sit, quod juxta *Isaiam*,
ex intacta Virgine prodiit, quod aurum ex Ara-
bia juxta *Psalmistam* ei allatum sit, quod in ejus
adventu pax universalis, juxta eundem *Isaiam*
interris viguit; quod stella apparente juxta *Bala-
amum*, magis demonstratus fuerit. Deinde vi-
dimus Josephum ipsum lib. 18. ant. de Jesu Chri-
sto testificari, eum plurima miracula patrassè,
quibus se *Messiam* fore comprobavit, quocirca
Joan. 2. dicitur: *Crediderunt in nomine ejus viden-
tes signa ejus. quae faciebat*: in quo nam alio tunc
temporis similia completa, aut visa sunt? verum
in progressu operis cetera omnia vaticinia in
Jesum Christum collimare videbimus, adeoq;
eum

eum esse *Messiam* non oraculo tantum Jacobæo prædictum, sed omnibus Vaticiniis figuratum.

Obtrudunt Judæi excogitarum *R. Benjamin* in eorum solatium commentum, qui in itinerrario suo, se dicit in urbe *Bagdad* in *Assa* vidisse multa millia Judæorum ab hominibus aliis, multis solitudinibus separatos, ubi habent Regem suum de tribu *Juda* oriundum.

Sed quam falsum id sit, ex eo patet; quod Judæus ille nunquam eo pervenire potuit, quo & Missionarij nostri, & Angli, Hispani, aliæque gentes Europeæ, cum navigatione cum peregrinatione pervenerunt, & tamen nemo omnino hucusq; fuit, qui vel minimam notam de confecto illo Rege, Judæorumq; regno, & principe indicet. Imo & de *Stalimi*, peritissimiq; Chronologi totum describentes orbem, omnesq; angulos enumerantes nihil horum memorant. Confinxit igitur *R. Benjamin*, ut eluderet argumenta Christianorum. Deinde quomodo *Benjamin* asserere valet Principem illum suum esse de tribu *Juda* cum post expugnationem Hierosolymorum, & dispersionem huc, illuc, Judæorum permixtæ adeo sint Tribus, ac promiscue confusæ familiæ, ut earum Origines, aut genealogiæ, ne levi quidem suspitione inter nosci possint. Sincerius rem fatentur principales Judæorum Doctores, nempe: *R. David Kimchi* magnæ inter illos auctoritatis explicans, Caput 3. *Oleæ*, ubi dicitur: *Dies multos sedebunt filij Israël sine Rege, & sine Principe, & sine sacrificio, & sine al-*

tari, & sine ephod, & sine Theraphim super hæc ait D. Kimchi. Hi sunt dies exilij, in quo hodie sumus nec Regem, nec Principem ex Israele habemus, sed in potestate gentium sumus, & in potestate Regum istorum, & Principum istorum. Aliter doctissimus Judæorum Rabbini Abrabaniel in expositione Capitis 33. Itaiæ ait: *praeterea meminit Isaias tertij generis malorum, exilij nempe, quod penes Israëlitas non sit Regnum, nec Dominum, nec sceptrum Judiciale.* Ecce quomodo sceptrum, & potestas suprema ablata est a Judæis, jam vento Messia; ut dixit in oraculo suo Jacobus. Et e quomodo idem fatentur primores Judæorum minimè recurrentes ad consuetum Beniamini Regnum Asiaticum.

Additamentum ad Caput 6tum.

Sed placet Judæos convincere domesticis, quorum in prima parte mentionem fecimus, documentis. In Talmude trac: Aboda, Za a. legitur: *Seclatores Elia in tractarent: Mundus subsistit ad sex annorum milia, duobus milibus fuit inanitas, duobus milibus Lex, duobus millibus dies Messia.* Duo milia inanitatis, & duo null a Legis, actu transierant, dum natus est *Jesus Christus*, nam secundum omnes Chronologos anno 40. Imperij Augusti, id est: Anno mundi 4113. natus est *Jesus Christus*, ergo ipse fuit *Messias*, quoniam & alias notas veri Messia; habet.

Dicunt

Dicunt Judæi propter peccata dilatum esse
Messiam, & tempus adventus ejus.

Sed Dei decretum non est mutabile, si semel
juxta Elijam promissum Messia post 4000 annos, post
illos finitos venire debuit. Peccata impedire ejus
adventum non possunt, quia Messias propter
delenda peccata principaliter missus est.

Testimonium Gentilium.

Virgilius qui ante Christum vixit paucis an-
nis, narrat suo tempore perccebuissè famam
adventuri magni alicujus Regis, unde Sibyllarum
carmina legens, in illis cum Regem prædici te-
statur, sed Sibyllarum Prophetiam ex adulatione
applicat Filio Pollionis suo tempore nato. Sic
habet Eccloga quarta. De Sibylla Cumæa.

Ultima Comæi venit jam carminis ætas

Magnus ab integro sæclorum veritur ordo

Jam redit, & Virgo, redeunt saturnia sæcla

Jam nova progenies cælo demittitur alto.

Cum Virgilius Ethnicus ante Christianos vi-
xerit, & testetur à Cumæa Sybilla prædictum
esse descensurum è Cælo, & ex Virgine nasci-
turum Filium, utiq; Sybilla Jesum Messiam præ-
dixit qui fuit è Cælo. Cicero quoq; Ethnicus
ante Christum florens meminit carminum Sybil-
læ, & testatur famam fuissè adventurum esse ma-
gnum Regem, de Divinatione libi. 2. cap. 54. Sy-
billa versus observamus, quos illa florens fuisse di-
citur, quorum interpretis falsa quædam nuper homi-
num

num famâ dicturus in senatu pronuntiat, cum quem regem revera habebamus expectandum esse quâq; Regem, si salvi esse videremus. Ergo licet Cicero nollet admittere explicationem hanc verfuam, testatur tamen tamam viginti in Sybillinis versibus prædictum esse illis temporibus Regem magnum Salutarem adventurum. Svetonius Ethnicus in vita Augusti cap: 94. ait: ante paucos anam nasceretur menses Augustus, prope iam Roma factum publice auctor est Julius Marathus, quo deminutabatur Regem populo Romano naturam parturire: Senatum exteritum censuisse, nequis illo anno gentus educaretur.

Sed potissimum Judæos invaserat illa opinio, iustare tempus, quo toti orbi dominarentur. Rem narrant scriptores Romani. Tacitus lib: 4. hist: cap: 13. *Pluribus persuasio inerat Judæis, antiquis Sacerdotâ libris contineri, eo insti tempore fore, ut valesceret oriens, pr. festi, Judæi. rend. potirentur.* Hoc vaticinium in libris Hebræorum contentum sic etiam refert Svetonius in Vespasiano: *percrebuerat oriente toto vetus. Et constans opinio, esse in satis, ut eo tempore Judæa profecti rerum patirentur.* Josephus lib: 6. de bello Judæ: memorat, illud oraculum in sacris literis repertum apud Michæam, *ex te exiit Dux futurus; ergo liceat concludere, pro demonstrato haberi posse Jesum eo tempore natum, quo omnia porte debant Regem Messiam nasciturum: sub Augusto enim Imperatore, dùm fama illa prædicta percrebuerat, ut tunc nasceretur Rex ille magnus futurus,*
natus

natur
Sybil
vatic
gent
intel
prom
stend
ritua
fore:
ris N

In a
M
pr

EV
quen
tern
nui t
Plal:
Plal:
Filiu
Verb
88.
ter m
delic
ejus

natus fuit *Iesus Christus*. Quam famam, & ex Sybillis, & ex Judæorum tum temporis suæ ex Vaticiniis opinionis promulgatione didicerunt gentiles, & Romani: Sed malè suas scripturas intellexerunt Judæi, ex quibus Regem terrenum promulgarunt, cum ex iis Scripturis invictè ostenderimus in prima Parte *Messiam Regem Spiritualem* per legem suam toti Orbi dominaturum fore: & talis Rex fuit *Iesus Christus* tùm temporis Natus.

CAPUT SEPTIMUM.

In quo ostenditur: Vaticinia illa, quæ Messiam Deum, seu Dei Filium fore promittunt, impleta esse in IESU Christo.

EVidentèr ostendi num: 5. 6. 10. 11. 12. & 16. *Messiam DEUM*, & Dei Filium fore ex sequentibus textibus nempe ubi Psal: 2. Pater æternus *Messia* ait: *Filius meus es tu*, ego hodie genui te. Ubi vox hodie pro æternitate summitur, Psal: 109. ex utero ante *Luciferum* genui te, quo Psalmo *Iesus* ipse convicit *Pharisæos Messiam* Filium Dei fore, ut nemo potuerit ei respondere *Verbum*. Math: 22. Similia produximus ex Psal: 88. ubi Deus de *Messia* ait: ipse invocabit me Pater meus es tu; *Primogenitum* ponam illum excelsum, *Aelion* præ regibus terræ. Isaïa 63. generationem ejus quis enarrabit. Michea 5. egressus ejus ab ini-

tio à diebus aternitatis. *Isaia 9. Admirabilis, Deus fortis.*

Eundem *Messiam* Dei Filium de Cælo descendurum & humanam naturam assumpturum ostendimus num: 4. 6. 15. 17. & 23. his testimoniis. *Psalm 71. descendet sicut pluvia super terram. Isaia 7. Ecce Virgo concipiet, & pariet Filium, & vocabitur Nomen ejus Emmanuel; seu Deus nobiscum. Isaia 35. Deus ipse veniet, & salvabit vos. Job 19. Et in carne mea videbo Deum Salvatorem meum. Baruchi 2. Hic est Deus noster, post hæc in terris visus est, & cum hominibus conversatus est. Quos omnes textus ostendimus in l. p. numeris citatis ab ipsis Judæis ad Messiam referri: igitur *Messias* debet esse Deus; Dei nempe *Filius* in humana natura appaens, & inter homines conversans. Uno jam eventu ostendimus *Jesum Christum Dei Filium* esse, eo quod ipse solus ex intacta Virgine natus sit; & idcirco ei conveniat vaticinium *Isaia. Ecce Virgo concipiet, & pariet Filium, & vocabitur Nomen Ejus Emmanuel;* quod Nomen significat: *Deus nobiscum*, igitur *Jesus* fuit *Deus*, nempe: *Dei Filius nobiscum* in carne assumpta.*

Matthæi 3. A Deo Patre ecce vox de cælis dicens: Hic est Filius meus dilectus, in quo mihi bene complacui. Hoc Jesu Christo dictum nonne apprimè concordat cum his Messia, à Deo dictis, psalm 2. Filius meus es tu, ego hodie genui te, & cum illis 2. Reg: & ipse erit mihi in Filium.

Matthæi 8. Jesu eunti in Regionem Gerasenorum

rum ex obsessis Dæmonia urgente Deo testimonium dederunt, & clamaverunt dicentes: quid nobis, & tibi Jēsu Filij Dei; venisti huc ante tempus torquere nos? Mathæi 14. Qui autem in navicula erant, venerunt, & adoraverunt eum dicentes: Vere Filius Dei es. Mathæi 7. Centurio, & qui cum eo erant, viso terræ motu, & his, quæ fiebant timuerunt & alie dicentes: Vere Filius Dei erat iste.

Ista publice inter Judæos fiebant, & Evangelista Mathæus publicè inter Judæos ea testabatur, & tamen nemo Judæorum, falsitatis Mathæum arguebat; igitur verum esse debet Jēsum communiter habitum fuisse Filium Dei.

Mathæi 16. Respondens Simon Petrus dixit: Tu es Christus Filius Dei vivi, respondens autem Jēsus dixit ei: quia non caro, & Sanguis revelavit tibi, sed Pater meus, qui in Cælis est. Confirmat Jēsus Petri dicta nempe: se esse Filium Dei, & statim sicut alibi sæpè, Patrem suum nominat Deum, qui est in Cælis, ut correspondeat illis quæ Pater æternus Messia Psalm 88. dicit: ipse invocabit me Pater meus es tu, ego primogenitum ponam illum & his 2. Reg: ego ero ei in Patrem, & ipse erit mihi in Filium.

Agnoverunt Judæi optimè, quod Jēsus Christus se non adoptivum filium Dei diceret, sed Filium Dei naturalem unius & Æqualis naturæ cum Patre: nam Joan: 10. hæc habentur. Pater meus quod dedit mihi majus omnibus est, & nemo potest rapere de manu Patris mei, ego & Pater unum sumus, susciperunt ergo Lapides Judæi ut Lapidarent eum

cum tu homo cum sis, facis te ipsum Deum, ergo Judæi agnoverunt quod *Iesus Christus* se naturalem Dei Filium dixit, nempe: eo modo quo *Psalmus* 109. *Deus Messias* dixit ex utero ante *Luciferum* genui te. *Iesus* autem hanc eorum opinionem non redarguit, sed confirmat quod verè Filius Dei naturalis sit, nam statim ita Judæos alloquitur: quem Pater Sanctificavit & misit in mundum, vos dicitis, quia blasphemus, quia dixi Filius Dei sum? Si non facio opera Patris mei, nolite credere mihi, si autem facio, & si mihi non vultis credere, credite operibus, ut cognoscatis, & credatis quia Pater in me est, & ego in Patre. Ecce quomodo *Iesus Christus* Confirmat se esse unum cum Patre nempe: *Æqualis*, & ejusdem naturæ cum Deo Patre, & hoc probat ex operibus miraculosis, quæ non humanæ, sed Divinæ Virtutis effectus sunt. Miracula itaq; stupenda, & magna tecit *Iesus Christus* in Confirmationem suæ Divinitatis unius & ejusdem cum Patre, seu ad probandum se esse Filium naturalem Dei, unius naturæ Divinæ cum Patre. Si autem vera miracula fecit in comprobationem quod unum sit cum Patre, sequitur quod omninò, & infallibiter debuit esse unum cum Patre seu unius cum Patre naturæ Divinæ. Nam miracula vera nonnisi virtute Divina fieri possunt, si ergo vera miracula fecisset in confirmationem quod sit Deus, sicut Pater seu unum cum Patre, & ita revera non fuisset, tunc miracula à Deo, seu virtute Divina fuissent facta in testimonium falsitatis, quod cum

cum fieri nequeat, sequitur si *Iesus* vera miracula fecit in Confirmationem quod sit *unum cum Patre*, seu ejusdem naturæ cum Patre, debuit omnino esse unius Divinæ naturæ cum Patre, & Dei Filius naturalis, sicut de *Messia* promissum, & prædictum esse supra v. debimus. Quod autem *Iesus Christus* vera miracula fecerit nunc probandum suscipimus, & quidem peculiari Capite.

CAPUT OCTAVUM.

In quo ostenditur Iesum Christum implevisse Vaticinium Isaia, in quo Messias dicitur, patraturus magna, & plurima miracula, & quia Iesus Christus Judæis ait: ut ex operibus, seu miraculis ejus cognoscant eum esse unum, seu unius naturæ cum Deo Patre, sequitur miracula, quæ fecit in testimonium Divinitatis ejus facta esse.

IN prima parte num: 17. ostendimus de *Messia* dictum esse illud Isaia 35. Cap: *Deus i. s. veniet, & salvabit vos, tunc aperiuntur oculi cæcorum, & aures surdorum patebunt; tunc silet sicut Cervus, Claudus: & aperta erit lingua mutorum, quod Vaticinium in se impletum fuisse ostendit Iesus Christus Mathæi 11. dicens discipulis Joannis. Euntes renunciate Joanni, quæ audivitis, & vidistis;*

distis; Cæci vident, claudi amouant, leprosi mundantur, Surdi audiunt, mortui resurgunt, pauperes evangelizantur. In oculos ipsis dicit: quæ miracula ipsi vidistis à me facta, renunciate Joanni, quomodo tam præstare dicere poterat, nisi palam omnibus fuisset eum multa, & potentia miracula fecisse. Hinc est quod Evangelistæ retulerant quocumq; Jhs iter faceret, ægros debiles, & omni morborum genere laborantes uno verbo, unoq; momento reddidisse incolumes, adeo ut illi, qui omnibus membris capti erant, receptis ætutū viribus, leſculos suos ipsi asportarent, in quibus fuerant paulo ante delati, claudis vero non modo gradiendi, sed etiam currendi dedisse facultatem, cæcorum a nativitate oculos in pristinum aspectum, mutorum linguas in eloquium soluisse, surdorum patefactis auribus insinuisse auditum, & hæc non clam facta, aut à longe, sed coram tota Jerosolyma, coram tota vicinia ejus nominatis Petriōis locis, & circumstantiis, ipsis aspectantibus Judæis in oculos obtulerunt Evangelistæ, uti & revocatos esse ad vitam Filium unicum viduæ in Civitate Naïm, Filium Jairi Archidiaconi; Lazarum, jam à triduo in sepulchro fatentem, & à Jhs in Bethania à mortuis suscitatum, à plurimis testibus visum, cum quibus etiam manducavit & miscuit colloquia. Si hæc vera non fuissent, nullo negotio scire statim poterant Judæi Jero'solymis, & in Vicinia existentes, & confestim, ut erant in Christum ejusq; discipulos ira, & odio perciti,

Evan-

Evangelistas falsi redarguissent, eosq; tanquam infames, & publicos impostores totius nationis Judaicae testimonio declarassent; quod tamen cum nunquam fecerint Judæi ad fabricandam contra Evangelistas, & Christum calumniam, alioquin promptissimi; eorum hac in re altum silentium argumento est, miracula illa verè à Christo facta fuisse, utpotè de quorum veritate ipfimet sibi conscij erant.

Sed & celeberrimus, ac ingenuus Judæorum historicus Josephus, & ipse Judæus lib: 18. *Antiq: capit: 4.* fatetur *Jesum Christum* plurima miracula patra se dicens: *Fuit hoc tempore Jesus vir Sapiens, si tamen virum eum dicere fas est, erat enim mirabilium operum effector*, hanc veritatem confessos esse insensibiles licet Christiani nominis hostes vidimus capite imo, nempe: *Julianum Apostatam* & alios; igitur undequaq; certum est *Jesum Christum* plurima, & magna miracula patrasse.

Quocirca cum Judæi ea inficiari non possent, magicis artibus à Christo Domino miracula facta calumniabantur, seu quod idem est: in Belzebub Principe Dæmoniorum patrata effugerunt.

Verum hæc Calumnia multis Argumentis convellitur. *Primo*, quia Christus Dæmones expellere non potuisset, nisi eos virtute Divina viciisset; nam legimus in Evangelistis, quod sæpe Christus Dæmones ex obsessorum corporibus invitos ejecerit; unde Mathæi 8. Dæmones cla-

mave-

maverunt quid nobis. *¶* Ubi Jēsu Filij Dei? *venisti: huc ante tempus torquere nos?* 220 nūl a Christo, & Sathanæ tam in opere quam in effectu fuit convenientia, seu affinitas, sathanas quippè dispergere cupiebat, quos Christus colligebat, in hoc apparuit Filius Dei ut dissolvat opera Diaboli, inquit Joannes Evang: cap: 3. 3:10. Christus sapius coram innumera Judæorum turba mortuos ad vitam revocavit uti *Lazarum* jam fatentem, & tamen postea cum hominibus conversantem, & etiam Episcopum factum, in cujus resurrectione idcirco sine ullo dubio nullæ præstigiæ esse potuerunt, sed sola Dei virtus Omnipotens in ea reluxit. Deindè Jēsus mare non solum, sed cum discipulis calcavit, procellas sedavit; Aquam in Cana Galilææ præsentibus Convivis instantibus famulis in generosum Vinum convertit, & ex quinque panibus, quinque hominum millia in deserto satiavit.

Quæro igitur quid hic potuerit ars magica moliri, quæ nihil veri, ac solidi ostentare potest? potuit ne Christus quinque hominum Millibus, totiq; Judæorū turbæ persuadere, se vidisse quod non viderant, & se manducasse, quod non manducaverant? potuit ne Christus persuadere Architriestino, aliisq; Convivis in nuptiis factis in Cana Galilææ aquam fuisse conversam in vinum, si revera non fuisset conversa?

410. Si Christus artium Magicarum, aut Dæmonis ope miracula edidit (ut effitit ut Judæi.) quorsum igitur Magiæ non est accusatus in Judicio?

dicio? Cur nefandi illius criminis non est convictus à Scribis, & Pharisæis, qui nihil ali-
qui intentatum reliquerunt ut Christum atro
Carbone notarent, ac Calumniis lacerarent.

Igitur si hæc stupenda, & quam plurima mi-
racula *Jesus Christus* non potuit facere ope Dæ-
monis, aut ope Magiæ igitur certum esse debet
eum miracula illa fecisse virtute Divina, nam re-
pentina sanatio cæcorum, claudorum, aridorum,
ægotantium, & postea in sanitate permanen-
tium superat omnem virtutem Creatam, sicut &
repentina suscitatio mortuorum, & eorum po-
stea durans vita. Quocirca cæcus à nativitate,
à *Christo Jesu* illuminatus Joan: cap: 9. excla-
mavit coram omnibus: à sæculo non est auditum,
quia aperuit quis oculos cæci nati, nisi hic esset à
Deo non poterat facere quidquam, quod *Jesus* sola
virtute Divina hæc faciebat miracula, patet eti-
am ex modo faciendis: Si quidem solo nutu, &
imperio miracula operabatur præditus utpotè
virtute Divina, quo circa Lucæ 6. dicitur: quia
virtus de illo exibat & sanabat omnes.

Cum igitur *Jesus Christus* virtute Divina tam
mira, & tam multa fecerit miracula, & dixerit
Judæis, ut ex illis miraculosis operibus collige-
rent, Eum esse *Filium Dei* ita, ut unum sit cum
Patre, nempe unius æqualisque naturæ, & vir-
tutis cum Deo Patre, manifestè patet Eum mira-
cula virtute Divina, in testimonium suæ Divi-
nitatis fecisse: ergo omnino debuit esse *Deus*;
nempe: *Dei Filius naturalis*, quia alias Divina
virtus,

virtus, & Deus concurrisset ad testimonium falsitatis, quod dici nequit. Quod circa hanc Judæis dixit Joannis 10. *Si non facio opera Patris mei, nolite credere mihi, si autem facio, & si mihi non vultis credere, operibus credite, ut cognoscatis, & credatis quia Pater in me est, & ego in Patre, quid clarius?*

Igitur *Jesus Christus* implevit vaticinia Isaie, & aliorum Prophetarum, in quibus *Messias* prædicitur esse *Deus* & *Dei Filius*, & patraturus plurima miracula.

Narrat Clarissimum Ordinis Prædicatorum lumen Raymundus Martini in *Pagione Fidei* cap: 8. Judæos comenitum excogitare, quod nempe: extiterit in Templo Hierosolymitano Lapis, cui olim Arca imponebatur, in eo lapide descriptum fuisse nomen Dei, cujus ea vis erat, ut quicunque illud didiisset, & memorie mandasset, par esset omnibus eliciendis prodigiis. Cum ergo pertimescerent Sapientes ne quis ea facultate abuteretur, canes æreos portæ apposuisse, qui hac arte erant fabricati, ut si quis memorie mandato Dei nomine è Sacrario egredi vellet, magnis eorum terrificis latratibus, Sacri nominis è vestigio oblivisceretur. Contigit autem (inquiunt,) ut Christus quadam die in templum ingressus Sacrum Dei non in Membrana conscripserit, servaverit, & postea perlegerit, ac dein miracula tanta ediderit.

Sed fabula illa præterquam quod ipsa sui narratione refutata maneat, quid enim illi canes latrati-

latratibus memoriae nocere poterant, aut à quo tali modo fabricari? cur hujus nihil meminit Josephus exactissimus rerum Judaicarum Scriptor. Cur vestri Principes o fabularum excogitatores Judæi! cur inquam Principes vestri, & summi Sacerdotes, dum viderunt sub oblidione Romanorum se omnes in periculo mortis, & ultimæ miseriæ versantes non accesserunt ad eum Lapidem, & simili quo Christus modo, vel etiam destructis cambus nomen Dei memoriæ mandarunt, quo miranda opera patrarent abigendo hostes, & se ab imminente excidio liberarent, atque in vita se, & totam gentem conservarent. Apage igitur cum fabula obstinatilimum Judæorum genus. Et quoniam perfidi Judæi tam manifestis miraculis *Jesu Christi* fidem adhibere noluerunt, suæ reprobationis nullam omnino exculationem habituri sunt, prout *Christus* ait: Joannis Cap: 18. *Si opera non fecissem in eis, quæ nemo alius fecit, peccatum non haberent.* Vel illud Judæis magni instar miraculi esse deberet, quod ad prædicationem Discipulorum *Jesu*, qui prædicatores, indocti, viles, omnibus exoi erant, tot præclaræ gentes tot Doctæ, tot eruditæ nationes, audientes nonnisi de miraculis *Christi* omnes in ejus abierunt fidem, & doctrinam, Judæi verò videntes miracula, eisque credere nolentes, à Deo deserti, variis Calamitatibus oppressi finem miseriæ suarum non conspiciant.

❧❧❧ (121) ❧❧❧
CAPUT NONUM.

*In quo ostenditur: Vaticinia omnia,
quæ Messiam declarant Magnum Re-
gem, toti Orbi dominaturum, impieta
esse in Jesu Christo.*

QUoniam in præcedenti Capite evidentè de-
monstravimus Jesum Christum, Deum verum,
nempe: Dei Filium ejusdem cum Patre naturæ
esse, Dominum Cæli, & terræ perspicuè statim
intelligimus Jesum Christum eum Messiam esse,
qui dicitur in Prophetis Magnus Rex futurus
toti Orbi dominaturus, hinc ad Jesum Christum,
utpotè Filium Dei naturalem Dominum Cæli, &
terræ spectant omnes, illæ Prophetiæ. Psal. 2.
*Filius meus es tu, dabo tibi gentes hereditatem tuam,
& possessionem tuam terminos terræ.* Psal. 71. Do-
minabitur à mari usquè ad mare, & à flumine
usquè ad terminos Orbis terrarum. Adorant eum
omnes reges terræ, omnes gentes servient ei. Et
his similia: quibus apprimè concordat illud Ma-
thæi 28. *Et accedens Jesus locutus est eis dicens:
Data est mihi omnis potestas in Cælo, & in terrâ.
Et illud ad Colloss. 2. & estis in illo repleti, qui est
Caput omnis principatus, & potestatis.* Ecce sicut
antiquum Testamentum Mediam prædicit tum-
mum omnium Regem futurum. ita Evangelium
prædicat Jesum Christum omnium potestatum Ca-
put, & Principem esse, utpote in quo illæ an-
tiquæ Prophetiæ compleræ sunt, qui promde
verus

verus *Messias* est. V. dimus in 1. Parte num: 12.
*Regnum Messiae sempiternum fore. Stabilem
 thronum regni ejus in sempiternum. 2 Regum.
 Tronum ejus sicut luna perfecta in aeternum. Plal: 88.
 Super regnum ejus sedebit, ut confirmet illud in sem-
 piternum. Isaiæ 9. Et regnum ejus non corrupetur
 Danielis 7. Ubi annotavimus nullum ter-
 renum regnum posse durare in aeternum, sed
 corrumpi debere cum intereunte mundo: quo-
 circa regnum *Messiae* debet esse ejus Ecclesiam,
 quæ cum ipso in aeternum in Cælis perennatu-
 ra est. *Christus Jesus Caput Ecclesiae* dicitur, &
Rex cum illo regno suo, nempe: *Ecclesia* sua in
 aeternum regnaturus. Ad Colloff: 1. *Et ipse est
 Caput corporis Ecclesiae, qui est principium, ut sit
 in omnis ipse Primatum tenens. Lucæ 1. capite.
 Hic erit magnus, nomen: Jesus & Filius altissimi
 vocabitur. & dabit illi Dominus Deus Sedem David
 Patris ejus, & regnabit in domo Jacob in aeternum,
 & regni ejus non erit finis. Ecclesiae suæ Chri-
 stus dicit Lucæ 22. & ego dispono vobis sicut di-
 sposuit mihi Pater meus regnum, ut eatis, & biba-
 tis super mensam meam in regno meo. Regnum
 autem hoc, sempiternum in Cælis tuturum in-
 dicat; dum Joannis 18. ait: *Regnum meum non est
 de hoc mundo. Ergo Spirituale, & sempiternum,
 nempe: Ecclesia* cum ipso, in cælis perennatu-
 ra. Ergo *Jesus Christus Dei Filius* tale regnum
 habet quale appromissum *Messiae* vidimus num:
 12. in 1. Parte, igitur *Jesus Messias* est.**

Quod autem *Jesus Christus* habeat regnum
 per

per totum orbem, nempe: *Ecclesiam* in omnibus gentibus toto terrarum orbe diffusam, consulant Judæi omnium nationum historicos, in quibus reperient Evangelicam *Jesu Christi* legem, & Doctrinam, non tantum totam Europam occupasse in Africam, & Asiam per Apostolos, & Missionarios penetrasse, ibique plurimas Provincias, Dioceses, & Parochias legi *Jesu Christi* subiectas esse, verum etiam Lumen Evangelij per totam jam Americam relplenduisse; & integra Regna ibidem Fide Christiana insignita esse, ut dubium amplius esse non possit illa de Messia dicta Vaticinia in Christo completa esse. *Dedi te in lucem gentium, ut sis salus mea usque ad extremum terre. Isaïæ 49. Dedi Te in fœdus populi, in Lucem gentium, legem ejus insule expectabant. 42. Isaïæ. Dedi Te in fœdus populi, ut susciteres terram, & possideres hereditates angustas, ecce isti de longe venient, & ecce illi ab Aquilone, & mari, & isti de terra Australi. Omnes isti congregati sunt venerunt tibi. Omnes in unam Jesu Christi veri Messiae legem concesserunt. Misit Jesus Christus Apostolos suos in Lydiam, Græciam, Africam, & totum terrarum Orbem, ut Legem ejus, & Gloriam Dei annuntiarent. Mathæi ultimo. Euntes in mundum universum prædicate Evangelium omni Creaturæ. Euntes ergo docete omnes gentes baptizantes eos. In Nomine Patris, & Filij, & Spiritus Sancti. Nonne ad amissum cohererent cum iis de Messia dictis Isaïæ 66: & mittam ex eis qui salvati fuerint ad gentes in ma-*

re, in Africam, & Iudam tendentes sagittam in
Italam, & Græciam, ad Insulas longe a vos, qui
non auferunt de me, & annuntiabunt gloriam me-
am gentibus.

Hoc est illud prædictum à Prophetis, *Messia*
regnū, ad terminos terræ diffusum, nempe: *Jesus*
Christi Ecclesia ex omnibus totius mundi genti-
bus sub una ejus lege collecta. Tale enim re-
gnum, & talis unica Ecclesia poterit æternum
durare, nempe: cum ex illis omnibus plurimi
legem Christi servantes, & adimplentes salvi fi-
ent, illi constituent perpetuum Christi in Cælis
regnum, & ipse Christus ex semine David ori-
undus *Servus meus David Rex super eos*, & pa-
stor unus erit omnium eorum, & *Servus meus Da-
vid Princeps eorum in perpetuum* (ut ait Ezechiel
Propheta cap: 37.) In novo autem Testam-
to sic illud perpetuum in electis, & Ecclesia sua
Jesus Christi regnum describitur Mathæi 25. *Cum*
autem venerit Filius hominis in Majestate sua, &
omnes Angeli cum eo; tunc dicet Rex his, qui à
dextris ejus erunt: Venite benedicti Patris mei possi-
dete paratum vobis regnum à Constitutione mundi.
Ecce habetis *Regem Messiam*, & regnum ejus,
nempe *Ecclesiam electorum ejus in perpetuum*
cum ipso perennaturam, prout *Regnum Messia*
à Prophetis perpetuum fore prædictum fuit, hinc
est quod aperuissimè *Ecclesiam* Joannes in Apo-
calypsi Cap: 4. vocat Christi *Regnum perpetu-*
um, dicens: *Dignus es, Domine accipere Librum,*
& aperire signacula ejus, quoniam occisus es, & re-
demisti

demisti nos Deo in sanguine tuo ex omni tribu, & lingua, & populo, & natione, & fecisti nos Deo nostro Regnum, ecce quomodo Ecclesia ex omnibus nationibus sub una lege Jesu Christi congregata, Sanguine ejus redempta, ejus Regnum perpetuum sit.

Ex hucusque dictis etiam alius in Christo Jesu adimpletus esse cognoscitur Messia Character, nempe: quod in ipso benedicuntur omnes gentes. Gen: 22. Utpote vocatæ in ejus legem, & regnum, quod sit expectatio gentium. Genesi: 29. Et desideratus cunctis gentibus. Micheæ 5. Et Sexcentenis aliis in locis ubi Messias dicitur vocaturus ad se gentes. Apud Isaiam illuminaturus gentes doctrinâ dei te in lucem gentium sicquæ eas in viam salutis ducens verè earum benedictio, & expectatio fuit Jesus Christus.

Impletur etiam in Christo alia de Messia Prophetia apud Isaiam cap: 2. ubi Messias bellator dicitur (ut vidimus Num: 14. in ima Parte;) bellator inquam spiritualibus armis idololatriam, & impios idololatrias auferens. Idola penitus auferentur, cum surrexerit percutere terram, quomodo autem percutiet terram, idem Isaias cap: 11. explicat: percutiet terram virgâ oris sui & spiritu labiorum suorum interficiet impium, & erit justitia cingulum lumborum ejus, & fides cinctorium renum ejus, ex his spiritualibus armis justitia, & fide pronum est colligere Messiam impios Idololatrias, & Idololatriam interfecturum, seu sublaturum esse spiritu oris sui, prædicando justitiam

sticit
us D
præst
dixit
nam
addu
lolar
dus,
ptori
apud
ubi P
coli c
opem.
Mago
Cesse
tur in
cipis p
jussio
vindict
modo
prædi
Cu
legem
tibus.
lege J

Plun
dicta

ritiam veram, & fidem, ac cultum verum unius Dei. Hoc autem ad amulsum *Iesus Christus* præstitit, qui perpetuum bellum idololatriæ indixit, atq; per suam Sanctam Legem, & doctrinam totum mundum ad unius veri Dei cultum adducens sustulit omnino omnem de terra idololatriam. Quoniam hujus testis est totus mundus, unum testimonium adducam Gentilis Scriptoris Porphyrij in libr: adversus Christ: Rellig: apud Euseb: lib: 5. de præpar: Evang: cap: I. ubi Porphyrius Gentilis constet: *ex quo Iesus coli captus est, neminem sensisse publicam Deorum opem.* Imperator Constantinus Augustus ad Magdalianum Cod: Theod: lib: 16. tit: 10. ait: *Cesset superstitio sacrificiorum, sacrificiorum aboleatur insania: nam quicumque contra legem Divi Principis parentis nostri, & hanc nostræ majestudinis jussionem ausus fuerit sacrificare, competens in eum vindicta, & præsens sententia exeratur:* Ecce quomodo sublata est per Imperatores idololatria prædicato Evangelio Christi.

Cum sermonem habeamus de congregatis per legem Christi, in unam Ecclesiam cunctis gentibus, opportunum videtur statim hic de nova lege *Iesu Christi* agere: quo circa sit.

CAPUT DECIMUM.

Pluribus Prophetarum vaticiniis prædictam à Messia instituendam novam

I Legem

*Legem abrogatâ Mosaicâ, ostenditur
Jesús Christus instituisse.*

SAt perspicuè ostendimus Num: 13. 18. 20. 21. 24. & 35. in ima Parte, à Messia abrogandam esse veterem Legem Mosaicam, & novam instituendam juxta hæc Prophetarum oracula Isaia 2. *de Sion exivit lex, & Verbum Domini de Jerusalem, & judicabit gentes, & arguet populos multos.* Lex quæ exivit de Sion non est illa quæ exivit de Sinai, nempe Mosaica, & Lex quæ arguentur & judicabuntur gentes, non est Mosaica, quâ soli Judæi judicabantur; igitur tempore Messie nova, & alia Lex, quam erat Mosaicâ instituetur: *ad eam in Jerusalem ait Isaías eodem loci fluent omnes gentes.* Idem confirmat Jeremias cap: 3. *Dabo vobis Pastores juxta cor meum, & pascunt vos scientiâ, & doctrinâ non dicent ultra Arca testamenti Domini, nequè ascendet super cor, nequè recordabuntur illius, nec visitabitur, nec fiet ultra, in tempore illo vocabitur Jerusalem solium Domini, & congregabuntur ad eam omnes gentes.* Iterum dicuntur in Jerusalem adducendæ omnes gentes pascendæ, *Doctrinâ juxta cor Domini*, sed non doctrinâ antiquæ legis, quia *non dicent ultra Arca testamenti Domini, nec recordabuntur illius.* Si Arca testamenti non memorabitur, ergo nequè Testamentum ipsum, ergo illa doctrina non erit Testamenti antiqui; Quocirca Jeremias clariùs se explicat cap: 31. Sic inducens Deum loquentem. *Feriam domui Israël,*

Et domui Jacob factus novum, non secundum pactum, quod pepigi cum Patribus eorum in die illa, qua apprehendi manum eorum, ut educerem eos de terra Aegypti, Ista hoc erit pactum quod feriam cum domo Israel post dies illos dicit Dominus: dabo legem meam in visceribus eorum, Et in corde eorum scribam illam. Ecce tempore Messie novum fœdus, novam legem dandam, non illam, quæ data fuit in egressu ex Aegypto, nempe: Moïsaica, sed alia omnino Lex gratiæ in cordibus scripta; Pro majori horum noticia remitto Lectorem ad Loca citata, & numeros annotatos in prima Parte, ubi etiam demonstravimus per nomina Israel, Jacob Novum Israël, nempe: fideles Christi denotari, per nomen Jerusalem verò Ecclesiam Christi, nempe dum dicuntur gentes adducendæ esse ad Jerusalem, intelligendum esse gentes ad ducendas esse ad Legem, quæ exivit tempore Christi de Sion, & de Jerusalem, & ad Ecclesiam Christi, quæ in Jerusalem ortum habuit, & Nomine Jerusalem sæpè etiam significatur. Quando vero Israelitæ dicuntur in terram Israël reducendi fructibus & frugibus opimis alendi: cum de Israël, & Judæis, per Prophetas Isaiam, Ieremiam, & Amosum, & Oseam Deus constituerit, eos contere, ut nunquam in perpetuum restaurentur; & de Civitate Hierusalem, ut in sempiternum non ædificetur in prima Parte Num: 21. & 24. hinc est, quod dum dicitur Israël reducendus esse in antiquam terram Israël, vel in Hierusalem, id debeat intelligi de spirituali

terra Israël & spirituali Hierusalem, nempe: de
Ecclesia Christi & de spiritualibus fructibus bo-
 norum operum; maximè cum ipsimet Judæi di-
 cant per *Messiam* se reducendos fore; *Messias*
 etenim non solum his omnibus momentis in hac
 secunda parte invidè ostenditur venisse, & fuisse
Jesum Christum, sed insuper *Messiam* advenisse
 stante Templo Zorobabelico evidentissimè Judæis
 ostendimus in ima Parte num: 33. quomodo igitur
 possibile est, ut rationabiliter dicant se in
 Hierusalem, & terram suam reducendos esse à
Messia: Præterea ostendimus ipsosmet Judæos
 fateri in Thalmude Tract: Aboda Zara. *Se-*
ctatores Eliæ tradidisse: mundus subsistit ad sex an-
no- rum millia, duobus millibus fuit inanitas, duobus
millibus lex, duobus millibus dies Messia, ergo Mes-
si- as venit, quia duo millia inanitatis, & duo
millia annorum Legis nempe 4. millia anno-
rum diu transierunt, imò eo ipso tempore, quo
venit Jesus Christus; nam Jesus Christus secun-
dum omnes Chronologos Anno 4113. natus est,
 ergo ipse fuit verus *Messias*. Juxta Sectatores
 Eliæ lex Mosàica duobus millibus tantū durare
 debuit, post illos *Messias* statim venire debebat.
 Igitur novam Legem *Messias* instituere debebat
 post abrogatam antiquam. *Jesus Christus* verus
Messias adveniens post duo millia annorum ina-
 nitatis, & post duo alia millia annorum Legis
 Mosàicæ, nempe Anno 4113. natus, implevit
 officium *Messia*, & instituit novam Legem, quam
 Deus per Jeremiam appromisit. Quis enim post
 illos

illos bis mille inanitates, & alios bis mille Annos legis Monacæ venit alius? & legē aliquā celebrem ab omnibus acceptatam instituit? nisi *Iesus Christus* tūc temporis natus? hinc est: quod Apostolus Paulus in Epist. ad hebræos Cap: 8. *Novam Legem, seu novum Testamentum à Christo institutum à Jeremia prædictum esset ipsa Jeremiae verba referens, nunc autem melius sortitus est ministerium Christus, quanto & melioris Testamenti mediator est, quod in melioribus repromissionibus Sanctum est. Nam si illud prius culpa vacasset, non utique secundi Locus inquireretur: vituperans enim eos dicit: Ecce dies veniunt dicit Dominus, & consumabo super domum Israël, & super domum Juda Testamentum novum, non secundum Testamentum, quod feci Patribus eorum, ut educerem illos de terra Aegypti, quoniam ipsi non permanserunt in Testamento meo, quia hoc est Testamentum, quod disponam domui Israël dando leges meas, in mentem eorum, & in corde eorum superscribam eas, dicendo autem novum, veteravi prius. Christus ipse novum testamentum se instituere indicavit his verbis Mathæi 26. hic est enim sanguis meus novi Testamenti & Joan: 13. Mandatum novum do vobis, quia vero Jeremias novum fædus dixerat scribendum in cordibus; Apostolus pariter Christi Testamentum non litera exaratum, sed spiritu asserit: nunc autem soluti sumus à lege mortis, in qua detinebamur, ita, ut serviamus in Novitate Spiritus, & non in vetustate literæ; igitur testamentum novum non in tabulis, & litera, sed*
in

in spiritu, & cordibus exaratum est, sicut voluit Jeremias. Ad Corinthios 3. idem reperit Paulus: *Qui & idoneos nos fecit Ministros novi Testamenti, non Littera, sed Spiritu, littera enim occidit, spiritus autem vivificat.*

Plane, & clarè legem novam à Deo in cordibus scriptam asserit sicut Deus apud Hieremiam de ipsa nova Lege prædixit: *in corde eorum scribam illam*, sic enim Paulus ad Cor. 3. *Epistola seu Lex estis Christi manifestata à nobis, & scripta non atramento, sed spiritu Dei vivi; & ad Corinth. 2. Qui autem confirmat nos vobiscum in Christo, & qui unxit nos, Deus, qui & signavit nos, & dedit pignus Spiritus in Cordibus nostris.*

Hinc differentiam inter legem Mosaicam & legem novam Christi assignat post Paulum Augustinus lib: contra Adimantum cap: 17. *Hæc est brevissima, & apertissima differentia duorum Testamentorum timor, & Amor, illud ad hominem veterem, hoc ad novum hominem pertinet.* Lex enim vetus, ut docent Theologi cum Sancto Thoma Doctore Angelico, præcipiebat tantum, & transgressores puniebat, ex se autem, & vi sua non dabat gratiam, ut impleretur ex Amore, Lex autem nova Christi ex se confert gratiam, & Spiritum Sanctum, qui est principium Amoris, ut ex Amore tanquam Filij adoptionis legem novam impleamus, non enim accepistis Spiritum servitutis iterum in timore, sicut in Antiqua Lege inquit Apostolus ad Rom: 8 sed in nova Lege, *Accepistis Spiritum adoptionis Filiorum*

in quo clamamus Abba Pater. Novam itaque Legem gratiæ, & spiritus, quam juxta Hieremiam Deus in Cordibus per inhabitantem Spiritum S. scribere promisit, *Jesus Christus* post his mille annos inanitatis, & post alios bis mille Legis Mosaicæ veniens instituit, in ea Civitate publicè eam promulgavit, ex qua secundum Isaiam promulgari, & exire debeat, nempe in Jerusalem, quia de Sion exhibit Lex, & Verbum Domini de Jerusalem. Isaiæ 2. Omnibus gentibus & populis hanc novam Legem prædicari jussit: *euntes docete omnes gentes.* Mathæi ultimo: quia Isaias cap: 2. dixit: *& fluent ad eam omnes gentes,* & Jeremias cap: 3. dixit ad doctrinam, seu legem dandam in Jerusalem congregabuntur omnes gentes, quæ ad Legem antiquam nunquam pertinebant nec eam acceptabant. Igitur clarissimè patet *Jesum Christum* eam novam Legem instituisse, quæ per *Messiam* secundum Prophetas instituenda erat; ergo *Jesus Christus* verus est *Messias.*

CAPUT IIUM.

In quo ostenditur Sacerdotium, Sacrificia & Cæremonias Veteris Legis, quæ à novo Sacerdote Messia auferri debebant, sublata esse à Jesu Christo, & novum institutum ab eo Sacerdotium, & Sacrificium.

In

IN I. Parte num: 35. Sat clarè ostendimus *Messiam* Sacrificia, cæremonias, & Sacerdotium Veteris Legis abrogaturum, novumquè Sacrificium, & Sacerdotium instituturum fore. Ex *Malachia cap: imo*, ubi Deus Judæis ait: *non est mihi voluntas in vobis, & munus non suscipiam de manu vestra, ab ortu enim solis, usquè ad occasum magnum est nomen meum in gentibus, in omni loco Sacrificatur, & offertur nomini meo oblatio munda.* Sacrificia Veteris legis de Judæorum manibus recusât Deus ampliùs acceptare, illa Sacrificia non poterant secundum legem antiquam alibi offerri, nisi in solo Jerosolymitano templo; ut igitur Deus significaret quod antiquæ Legis Sacrificia abrogare velit, quæ in sola Jerosolymorum urbe offerri debebant, dicit aliud se eligere mundum Sacrificium *mundamquè oblationem* quæ non jam in templo Jerosolymitano, sed *in omni Loco* in toto terrarum Orbe offeretur. Hinc & apud *Isaiam* repudiat Deus non solum Sacrificia Veteris Legis, verùm etiam & Cæremonias, & omnes Solemnitates cap: I. *ne offeratis ultra Sacrificium frustra, incensum abominatio est mihi, Neomeniam, & Sabbatum, & festivitates alias non feram.* Si Deus ampliùs nec Sacrificia, nec Solemnitates, & Cæremonias Judæorum feret; ergo & Sacerdotium antiquæ Legis cassabit, quia vacuum, & prorsus inutile est Sacerdotium sine Sacrificio, Cæremoniis, & Solemnitatibus: imò ipsa Lex verus inanis, & vacua est sine ipsis, utpote: quæ maxima sui parte in Sacrificiis,

crificiis, Cæremoniis, & Solemnitatibus confitebatur. Hinc est quod Deus Messia Filio suo dixit Psalm 109. *Tu es Sacerdos in æternum secundum ordinem Melchisedech.* Non jam secundum Ordinem Leviticum, & Aaronicum, sed secundum alium ordinem, nempe: Melchisedech qui Gen: 14. panem, & vinum offerre solebat, ecce igitur Messiam non solum novam Legem instituturum abrogatâ vetere, sed etiam antiquum Aaronicum simul cum Lege Sacerdotium cassaturum, & novum secundum ordinem Melchisedech Sacerdotium introducturum esse. Id totum complevit Iesus Christus ut ait: Apostolus ad hæbr: 5. *Sic & Christus non semetipsum clarificavit, ut Pontifex fieret; sed qui Locutus est ad eum: Filius meus es tu, ego hodie genui te, quemadmodum & in alio Loco dicit: Tu es Sacerdos in æternum, secundum Ordinem Melchisedech, appellatus à Deo Pontifex juxta Ordinem Melchisedech.* Quale autem Iesus Christus Sacrificium Deo obtulerit? Explicat Apostolus ad hebr: 7. *Talis enim decebat, ut esse nobis Pontifex Sanctus, innocens, impollutus, segregatus à peccatoribus, & excellentior Cælis factus, qui non habet necessitatem quotidie, quemadmodum Sacerdotes prius pro suis delictis hostias offerre, deinde pro populi hoc enim fecit semel se ipsum offerendo.* Igitur Sacerdos Iesus Christus seipsum Deo Patri obtulit Sacrificium pro toto mundo, dum in Cruce pro nobis omnibus mortuus est. Ante Cruentum autem hoc Corporis, & Sangvinis sui Sacrificium Christus Iesus inter-

entum

entum illud idem instituit in ultima Cæna sub speciebus panis, & vini, ut adimpleret Verba psal-
mi 139. *Tu es Sacerdos in æternum secundum ordi-
nem Melchisedech*, qui panem, & vinum Deo
offerre consueverat. Sub speciebus igitur pa-
nis, & vini instituit *Christus Jesus* Sacrificium
Corporis, & Sanguinis sui Mathæi 26. *Cenan-
tibus autem eis accepit Jesus panem, benedixit ac
fregit, deditque discipulis suis, & ait: accipite, &
comedite hoc est corpus meum: & accipiens Cali-
cem gratias egit, & dedit illis dicens: bibite ex
hoc omnes: hic est enim Sanguis meus novi Testa-
menti, qui pro multis effundetur in remissionem pec-
catorum.* Ecce Sacerdos *Messias* secundum Or-
dinem Melchisedech offerens sub specie panis, &
vini Corpus, & Sanguinem suum Sacrificium
Deo Patri in remissionem peccatorum totius
mundi. Hoc idem Sacrificium sub speciebus
panis, & vini iussit Apostolos quotidie, & ubi-
quæ offerre in sui commemorationem dicens: *hoc
facite in meam commemorationem.*

Hæc est igitur illa oblatio munda quæ Deus Ma-
lachiae imo, dixit: sibi offerri in omni Loco; Per
universum enim terrarum orbem quotidie *Jesus
Christus* sub speciebus panis, & vini in Missæ
Sacrificio à Sacerdotibus mundissima oblatio Deo
consecratur. Igitur *Jesus Christus* est verus Sa-
cerdos *Messias* secundum Ordinem Melchisedech,
prædictus à Prophetis, antiqua Sacrificia, &
Sacerdotium abrogaturus, novamquæ mundam
oblationem introducturus. De novo Sacrificio
loquen-

loquentes, congruè statim sermonem institue-
mus de *Messia* occidendo, & offerendo Deo Pa-
tri in Sacrificium pro peccatis totius mundi sit
itaquè.

CAPUT 12mum.

*In quo ostenditur, omnia Vaticinia de
paupertate venditione, despectu, vul-
neratione, & morte Messie impleta
esse in Jesu Christo.*

IN 1. Parte Num: 19. & 34. clarè, & invictè
contra versipelles Judæos ostendimus non
duos Messias futuros, unum divitem, & Magni-
ficum, alterum pauperem, & affigendum. Sed
unum, & eundem *Messiam* secundum suam Di-
vinitatem, & comparatam sibi per totum terra-
rum orbem Ecclesiam, Magnificum Regem esse;
Secundum quod verò in humana natura appa-
ruit, pauperem, affigendum, despectum, & oc-
cidendum fore. Ostendimus etiam Num: 8. 19.
& 34. ad *Messiam* pertinere omnia Vaticinia quæ
hic refferimus ex antiquo testamento. Quò
circa nonnisi ea conferemus cum iis, quæ de
Jesu Christo in Evangelio narrantur. Undè con-
gnoscemus ad amissim completa esse in *Christo*
Jesu quæ de *Messia* passione, & morte per Pro-
phetas prædicta sunt. Adeoque *Jesum Christum*
esse verum *Messiam* Oraculis Prophetarum præ-
dictum.

imo. In 1. Parte Num: 8. & 34. De *Messia*
dicitur

dicitur Psalm: 68. *Ego sum pauper & dolens.*
 Plal: 69. *Ego autem mendicus sum, & pauper.* A-
 pud Zachariam cap: 9. *Filia Ierusalem ecce Rex*
tuus veniet tibi iustus, & Salvator ipse pauper.

Idem in Iesu Christo contigisse testatur Apost:
 Paulus in Epist: ad Cor: 8. *Scitis enim gratiam*
Domini nostri Iesu Christi quoniam propter vos ege-
nus factus est cum esset dives, ut illius inopia vos
divites essetis.

2do. In 1. Par: Num: 34. Zachariæ eodem 9.
 Capite Messias dicitur: *more pauperum in Jeru-*
salem venturus super asinam, seu pullum asinae
sedens: Filia Ierusalem, ecce Rex tuus veniet tibi
iustus, & Salvator ipse pauper, & ascendens super
Asinam, & super pullum filium Asinae.

Id implevit Iesus Christus Math: 21. *Euntes*
autem discipuli fecerunt, sicut praecepi: illis se us, &
adduxerunt Asinam, & pullum & eum desuper se-
dere fecerunt & cum intrasset Ierosolymam commo-
ta est universa Civitas dicens: quis est hic? populi
autem dicebant: Hic est Iesus Propheta à Nazareth
Gallilea.

3tio. In 1. Par: Num: 34. Zachariæ 11. Capite
 de Messia dicitur: *& appenderunt mercedem meam*
triginta argenteos, & dixit Dominus ad me: projice
illud ad statuarum decorum pretium, quo appretia-
tus sum ab eis, & tuli triginta argenteos, & pro-
jeci illos in domum Domini.

Nunc videamus si non ad amissum in Iesu
 Christo hoc Vaticinium impletum sit. Math: 22.
Tunc videns Iudas qui eum tradidit, nempe trigin-

ta argenteis vendidit, quod damnatus esset, pœnitentia ductus retulit triginta argenteos Principibus Sacerdotum, & Senioribus dicens: peccavi tradens Sanguinem iustum. At illi dixerunt, quid ad nos, tu videris, & projectis argenteis in templo, recessit. Ecce Vaticinium de vendito triginta argenteis Messia, & de iis projectis in Templum, ad amulsum completum in venditione Jesu Christi.

4to In Persona Messia dicitur 1. Parte Num: 5. & 8. Psalm 2. Principes convenerunt in unum adversus Dominum, & adversus Christus ejus, & Psalm 21. Circumdederunt me canes multi, Consilium Malignantium obsecut me, ecce in Jesu Christo Completum Math: 26. Principes autem Sacerdotum, & omne Consilium quarebant falsum testimonium contra Jesum, ut eum morti traderent.

5to. Isaïas in 1ma Parte Num: 19. Cap: 53. de Messia ait: non est species ei neque decor, & desideravimus eum despectum, & novissimum virorum. Nonne hæc Christo contigerunt Luc: 23. Sprevit seu despexit illum Herodes cum exercitu suo, & illisit inautum vestie alba, & Math: 27. & expuerunt in eum, acceperunt arundinem, & percutiebant caput ejus, & postquam illuserunt eum, exuerunt eum oblamide: nonne sic Jesus despectus, & novissimus virorum factus est? Idem Isaïas qui Messiam despectum novissimumque virorum cap: 53. dixit, cap: 50. Sic habet in Persona Messia: Corpus meum dedi percutientibus, & genas meas velientibus faciem meam non averti ab increpantibus, & conspuentibus in me. Unde verò Isaïas
ad-

addidit cap: 53. *Non est species ei nequè decor hæc omnia in uno Jesu Christo apprime Completa sunt.* Math: 26. *Tunc expuerunt in faciem ejus, & colaphis eam ceciderunt, alij autem palmas in faciem ejus dederunt.* Quomodo poterat in hac facie esse species vel decor?

610. *Isaias 1. Parte Num: 19. cap: 53. de Messia ait: Vulneratus est propter iniquitates nostras, attritus est propter scelera nostra & Psalm 68. Super dolorem vulnerum meorum adiderunt: nonne hæc in Jesu Christo effectum sortita sunt dum Joannis 19. Apprehendit Pilatus Jesum, & flagellavit, & milites plectentes coronam de spinis imposuerunt capiti ejus, quæ major vulneratio, quis major dolor esse poterat?*

710. *Ostendimus in 1ma Parte Num: 8. & 34. de Messia dicta esse illa Psalmi 21. Foderunt manus meas, & pedes meos, & illa Zachariæ 12. cap: Et aspicient ad me, quem confixerunt sicut & cap: 3tio, & dicitur ei, quid sunt plaga ista in medio manuum tuarum? & dicit: his plagatus sum in domo eorum qui diligebant me.*

Quæ exactè in Jesu Christo completa esse cognoscimus ex illo Joannis 20. cap: *Ille autem nempe Thomas dixit eis nisi videro in manibus ejus, nempe Jesu fixuram clavorum, & mittam manum meam in Latus ejus, non credam; Venit Jesus & dixit infer digitum tuum huc, & vide manus meas, & asser manum tuam, & mitte in Latus meum.* Igitur Jesus Christus perfossus fuit in Latere, & manus, & pedes ejus transossæ fuerunt,

runt
sus
80
vidim
meam
plevit
27. &
& con
imple
9m
21 D
meam
Math
viseru
10
Messi
am,
Christi
os La
& im
reputa
11
Messi
pro tr
haber
non e
12
53. ca
ad oc
luit,
nem a

runt, (sicut de *Messia* prædictum est) ergo *Iesus Messias* prædictus est.

8vo. 1ma Par: Num: 8. & 19. de *Messia* dictum vidimus illud Psalmi 68. *Et dederunt in escam meam fel, Et in siti mea potaverunt me aceto, com-plevit, & id Iesus Christus verus Messias Math: 27. Et dederunt ei Vinum bibere cum felle misum, Et continuo currens unus ex eis acceptam spongiam implevit aceto, Et dabat ei bibere.*

9no. 1ma Par: Num: 8. de *Messia* dicitur Psal: 21 *Diviserunt sibi vestimenta mea Et super vestem meam miserunt sortem id contigit Iesu Christo Math: 27. postquam autem Crucifixerunt eum, dividerunt vestimenta ejus, sortem mittentes.*

10mo. 1ma Par: 19. apud *Isaiam* cap: 53. de *Messia* prædicitur: *tradidit in mortem animam suam, Et cum sceleratis reputatus est verè in Iesu Christo evenit Marc 15. Et cum eo crucifigunt duos Latrones, unum à dextris, Et alterum à sinis. ris Et impleta est Scriptura, quæ dicit: Et cum iniquis reputatus est.*

11mo. 1. Par: Num: 19. Eodem cap: *Isaiæ* de *Messia* dicitur: *Et ipse peccata multorum tulit, Et pro transgressoribus rogavit. Lucæ 23. de Christo habetur. Iesus autem dicebat: Pater dimitte illis, non enim sciunt quid faciunt.*

12mo. In 1. Par: Num: 19. *Messias* *Isaiæ* eodem 53. cap: prædicitur obmutescens, & innocens ad occisionem ducendus. *Oblatus est quia ipse voluit, Et non aperuit os suum, sicut ovis ad occisionem ducetur?* hæc ad amissim implevit *Iesus Christus*

Christus Math: 27, & cum acufaretur à Principibus Sacerdotum, & Senioribus nihil respondit. Tunc dicit illi Pilatus: non anais quanta auersum te dicunt testimonium? & non respondit ei ad ullum verbum: & Petri 2dæ cap: 2do. Qui cum maledicebatur non maledicebat cum pateretur, non conminabatur, traiecit autem iuranti se injurie. Quoniam tam particularia, tanquæ diverlarum, & singularium circumstantiarum vaticinia de Messia à Prophetis prædicta, in Jesu Christo omnimodè impleta esse videamus, quæ in nemine alio practicata esse constat, nemo nisi lapide durior non sentiat Jesum Christum verum fore Messiam à Prophetis prædictum, & præsignatum.

CAPUT 13tium.

In quo ostenditur; ea vaticinia in Jesu Christo impleta esse, quæ prædicunt Messiam peccata hominum in se portaturum, pro eis occidendum, sua morte, suoquæ sanguine homines Redempturum, & Salvaturum, peccata deleturum, justitiâquæ adducturum esse.

QUæ ex antiquo Testamento adducemus Testimonia, jam in Parte prima demonstravi de Messia dicta esse. Unde hic cum testimoniis novi testamenti ea non nisi conferemus (sicut
&

& in aliis capitibus egimus) Annotatis tamen ubiq; numeris primæ partis, sub quibus de hujusmodi testimoniis tractavimus; *Messiam* peccata hominum in se suscepturum, ut ab illis homines liberet, & sanet sua morte, & suo sanguine; probavimus in prima parte Num: 120 ex his *Isaïæ 53. vere langviores nostros ipse tulit, & dolores nostros ipse portavit, ipse vulneratus est propter Iniquitates nostras, atrox est propter scelera nostra, & lavore ejus sanati sumus.*

Eadem de Christo *Jesu* testatur Petrus Epistola prima cap: 2do. *Qui peccata nostra ipse pertulit in Corpore suo super lignum. ut peccatis mortui, justitiæ vivamus, ejus lavore sanati estis.*

2do. Eodem 53. *Isaïæ* cap: de *Messia* habetur: propter scelus populi mei percuti eum; *Justificabit ipse justus meus multos.* Christus *Jesus* *Matth: 27.* ait: hic est Sanguis meus novi Testamenti, qui pro multis effundetur in remissionem peccatorum.

3tio. In 1. Par: Num: 26. *Daniel 9.* à *Messia* delendam iniquitatem, & adducendam justitiam prædicat: ut consumetur prævaricatio, & finem accipiat peccatum, & deleatur iniquitas, & adducatur justitia semperiterna, & ungatur Sanctus Sanctorum, & post hebdomades sexaginta duas occidetur Christus

Apostolus Paulus de *Jesu Christo* ait: ad Rom: 5. Cap. Christus pro nobis mortuus est, multo igitur magis nunc justificati in Sanguine ipsius, salvemur ab ira per ipsum.

4to. In 1. Par: num: 32. Habacuc in oratione

sua de Messia ait: egressus es in salutem populi tui in salutem cum Christo tuo. Et Ilaías cap: 51. prope est, justus meus, egressus est Salvator meus: his concordant, quæ de Christo Jesu Lucas ait: cap: 1. ipse enim salvum faciet populum suum à peccatis eorum; Et illa ad Epheseos 1. de Christo Jesu dictis. In quo habemus redemptionem per Sangvinem ejus remissionem peccatorum: & ad Titum 2. Expectantes beatam spem, & adventum gloria magni Dei, & Salvatoris nostri Jesu Christi, qui dedit semetipsum pro nobis, ut nos redimeret ab omni iniquitate, & mundaret sibi populum acceptabilem.

Ecce igitur quæ Prophetæ de Messia prædixerunt nempe: Ilaías Messiam portaturum peccata populi, propter ea atterendum, vulnerandum, & occidendum, nosq; ejus livore à peccatis lavandos, per ejus mortem justificandos multos. Daniel vero, à Messia delendam iniquitatem, adducendam justitiam, seu remissionem peccatorum. Habacuc vero & alij Messiam Salvatorem in salutem populi venturum esse. Hæc omnia vidimus ex adductis novi Testamenti Locis ad amissim in Jesu Christo completa, & effectum sortita esse; igitur Jesus prædictus à Prophetis Messias esse debuit.

CAPUT 14^{um}.

De cæteris Messie notis in JESU Christo impletis.

IN primis Psalmum 21mum probavimus in 1. Parte Num: 8. de *Messia* dictum esse. In hoc Psalmo de *Messia* hæc habentur. *Omnes videntes me, deriserunt me, locuti sunt Labiis, & moverunt caput: Speravit in Domino, eripiat eum, saluum faciat eum, quoniam vult eum.* De Verbo ad Verbum illusionem hanc Christo in Cruce pendenti Judæi struxerunt improperantes ei. *Alios salvos fecit, seipsum non potest saluum facere, confidit in Deo, liberet nunc, si vult eum.* Math: 27.

Eodem Psal: 21. *Messias* inducitur exclamans: *Deus Deus meus respice in me, quare me dereliquisti?* eadem omnino Verba Jesus exspirans ingeminavit. Mathæi 27. *Et circa horam nonam clamavit Jesus voce magna, Deus meus, Deus meus, ut quid dereliquisti me?* en ubiquè concordiam summam Vaticiniis cum gestis *Jesu Christi*.

Post hæc narrat Evangelista Matth: eodem cap: 27. à sexta autem hora tenebræ factæ sunt super universam terram, usquè ad horam nonam, & ecce velum templi scissum est in duas partes, à summo usquè deorsum, & terra mota est, & petreæ scissæ sunt, & monumenta aperta sunt, & multa Corpora Sanctorum qui dormierant, surrexerunt; Centurio autem, & qui cum eo erant, custodientes Jesum, viso terræ motu, & his, quæ fiebant, timerunt valde, dicentes: *Vere Filius Dei erat iste.* Hæc tam patentia, & stupenda miracula narravit, & scripsit Matthæus coram Judæis recenti adhuc memoriâ res illas tenentibus, si falsâ Matthæus narrasset, utiquè statim à Judæis falsitatis, & imposturæ convictus fuisset; quod

tamen nunquam factum est. Hic animum stu-
por invadit Centurionem, ad hæc miracula cum
suis militibus *Jesum* cognovisse *Dei Filium* fore,
Judæos autem ipsis saxis duriores, hic manum
Dei non videre. Decreto Patris æterni satisfacere
voluit *Jesus Christus*, & mortem pro peccatis
mundi subiit in Ligno Crucis *Jesus Dei Filius*
oblatus est in ara Crucis Deo Patri, ut justificaret
ipse *Jesum* multos. *Isaia* 53. Unde & Deus
Pater demonstravit in morte *Jesu* Eum esse Fi-
lium suum, sicut cognovit Centurio cum mul-
tis aliis. Hinc plurima simul in morte *Jesu* con-
currerunt miranda, & stupenda Divinitatem
ejus demonstrando. Cur enim in nullius alie-
rius morte terra insolitis motibus conquassata,
impræcabilis defectio solis, mortuorum è se-
pulchris resurrectio, & veli templi nullo manus
admovente scissio, petrarum saxorumque spon-
tanea confractio? cur (inquam) similia in nulli-
us, nisi in morte *Jesu Christi* facta sunt? verè
saxis ipsis durior omnino sit, qui ex his non ag-
noscat *Jesum* esse *Dei Filium*, & promissum à
Deo pro peccatis mundi occidendum *Messiam*.

In I. Par: Num: 7. ostendi *Messie* corpus in
sepulchro non corruptum iri, ideoque *Messiam*
resurrecturum esse. juxta illa *Psalmi* isti. *Caro*
mea requiescet in spe, quoniam non derelinques ani-
mam meam in inferno, nec dabis Sanctum tuum vi-
dere corruptionem. *Jesu Christi* corpus non vi-
dit corruptionem, quod requiescebat in spe in-
corruptionis, & resurrectionis; post tres enim
dies

dies à sua morte resurrexit *Jesus Christus* è sepulchro. Matthæi 28. Respondens autem Angelus dixit mulieribus: nolite timere, Vos; scio enim quod *Jesus*, qui Crucifixus est, quavis, non est hic: Surrexit, sicut dixit, venite, & viaete locum, ubi positus erat. Sed & Iosephus Judæus id minime negat libr: 18. Antiq: cap: 4 Post triduum enim rediens *Jesus* ipsis apparuit, cum Dicim Propheta hæc, aliaque innumera prodigia de eo nuntiassent. Celeberrimus etiam Judæorum Doctor R. Jehuda Haccadosch in Libr: R. Abrahami qui egale ratsi hoc est revelans arcana inscribitur sic dixerit: Post triduum vero anima *Messie* ad Corpus suum revertetur, & exibat ex illo Lapide, in quo erit sepultus sicut dictum est: Exodi 33. Ecce Locus est apud me stabis super petram, cumque transierit gloria mea, ponam te in foramine petreæ, Complevit hæc *Messie* resurrectionem *Jesus* post triduum resurgens; igitur ipse *Messias* fuit.

Vidimus e iam in I. Parte Num: 14. de *Messia* dictum esse. Isaïæ II. Cap. In die illa radix *Jesse* qui stat in signum populorum, ipsam gentes deprecabuntur, & erit sepulchrum ejus gloriosum, hæc Prophetia eventum habet in sepulchro *Jesus Christi*. Quam enim gloriosum sit sepulchrum *Jesus*, imprimis patet ex eo, quod magnificentissimâ Ecclesia decoratum fuerit à Constantino magno Imperatore, ut refert Eusebius in vita Constantini Libr: 3. quam Ecclesiam cum diruerent Saraceni sub Hakemo Ægypti Calipha, scribit

Ademarus,

Ademarus, statim Deo vindice fame, & gladio perierunt, Ecclesia verò à Christianis restaurata, cujus nunc Custodia Fratribus minoribus concredita est. Penes hoc sepulchrum plurima in dies à Scriptoribus referuntur patrata miracula, quæ non mediocrem ei gloriam addunt. Deinde tot peregrinationis votis ex universa Christianitate, tot etiam Principum Tutela gloriosissimum est *Jesu Christi sepulchrum*, quod gloriosum fore prædixerat *Isaias*. Nunc tandem accedamus ad examinandas 70. hebdomadas *Danielis*, in quarum ultima *Messias* occidi debuit; Videamusquæ si in ultima harum *Jesus Christus* occisus sit, proindequæ verus *Messias* à *Daniele* prædictus haberi debeat.

CAPUT 15tum.

In quo demonstratur Jesum Christum in ultima septuaginta hebdomadarum Danielis occisum esse, ideoquæ prædictum à Daniele, & aliis Prophetis Messiam fore.

JN I. Parte Num: 26. adduximus hoc vaticinium *Danielis*, & probavimus illud de *Messia* dictum esse, sed quia appromisimus id ipsum hoc loci uberiùs nos examinatu-
ros fore, id cir-
cò denuò illud referemus.

Tempore *Darij Medi* prope finem captivitatis

70. Annorum, Daniel ex Jeremia, & Isaia probè cognoscens dictam captivitatem jam jam laxandam esse, non jam de laxanda captivitate, sed de restaurandis Civitate, & templo Deum vehementer rogat (ut patet ex Capite 9. Danielis) quo circa Deus Angelum Gabrielem ad consolandum Daniele misit, qui ei promisit tùm Civitatem, cùm templum restauratum iri; sed alteram Templi, & Civitatis desolationem futuram perpetuam; consolando tamen, tunc desideratum Messiam adventurum, peccata deleturum, & justitiam sempiternam adducturum. Quocirca falso ait: Josephus hic Angelum sola prospera Danieli auguratum esse. Sic Angelus Gabriel Danieli loquitur cap: 9. Danielis *septuaginta hebdomades abbreviate sunt super populum tuum, & super Urbem Sanctam tuam, ut consummetur pravaricatio, & finem accipiat peccatum. & deleatur iniquitas, & adducatur justitia sempiterna, & impleatur visio, & Prophetia, & ungatur Sanctus Sanctorum; Scito ergo, & anima verte ab exitu sermonis, ut iterum aedificetur Jerusalem, usq; ad Christum Ducem hebdomades septem, & hebdomades sexaginta duæ erunt, & rursus aedificabitur platea, & muri in angustia temporum, & post hebdomades sexaginta duas occidetur Christus, & non erit ejus populus, qui eum negaturus est, & Civitatem, & Sanctuarium dissipabit populus cum Duce venturo, & finis ejus vastitas, & post finem belli statuta desolatio. Confirmabit autem pactum hebdomada una, & in dimidio hebdomadis deficiet hostia, & sacrificium, & erit in templo abominatio desolationis*

lationis & usq; ad finem, & conimmationem per-
severabit deſolatio.

Hoc Vaticinium de *Meſſia* dictum eſſe faten-
tur Primores Rabbiorum, R. Barachias in Bere-
ſith Rabba. R. Moſes ben Nachman. R. Samuël,
& alij: Sed quamvis negare vellent Judæi illud
de *Meſſia* dictum eſſe, iſtis vaticinij verbis con-
vincuntur. Quisnam eſſe poteſt *Sanctus Sancto-
rum*, id eſt: omnium Sanctiſſimus, niſi ſolus
Meſſias? quo Sanctiorem Judei ipſi neminem
agnoscunt. *Sanctus* autem *Sanctorum* eo modo
ſignificat omnium Sanctiſſimum, ſicut Rex Re-
gum ſignificat Regem omnium maximum; igitur
hic nomine *Sanctus Sanctorum* indicatur *Meſſias*,
quô nemo Sanctior eſt: quocirca in vaticiniis
additur vox *Chriſtus*, quæ Græce idem ſignifi-
cat, quod heb aicè *Meſſias*. Deinde prædictus
Chriſtus, ſeu *Sanctus Sanctorum* dicitur deleturus
iniquitatem, & adjuſturus eſſe juſtitiam ſempi-
ternam. Hoc autem ſoli *Meſſia* competit, ut-
potè, de quo Iſaie cap: 53. in 1. Parte num: 19.
dictum vidimus, *ipſe vulneratus eſt propter ini-
quitates noſtras, cujus livore ſanati ſumus, juſtifica-
bit ipſe juſtus ſervus meus multos*. Igitur conſtare
debet in vaticinio Danielis prædictum eſſe *Meſ-
ſiam*, qui ſolus peccata delere, & juſtitiam ſem-
piternam afferre poteſt, & qui tot in locis Sal-
vator, & ſalus noſtra, idcirco dictus eſt, 1. par-
te num: 18. 19. & 32, & in 2. parte Cap: 13.

Nunc ſingula puncta dicti Vaticinij expendamus: *Septuaginta hebdomades abbreviata ſunt ſuper
populum*

populum tuum (o Daniel) & super Urbem Sanctam
tuam, nempe decisse, & definitæ sunt à Deo se-
ptuaginta hebdomadæ, in fine quarum eventu-
ra sunt: ut consumetur prævaricatio, & finem acci-
piat peccatum, & deleatur iniquitas, & adducatur
iustitia sempiterna. Nempe: ut morte, & Sangui-
ne Messie seu Christi deleatur iniquitas, præva-
ricatio, & peccatum, quod ab Adamo hucus-
que in mundo regnavit. & adducatur status ille,
in quo homines à peccati iugo liberati, & Deo
morte Messie reconciliati, in perpetua rectitudi-
ne, & iustitia vivere valeant, sicut prædictum
pariter vidimus ab Isaia 1. Parte Num: 19. & 32.

Hebdomadæ autem illæ, in quarum fine ea
eventura sunt, non sunt hebdomadæ mensium,
aut Iubilæorum, prout blaterant protervi qui-
dam Judæi, sed sunt hebdomadæ annorum, ut-
potè quas reperimus in usu fuisse apud anti-
quos hebræos ex illo Levitici 25. Numerabis tibi
septem hebdomades annorum, id est: septies septem
quæ simul faciunt quadraginta novem. Unde Do-
ctissimi Rabbini Abrabaniel, & Aben Ezra hebdo-
mades Danielis, hebdomades annorū esse censent
in expositione capitis vni Danielis. Illum etiam
morem numera di hebdomadas annorum anti-
quis temporibus viguisse testantur Scriptores
gentiles Macrobius lib: 1. in somnium Scipionis
cap: 6. post ter septenos annos, quarta annorum heb-
domas, & Varro apud Aulum Gellium lib: 3.
noctium Atticarum cap: 10. se de 10 leviann anno-
rum hebdomadam ingressam esse affirmat, id est:

octava.

octuagesimum annum.

In fine harum hebdomadarum futurum esse dicitur, ut non solum deleatur iniquitas, sed *Et impleatur visio, Et Prophetia*. In fonte hebraeo, & versione Graeca habetur: *ad sigillandum visionem, Et Prophetiam*, nempe quod sigillabitur, & finietur, seu complebitur in *Messia* omnis Prophetia. *Et ungatur Sanctus Sanctorum*, nempe: regnum suum inchoabit *Messias* sicut Reges regnare incipiunt, dum unguntur.

Scito ergo *Et animadvertite*, nempe: bene attende, ab exitu sermonis, ut iterum aedificetur *Jerusalem*, quando exhibet sermo, seu edictum, seu facultas ad aedificandam iterum *Jerusalem*, igitur ab aliquo Rege facultas sermone dabitur, ut iterum aedificetur *Jerusalem*. Ab exitu illius sermonis, ut iterum aedificetur *Jerusalem*, usque ad Christum Ducem, (nempe: *Messiam*) hebdomades septem, *Et hebdomades sexaginta duae erant, Et rursum aedificabitur platea, Et muri in Angustia temporum, Et post hebdomades sexaginta duas occidetur Christus*. Non frustra separatim ponuntur hebdomadae septem, & separatim hebdomadae sexaginta duae. Nam aliquid particulare post septem hebdomadas fieri debebat, nempe: ut innuitur aedificanda platea, & muri Civitatis; post septem autem illos aedificationis annos numerari debere hebdomadas sexaginta duas, post quas occidetur *Christus*, septem autem, & sexaginta duae hebdomadae faciunt sexaginta novem, ergo *Christus* occidi debuit post sexaginta novem hebdomadas

domadas Danielis; ergo in dimidio septuagesimæ; quocirca additur in Vaticinio quia *confirmabit pactum hebdomada una, & in dimidio hebdomadis deficiet bestia, & Sacrificium*: tunc enim novum Sacrificium pro peccatis totius mundi *Christus* Deo offeretur, seu occidetur.

Nunc ergo edictum, seu facultatem ædificandæ Jerusalem ab aliquo Rege datam inquiramus, & videamus, an ab illa facultate data interfluxerint sexaginta novem hebdomadæ annorum, ita; ut in dimidio septuagesimæ occisus sit *Jesus Christus*?

Tria inveniuntur Edicta Scripto data in gratiam Judæorum; unum à Cyro Rege Persarum Lib: 1. Esdræ. Cap: 1. Secundum à Dario Histaspæ Lib: 1. Esdræ Cap: 6, sed quia hæc Edicta non fuerunt pro ædificanda urbe, verum pro instaurando duntaxat templo collata; ideo nō possunt dici *exitus sermonis, ut iterum ædificetur Jerusalem*. Aliud fuit datum Edictum ad instaurandam urbem Jerusalem à Rege Periarum Artaxerxe Anno ejus Regni vigesimo; sed quia ab eo pauciores Anni interfluxerunt, quam hebdomadæ septuaginta contineant, & etiam quia Scripto fuit datum, non solo sermone; ideo non cohæret cum verbis Vaticinij *ab exitu sermonis*. Ideo invenimus aliam facultatem ædificandæ urbis Jerusalem sermone datam ab eodem Artaxerxe Anno 7mo Regni sui, Lib: 1. Esdræ cap: 7. Ubi Artaxerxes Edictum quidem principaliter Esdræ dedit ad docendum Judæos *Legem Dei*,

& ad offerenda Sacrificia , sed sat superquē col-
ligitur, etiam tunc Artaxerxem sermone, & in
colloquio cum Esdra eidem dedisse facultatem
muros. & Civitatem instaurandi; nam eodem
Capite legitur *Et dedit ei Rex omnem petitionem
ejus*: Possibile autem non est, quod Esdras Re-
gi familiarissimus, & instaurandæ urbis scien-
tissimus tunc Regem non petierit de urbe in-
stauranda. Versu etiam 18. Ejusdem Capituli
Artaxerxes legitur Esdræ dixisset: *Sed Et si quid
tibi, Et Fratris tuis placuerit de reliquo argento,
Et auro, ut faciatis, juxta voluntatem Dei vestri
facite*. Igitur signum est; tunc Artaxerxem Esdræ
Sermone, & in colloquio concessisse etiam ædifi-
cationem urbis, siquidem beneplacito ejus, &
Judæorum omnia commisit. Et quia ista facul-
tas ædificandæ urbis non scripto, sed sermone
data est, apprinē coheret cum illis verbis Va-
titionij *ab exitu sermonis*: prævidit etenim Deus
Artaxerxem Anno 7mo. Regni sui dando om-
nem petitionem Esdræ, etiam sermone ei con-
cessurum ædificandam urbem; quo circa per
Angelum Danielis Cap: 9. dixit: *ab exitu sermo-
nis*, & indicavit ab illo *exitu sermonis*, ut ædifi-
cetur *Jerusalem* numerandas esse prædictas septu-
aginta hebdomades.

Quod verò post hanc acceptam sermone fa-
cultatem reparandæ Urbis Judæi eam non repa-
raverint, ideo factum est, quia Samaritani, &
alii hebræorum inimici armata manu, eos ab o-
pere deterruerunt, atquē idcirco Anno vigesi-
mo

mo Artaxerxis publicum accipere edictum cōa-
cti fuerunt, & nihilominus etiam tunc à Sana-
ballate, & Ioba Ammanite, & aliis inimicis
plurima impedimenta in ædificandis muris passi
fuerunt.

Igitur ab exitu sermonis, ut iterum ædificetur
Ierusalem facti Anno 7mo Regni Artaxerxis nu-
merari debent septuaginta Danielis hebdomadæ.
Qualibet hebdomada facit 7. Annos. Septua-
ginta hebdomadæ faciunt Annos 490.

Sed quia *Messias*, seu *Christus* occidi debet
juxta Vaticinium, in dimidio hebdomadis se-
ptuagelimæ, ab hebdomada septuagelima detra-
hi debent tres Anni cum dimidio, & sic ex 490.
Annis manebunt 486. Igitur ab anno 7mo Re-
gni Artaxerxis ad occisionem *Messie* seu *Chri-
sti* numerandi sunt Anni 486.

Eusebius in Chronico asserit: Artaxerxem
Longimanum, de quo loquimur in istè Regno
Anno primo Olympiadis septuagelimæ nonæ,
seu Anno periodi Julianæ 4250, ante aram vul-
garem Anno 463. Idem testatur Julius Africa-
nus exactissimus temporum explanator, quem
Eusebius exscripsit in Chronico. Diodorus Sic-
culus etiam Lib: II. Bibliothecæ refert Xerxem
Patrem Artaxerxis occisum fuisse Anno 4to
Olympiadis septuagelimæ octavæ, ipsumquæ
Artaxerxem cepisse regnare Anno sequenti,
nempe: Anno primo Olympiadis, septuagelimæ
nonæ; qui concurrit cum Anno Periodi Julia-
næ 4250; Igitur septimus Annus Regni Artaxer-

xis concurrat cum Anno 3tio Olympiadis octuagelinae, Olympias enim continet 4. Annos. Cum autem Annus septimus Regni Artaxerxis concurrat cum Anno 3tio Olympiadis octuagelinae, concurrat cum Anno Periodi Julianae 4256; cum Anno autem ante æram vulgarem 457.

Præterea sciendum est, æram vulgarem esse, quam à Christo Domino nato numeramus. Illius Annus modo numeratur 1757. hujus æræ vulgaris, seu Christianæ, Author est Dionysius Exiguus Abbas. Sed juxta omnes Chronologos constat Dionysium errasse in assignando initio æræ vulgaris, nam *Jesús Christus* 4. Annis ante illam æram natus est; quòcirca Crucifixus fuit Anno æræ vulgaris 29, tunc enim attigit annum ætatis suæ 33. quodd autem *Jesús Christus* Crucifixus sit Anno ætatis suæ 33, constat: nam Lucæ 3. Cap: dicitur: cum autem baptizaretur omnis populus, & Jesu Baptizato, & orante apertum est Cælum, & ipse *Jesús* erat incipiens, quasi Annorum 30. ergo tempore sui Baptismi *Jesús* incæpit Annum ætatis Trigesimum: post Baptismum autem *Jesús* tria Paschata trium Annorum peregit, unum Joannis cap: 2do; alterum Joannis Cap: 5to. 3tium verò ante Passionem: ergo *Jesús* Trigesimo tertio Anno ætatis suæ Crucifixus est. His positis, & explicatis, nunc sic probatur, & demonstratur *Jesum Christum* Crucifixum esse in dimidio hebdomadis septuagesimæ Vaticanij Danielis.

Dimidium dictæ hebdomadis septuagesimæ
(ut

ut ostendimus) est Annus 486. numeratus ab Anno septimo Regni Artaxerxis, sed *Jesus Christus* Crucifixus est Anno 486. numerato ab Anno 7mo Regni Artaxerxis, ergo *Jesus Christus* Crucifixus est in dimidio hebdomadis septuagesimæ Danielis. *Probatur Propositio minor:* Annus 7mus Regni Artaxerxis, (ut vidimus.) est Annus Periodi Julianæ 4256, sed huic Anno Periodi Julianæ 4256, si addas Annos 486, Vaticinij Danielis, habetur Annus periodi Julianæ 4742. quo *Jesus Christus* Crucifixus est, ergo *Jesus Christus* Crucifixus est in dimidio hebdomadæ septuagesimæ Danielis. *Probatur minor Propositio:* Juxta omnes Chronologos Annus imus æræ vulgaris est Annus 4714. Periodi Julianæ, sed si anno huic 4714. Periodi Julianæ addas Annos æræ vulgaris 29, quò *Jesus Christus* Crucifixus est, habes Annos Periodi Julianæ 4742, quò Anno finiuntur 486, Anni Vaticinij Danielis. Ergo *Jesus Christus* morte sua ad amissim adimplevit Vaticinium Danielis in dimidio hebdomadæ septuagesimæ ejus Crucifixus.

Quod idem sic brevius ostenditur: Annus 7mus Regni Artaxerxis (ut mox diximus:) est Annus periodi Julianæ 4256, ab hoc igitur Anno, usque ad Annum imum æræ vulgaris, quem mox diximus juxta omnes Chronologos esse Annum Periodi Julianæ 4714, effluerunt Anni 457, quibus si addas Annos æræ vulgaris 29, quò Anno *Jesus Christus* Crucifixus est, comperies ab Anno 7mo Artaxerxis ad obitum *Jesu Christi* inter-

interfluxisse Annos 486 Vaticinij; adeoque
Christum Dominum Crucifixum esse in medio heb-
 domadis septuagesimæ sicut de *Messia* prædi-
 ctum est à Daniele Propheta: hinc *Jesus Chri-*
stus verum ab omnibus *Messiam* agnolci debere.

Sed & cætera omnia ejusdem Vaticinij pun-
 cta in morte *Jesus Christi* completa sunt exactis-
 simè; Nam imò in hoc Vaticinio is venturus
 prænuntiatur, in cujus adventu cessabunt visi-
 ones, & Prophetiæ; Certum autem est à tem-
 pore *Jesus Christi* Prophetas in Synagoga cessasse
 (ut Judæi ipsi vel inviti fatentur:) 2^{to} is prædi-
 citur, quò occiso Civitas Jerusalem, & Sanctu-
 arium dissipari debebat. At non longo post
 Christi mortem tempore utrumquè à Tito Ve-
 spasiano dissipatum est, & hucusquè minimè in-
 stauratum. 3^{to} is prænuntiatur venturus, quò
 moriente deficiet hostia, & Sacrificium: At u-
 trumquè post mortem *Jesus* defecisse experiuntur
 Judæi, qui everisò templo Jerosolymitano, in
 quo solo Sacrificia offerre poterant nullo ampli-
 us gaudent sacrificio. 4^{to}. Is idem prædicitur,
 quò mortuò futura erat in templo abominatio,
 desolationis usquè ad finem, & consummatio-
 nem duratura; At id Judæi nunc oculis usur-
 pant, sunt enim omnibus exili, patrio solo pul-
 si, dispersi, abjecti, miseri, extorres, sine Patria,
 sine Principe, sine Sacerdote, sine Sacrificio, sine
 templo, sine Propheta vagabundi. Refert *Mar-*
cellinus Scriptor Ethnicus Imperatorem Julianum
 Apostatam voluisse in odium Christianæ religio-
 nis

nis Judæis Templum instaurare, sed flammâ è fundamentis erumpente Judæos ab opere deter-
ritos omnem recuperandi templi spem abjecisse.

Cum enim Daniel dicto cap. 9. dicat : *erit in templo abominatio desolationis usque in finem, & consummationem sæculi*, & Isaias 25. Cap: *pejisti Civitatem in Cumulum, & urbem fortem in ruinam domum alienorum, ut non sit Civitas, & in sempiternum non aedificetur*. Et Jeremias cap: 19. hæc dicit Dominus exercituum: *Sic conteram populum istum, & Civitatem istam, sicut conteritur vas singuli quod non potest ultra instaurari*. Et cum videant Judæi à morte Jesu Christi tot jam sæculis Civitatem, & Templum prostrata & irrestitu-
rata jacere non ne hæc est ruina, & desolatio in perpetuum duratura a Prophetis prædicta non alia de causa, nisi ob verum Messiam Jesum Christum ab ipsis occisum, à cujus morte ea desolatio capit. Cum perpetua futura sit Jerosolymæ, & status Judæici desolatio, ut ex Isaiâ, & Jeremia, & Daniele mox citatis constat, cur cæci Judæi contra expressâ Prophetarum suorum Vaticinia se, & Civitatē in pristinum statum adducendos esse protervè sibi, & falso blandiuntur?

Hinc placet Judæos alloqui verbis S. Joannis Chrysostomi oratione 3tia adversus Judæos. „Ete-
nim si impostor erat Jesus quemadmodum dici-
tis, Legisquè transgressor, par erat, ut hanc
etiam laudem ferretis, qui talem occideretis.
Nam si Phinees unico tantum perempto homi-
ne totam Numinis iram adversus populum exar-

„descendentem sedavit, stetit enim inquit Scriptura
 „Pſalm 105. Phinees, & placavit. & cessavit quaf-
 „ſatio, tamquē multos homines eripuit ab ira
 „Divina unius hominis cæde, multo magis hæc
 „vobis oportuit accidere, ſi Legis transgreſſor
 „erat, quem vos Crucifixiſtis, cur igitur, quæ-
 „ſo? Phinees viro Legis transgreſſore perempto
 „Juſtus habitus eſt, & Sacerdotio honoratus, vos
 „autem, quum in Crucem egiſtis Virum impo-
 „ſtorem ut dicitis Deoque adverſantem, quomo-
 „do ſit, ut non ſolum non feratis Laudem, &
 „honorem, verum etiam acerbiora paſſi ſitis,
 „quàm tùm, quum filios veſtros inſultaretis. An
 „non iſtud perſpicuum eſt etiam vehementer
 „tardis, & hebetibus, quod poſteaquam adver-
 „ſus Servatorem, ac Principem Orbis impiè egi-
 „ſtis, talis vindicta de vobis ſumpta ſit.

BREVIS REFLEXIO

*Super manifeſtatione Judeorum coram
 Officio Illuſtriſſimi ac Reverendiſſimi
 Lrni D. NICOLAI à Debowa Gora
 DEBOWSKI Episcopi Camenecenſis
 Die 2. Menſis Auguſti, Anno 1750.
 facta.*

Nonnulli Judæi variis ex Civitatibus, & locis
 Regni Noſtri Poloniae congregati Thalmu-
 diſtarum cæcitatem, pertinaciam, & commenta
 ultra ferre non valentes; coram Officio Illuſtriſ-
 ſimi

simi Episcopi Camenecensis Viri Zelo Fidei, toto orbe commendati comparuerunt, ubi contra Thalmudistarum falsam doctrinam, ea quæ ex Scriptura Sacra sincerè colliguntur novem Puncta publicâ manifestatione agnoverunt.

Brevitati studere volens totam manifestationem opusculo meo non infero: Puncta tamen, quæ Judæi manifestantes contra Thalmudistas publicè agnoscunt, operæ pretium esse duxi hoc loci perpendere; eo vel maximè titulo, quod sicut libellus meus nullum omninò contra Judæicam perfidiam argumentum prætermisit, ita omnia horum sincerius veritatem consentientium Judæorum contra versipelles Thalmudistas porrecta in manifestatione puncta in eodem meo libello sat, superq; illustrata maneant. Quocirca loca hic nonnisi adnotabo, quibus quodlibet Punctum fusè in libello meo pertractatum est; ne si iterato puncta illa hic examinarem, actum agere videar.

In ea Manifestatione Judæi propriissimis DEI Nominibus *Jehova, Adonai, & Elohim* jurant se novem puncta firmitè tenere, eademq; dispersos alibi Judæos contra Thalmudistas confiteri.

Primum, Secundum, & Quartum Punctum dictæ Manifestationis Judæorum nihil peculiare, & observatione dignum præfere.

Tertio autem Puncto præfatæ Manifestationis habetur hæc Propositio: *Thalmud rejiciendum, uti plenum inauditâ in Deum blasphemii*; Plurima certè in Thalmude absurda reperiuntur. Sed quæ

de venturo *Messia* Rabbi in Thalmude fatentur, instar argumenti solidi contra ipsos nobis servire debent; Quocirca sic ipsos, ex seipsis in pluribus Opusculi nostri locis convincimus.

Quinto Puncto hæc habetur propositio: *Idem Deus est Trinus in Personis, quæ Personæ secundum Divinitatem sunt indivisæ.* Catholicus Theologus hanc veritatem melius exprimere non poterat, quam etiam nos evicimus ex antiquo Testamento in 1. Parte Num: 12. & in 2. Parte cap: 7. ubi distinctionem realem Filij à Patre, & nihilominus identitatem in natura ostendimus. Potest etiam hæc veritas probari ex illis: *Isaie locis num: 17. in 1. Parte adductis;* ubi Deus Pater Spiritum suum Sanctum Filio se dare asserit: Hinc Tres Personæ Pater, Filius, & Spiritus Sanctus in una numero Divinitate reperiuntur licet subobscurè in antiquo testamento; luce tamen Evangelij adhibita clarescunt.

Sexto Puncto iidem Judæi fatentur: *Possibile est Deum assumere humanam naturam, & passionibus (præter peccatum) subjici.* Hanc demonstravimus de Filio DEI in 1. Parte Num: 23. & Eum Incarnatum esse in 2. Parte cap: 7. nempe: *JESUM Christum.*

Septimo Puncto docent: *Jerusalem juxta Prophetas non edificabitur.* Hoc ob oculos Judæis posuimus in 1. parte: Num: 21. pag: 42. aliisq; in locis. Et in 2. Parte Cap: 15. pag: 158.

Octavo Puncto dicunt: *Messias in Scripturis promissus jam non veniet.* Nos Eum venisse stan-

te adhuc templo à Zorobabele ædificato invicte ostendimus 1. Parte Num: 33. Eumq; esse **JESUM CHRISTUM** totâ 2. Parte.

Nono Puncto. Contitetur: Ipse Deus solvet maledictionem latam in Primos Parentes, & genus eorum, & hic est verus Messias incarnatus. Hanc veritatem ostendimus in 1. Parte num: 23. Et in 2. Parte cap: 13. & 15.

EPILOGUS.

QUoniam Judæi in sua manifestatione fatentur *Messiam* amplius non venturum, utiq; ideo, quia cognoscunt Eum jam venisse; alias enim turpiter Divini Prophetæ mentiti fuissent, promittentes *Messiam* desideratissimum venturum, qui tamen nec venerit, nec venturus sit: Quod juxta Judæos ipsos impossibile est. Hinc dum Judæi manifestantes asserunt: *Messiam* in Scripturis promissum, non jam venturum esse, signum est eos dicere velle: *Messiam* promissum jam advenisse: quod etiam nos ita invicte in 1. Parte num: 33. demonstravimus; ut nihil solidi opponere Judæi valeant. Cum autem *Messias* promissus advenerit stante adhuc Templo à Zorobabele ædificato, (ut loco mox citato ostendimus) velint, nolint, Judæi sciri debent *Messiam* illum promissum fuisse **JESUM CHRISTUM**. Ille quippè est promissus verus *Messias*, in quo unum omnia, & singula veteris Testamenti de *Messia* Vaticinia ad amissim completa

pleta sunt; Ostendant mihi Judæi aliquem fuisse, præter *JESUM CHRISTUM* tempore, quo stetit Templum à Zorobabele ædificatum usque ad Ejus ruinam, in quo omnia, & singula Prophetarum de *Messia* Vaticinia impleta sunt; & ego cum ipsis Eundem, ut verum *Messiam* venerabor, & adorabo; Cum verò id ipsi nusquam ostendere possint, ego in hoc Opusculo meo omnia totius veteris Testamenti de *Messia* prolata Vaticinia solidè, & invictè ostendi in uno *JESU CHRISTO* Templum à Zorobabele ædificatum ingressò ad amissim impleta esse: Ergo *JESUS CHRISTUS* promissus à Prophetis *MESSIAS* est, quem jam venisse Judæi ipsi fatentur: ergo rationabiliter Judaismus Convictus esse debet.

FINIS.

Ad M. D. Gloriam.



In P.
Pag.
17.

24.
68.
66.
70.
75.
80.
89.
96.
97.
109.
114.
118.
124.
132.
138.
151.

Errata

sic Corrige.

In Prologo

Pag: 3. ver: 1.

17. 22.

de Messia - - -
Iſaiaci - - -
quomodo pote-
rat David aut
Abraham dicere
alicui: Tu es:
&c:

de Messia
Iſaaci
quomodo pote-
rat Dominus,
ſeu Deus dice-
re Davidi, aut
Abrahamo: Tu
es &c:

24. 21.

Non - - -

Nam.

65. 14.

Memora - -

Memorat

66. 19.

Melli - - -

Melliam

70. 14.

Cap: 13. - -

Cap: 11.

75. 16.

Non abunde -

non aliunde

80. 2.

prædictam - -

præditam

89. 7.

Appinionem -

Appionem

96. 2.

Balaë - - -

Balac

97. 25.

Norcus - -

Norifus

109. 23.

parirentur - -

potirentur

114. 6.

videbimus - -

vidimus

118. 1.

convinctus - -

convictus

124. 27.

præditum - -

prædictum

132. 8.

debeat - - -

debebat

138. 11.

Christus - -

Christum

151. 26.

post 7. autem il-

post 7. autem il-


los ædificationis


las ædificationis

aunos.

hebdomadas.







Biblioteka Jagiellońska



stdr0027185

